

T 3150/B43282

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 7 1938

澤州府志卷之三十七

孝義

澤州府鳳臺縣

無州邑名者入本郡中

北魏蔡祐事親孝屋側產芝草人以為孝感所致官都督所
有祿俸盡給族之貧乏者及卒家無餘貲人皆義之

宋太行忠義耿京王世隆當宋隆興元年李顯忠兼淮西招
撫使時金人新立山東河北諸豪傑蠶起歸宋其耶律諸
種兵數十萬據數郡之地耿京王世隆等皆欲挈地還於
朝金懼亟請和顯忠陰結金統軍蕭琦為內應以取河東
李顯忠傳

元和居中性敏博學篤於交游潛德弗耀以高年耆碩旌表
其門



喬彞字仲常晉寧人性高介有守名稱籍甚至正十八年賊
襲晉寧城陷城中死者十二三彞整衣冠聚妻子家有天
井彞坐井上令妻子婢輩循次投井中而已隨之彞既死
賊首王士誠使人即彞家邀之至則已死矣賊平贈臨汾
縣尹謚純潔

王佐字元輔晉寧人從父居上都教授里巷不與時俯仰會
賊至倉卒不能避爲所獲欲降之佐傲岸自如詎賊不輟
因戕害元大德九年以地震改爲晉寧路晉城高平陽城沁水陵川端氏六縣隸司侯司史載晉寧備入之

明王仲達洪武二年舉孝廉令中江秩滿乞歸終養永樂間
徵取堅志乞養如初贈勅獎諭給鈔錠以歸

景寧族指千餘五世同居洪武初旌門
楊砥字大用進士官太僕卿父歿廬墓三年母喪賜鈔千錠

扶輿徒跣行歸葬卒以足疾致病歿

明萬曆丙戌丁亥間大祲好義捐助設粥注藥者顧州誌載
有知州鄭際明高平知縣許安邁陽城知縣王雅量各捐
俸煮賑藩封捐祿有充倏等十六人搢紳捐米者周盤等
十五人生監助賑者有董三策等十三人脩藥督施助米
助銀民有馬世侯張垂芳等十七人

庠生任敦化捐地四十畝供天井關聖廟春秋享祀
庠生郭鎮邦捐施義塚一所

顧志曰澤俗家無饒積而人性好義竭力輸助由宗紳而
而士民蒸蒸慕義如飴可謂難矣

張祿張祐張智兄弟孝友母任氏歿共廬於墓次楊貞肅繼
宗有詩美之見碑刻

朱仕樓鎮國將軍幼失怙母遭疾顛天請代既葬坐卧一小軒終制不御酒肉不入內正德間旌門

朱成錢輔國將軍事父母間寢侍膳極誠親歿先後廬墓六年嘉靖間旌門

朱成銀輔國將軍仁厚以孝謹著力學攻苦獨究性天之旨著太文錄二册進上賜救獎之

朱聰涑奉國將軍性好儒學與弟聰澱聰澐居同學同友恭同嘉靖旌其堂曰孝義

石文奎自高祖王歷五世同居一門敦睦食指幾千數無異意嘉靖間表闕

孟瀚自祖至姪霓四世同居無私財無諍語人稱義門

朱俊棟鎮國中尉母趙病危一禱而愈母壽九十孝養殊篤

推擇宗正有清節妻段氏早逝不更娶卹庶兄俊菴遺孤娶甚至捐田贍宗學出粟千石賑郡饑萬曆間下詔褒之歿賜祭葬

朱克倓棟長子博古善書有內行設義田以給貧宗其仲曰克倓少慧力學善事父母兄弟五人同居不私一物父有異母兄弟三人孤而寡力佐卹之其季曰克營繼父爲宗正萬曆中捐米八百石救荒得旨嘉獎

朱允燧輔國中尉宗約俊燧子孝友雅飭以厚產讓弟賑粟濟貧焚千金之券三十載中瘞胎至千餘具教子維翰入庠宗室中在澤者多嚮學好義稱賢王孫云

朱廷塚字憲明奉國中尉隰川王裔明制願仕者以本階易之遂膺貢知臨寶縣闖逆臨城多殺傷益衆攻圍城陷廷

塚死之一門俱殉時崇禎十五年

朱運昌字敦素宗裔爲貢士判鞏昌崇禎十六年城破迫降不屈賊支解之

裴爵椿子舉人授豐縣令聞父訃星夜奔喪表墓立祠晨夕哭奠起補臨漳迎養母母歿哭奠如父禮再任吳橋乞歸置祭田建社學脩家規里人歸厚焉

侯勳大司馬璉五世孫錦衣僉事夔子父疾温衾嘗藥朝夕同卧起及歿哀絕者數四廬墓哭奠羣鳥亦悲鳴樹上讓爵與弟不襲時稱孝友事聞旌門曰思親讓爵

馬宗盛幼孤事母至孝母亾勺水不入口哀毀幾絕既葬廬墓斬衰泣奠三年不櫛沐髮結成壇盡脫人哀之時有白猿慈鳥之異事聞旌表

勳宗盛孝子傳皆作沁水人

宋甫舉人官忠州牧父歿廬墓旌表

趙友益郡廩生父九思抱疾日侍湯藥衣不解帶者月餘病篤禱以身代卜玆得鼎折足語曰吾父三昆弟凶識也再禱得問壽九十九語比得疾悟云予兄弟亦三人應在我乎誓不藥遺命妻孥兄弟可善事父母吾亾矣遂於九月九日歿父疾尋果愈

省志沁水人

袁維新郡廩生父病痰危甚日夜籲天及父歿事母終身色養不違白頭昆弟無鬭言旌曰首篤天倫

張希魯少服賈外出母病疽忽心動歸而親侍醫藥得愈長兄亾姪燮復早歿婦靳方有娠魯旦夕籲天果生男名曰培德百方撫愛靳感之守節益堅又盡舉季兄遺財嫁其孤女仲兄乏生計析箸雖久屢贈千金親隣待以舉火者

無算更輸粟千石賑荒萬曆初詔建坊有兄希曾亦同心
蠲賑時竝旌焉 省志沁水人

秦一清庠生事大父盡孝時有家難準情調劑遭母喪哀毀
逾禮朔望率弟拜墓終其身奉父色養事繼母得歡心甘
貧力學律已甚嚴絕無惰容竭力爲季弟謀婚娶不以異
母有差等

李用澤州人舉於鄉弘治中以孝被旌

裴椿歲貢生幼孤事母孝母歿廬墓母素嗜茄遂種于墓側
茄生連理更有烏巢鶴翔之異弘治間旌表

鍾鑑進士父卒廬墓三年

明李廷玉大陽里人父母有疾藥弗愈日夜稽顙北辰復剖
股和羹以進病霍然起親歿治喪不用浮屠曾與鄉飲介

賓年七十以疾終

李用大陽里人年十五補博士弟子員成化丙午舉于鄉越
三載丁母憂哀毀踰禮廬墓三年弘治壬戌知陝西醴泉
縣事尋陞慶陽府通判致仕卒年七十有三

國朝楊世英字孟紹名諸生也會盡推先世產業於其仲秀
博母氏歡退而食貧甘之郡守周愛重其高義贈百金却
不受不敢以豬肝累安邑才氣磊落爲學使袁繼咸所器
癸酉同學王采趙嗣美計偕北上送以詩曰謬得與君三
屈指公然先我兩伸眉兀傲自若殊不屑屑然或諷以順
時榮譽曰大丈夫寧爲金玦毋爲瓦合其標致如此

衛正心字翼中任俠好義慷慨重然諾所與游多賢豪長者
國初授陝西中軍守備未幾歸築室太行山之大箕村引

泉鑿石有終焉之志設義塾建文華書院厲一鄉之成材入腴田以贍給之置永安堡造迎旭橋平治道塗勸立祠宇安井里而卹行旅凡力所得爲者無弗毅然身任更歲設庖錕以衣食里中之貧困者於其歿里民立祠祀焉孫樞次楷承舊德加謹淳其砥行立節老而彌摯今曾元林立矣

宋英字木若舉人任榆次教諭脩學校士有聲壇坫鄉居時叛兵任國奇來攻本鎮清寧堡英率弟華協力捍禦殲渠魁一圍遂解而去得全活者男女二千餘人里人感之

張恕禎京子舉人任曲沃教諭有才名父歿長號嘔血築室墓次日震亭廬每上食如生時哀感道路自作記并十慕詠見志學使臨郡諸生上其事得嘉獎當日試題有徐庶

何如人論蓋爲恕禎也

宋盛朱興德兩人從兄弟也辛未蝗蝻災各蠲千金市粟散賑民得不流亾以死尋復完治湯王泰山兩廟工爲禱雨以救旱乾鄉人咸義之

張廷布衣尙義其讓弟產訓子姪及焚券給樁諸行誼積久人尙能道之同時又有王濟中者以冒賊刃捍病母爲鄉里所稱

王璇初爲諸生時脩太行山道九十里歲蝗蝻募人掩捕所得多寡給以錢是歲不爲災其他設義學焚積券排難解紛邑人尤念其德

蘇榮生處士以友著治產與弟天澤共日用婚嫁纖微無私五十年如一日族伯母寡而無子生養死葬咸於二子是

賴榮生精醫所活甚衆有所著病鏡一書子廩生挺起與其胞姪庠生貞起一遵家訓亦不分財異居

衛楷字魯林大箕里人性孝友慈祥康熙辛丑山陝旱荒流民徧野楷慨然動念蠲金三千兩仰佐賑卹由州解送平陽郡散給又雍正癸卯澤地歉收民多乏食楷於河南糴運米石發本地準其概量減其價值自四月至七月往返流轉接濟廣周市井無騰貴之憂官倉無仰屋之歎餓者起而散者留賴以全活無算較前蠲金尤法良意美也他如親黨交游指困麥舟之助脫驂分宅之仁義期有濟道在必周其鄉人曰德行若此人品可知居鄉如此立朝可知楷已卯科副榜候補主事

陳廷繼性至孝念諸兄弟俱服官中外力請家居日侍父光祿膝下先意承志務得歡心及父歿任國子監學錄以培育人材爲已任一生謙謹公正鄉閭愛重康熙甲戌冬十二月請于朝崇祀鄉賢

劉孝勗字子桓淳化坊里人居河東村性孝友父卒於山東歷城之維口鎮千里奔喪一人獨任不以諉諸弟兄居喪盡禮哀毀骨立同嫂五人析箸時以已得分產悉以讓兄之遺孤常有人投以贖金者則棄諸河曰我寧受人欺不可令此金復貽他人欺也時以利濟爲心宗黨咸蒙其德舉步必詳視恐傷蟲蟻非燕享不殺牲敦敦仁者子世振承孝友遺緒族不能自存者悉賜卹之立宗祠冒祭產敦本務行山右州郡旱歉捐穀助賑居傍餘屋設義學延師淑里中兒孫滋善登雍正壬子賢書

澤州府志 卷之三十一
王弘烈乃舉人用賓孫父歿依母且二十年母忽思改適泣
諫語甚痛知勢不可挽觸首伏地慟竟投繯園樹死

孔興晉文明子父歿廬墓三年又有同邑張所蘊字冀山亦
以廬墓稱孝

張能敏孝友謙和無少過失雍正五年舉鄉飲正賓今年已
踰髦端謹誠恪一如平時

焦逢原歲貢生屢舉鄉飲爲人厚重謙和親老家貧恒資館
穀以娛親意事伯兄甚友愛兄歿視兄子如己子殫心鞠
育期于有成晚歲曾元林立五世一堂年九十以壽終

常乃綱康熙甲午舉人雍正丁未知湖南永興縣事閏四月
以病歸終身常持忍字爲鄉人所敬愛四世同居恬靜寡
欲卒葬南莊村

張廷諫二聖頭村人母早亡育于繼母依依膝下不異所生
先是父存日家故貧及父歿益困乏廷諫樵採山中或中
田力作稍得微資竭蹶以供老母如是者五十年廷諫質
易四方家業饒裕事母愈恭謹遇二幼弟無私財無異志
李永祺性至孝父重華年老多疾永祺日夜在側飲食湯藥
必親嘗食上則視寒煖之節如是者三十年

李永禧少時遠服賈一錢尺帛不入私房兄弟四人同居共
爨終身不分析公舉鄉飲假賓壽八十四

陰陽正術秦榜撫弟之遺孤俾之成立葬族中久淹之匱敦
本樂善年登大耋亦編氓之好脩者

李重華嘗于道左拾得白金千兩徧訪原主還其金屢舉鄉
飲賓壽百歲

李華然性好義遇饑歲常煮粥施賑貧民藉以存活初本里武勝坊八甲每苦差徭里人往往逃匿華然代諸貧戶完納郡縣主稱曰義民

成允升庠生事父先意承志克盡子道父疾親嘗湯藥父歿葬事甫畢哀毀成疾而卒里人哀之

高平縣

隋田懋德父仁恭開皇初以父軍功賜爵平原郡公丁父艱哀毀骨立廬於墓側負土成墳文帝聞而嘉之詔表其閭張宗古幼負大志父母早逝或勸之仕曰仕以行志也親老而養不逮吾志安乎終身不言仕進樂善喜施嫁宗戚之孤女五人痊貧乏者十餘喪人稱孝義

宋王友直幼隨父佐游有志匡復聞金敗盟乃團結良家子謂之曰濟事以權苟出于正何害即自稱河北安撫以玉任爲副傳檄勤王遂有衆數萬分十三屯部署嚴整進攻大名一鼓而下撫定其民諭以紹興年號遣人入奏未幾自壽春來歸詔授忠義都統制州志載入高平按史宋紹興三十一年有博州高平人王友直與郟鑿爲金鄉高平人同今已列鄉賢存而不節以志欽尚

金李森異次子年十八澤州發解第一授萊州文學天會間大饑斗米千錢流莩載路森出粟千斛賑之活者甚衆或曰易此可得數千緡森笑曰活人數千不愈乎得數千緡乎途遇行旅二人病仆垂死掖至家醫治全愈其人感泣而去蓋襄陽人也每森生辰必各持方物至而祝之

張完父早亾事母以孝聞母久病妻養母少怠即出之會歲稔出粟賑饑多所全活有假貸者百餘人度不能償盡焚

其券

明王敬飭躬砥行洪武初舉秀才母喪既閉穴旁皇數日不忍去父強之始歸及父歿廬墓哭奠者三年事繼母如母永樂間以孝行卓異旌門子璫由舉人官太僕寺丞父母繼逝廬墓六年事聞旌表

王起孝正統中以孝被旌

李振民有孝行父歿哀毀幾絕既葬廬墓晨昏哭奠麻衣蔬食三年如一日會早霜殺禾惟周廬四十餘畝不爲災且有雙穗成化間旌表

李克紀嘉靖間監生赴銓選道出潞安適賊據青羊山克紀應募往招撫伏羲說之勢漸平而克紀卒後改青羊爲平順縣叙功追贈易州判官

楊汝節目不知書親歿廬墓三年絕跡內室有司旌表邑人馮養志稱爲獨行末俗所難

徐行善事繼母克全子職淡泊自甘哀繼成時爲學使者重其行飭縣表閭

姬國瑞諸生撫弟國瑞有恩及國瑞歿國瑞撫其六齡遺孤顯庭如已子會途次水暴發瑞挈孤姪跨馬疾馳而聽二子徒涉曰義不以吾子先兄子竟兩全焉顯庭舉鄉薦不仕隱於醫

李濬慶向春子周急好施歲祲邑中賴以存活者萬計濟變輸公每多義舉讀書以聖賢爲期孝友端肅里有不逞者不畏公庭而畏其清議云

李時漸事親以孝聞秉性清嚴爲鄉黨所推重其教子尤有

家法

張養心父母歿廬墓六年哀而盡禮官師旌之勒石以志
田應運孝繼母撫孤姪每出粟賑給鄉隣其子大良庠生力
學慕義獨脩學宮泮池

裴養志農夫也有上黨人負罪匿里之僧舍事發連及其兄
養正論死養志力任代兄已而兩釋之

趙倫太僕卿執父起解官糧數千緡夜遭賊劫倫挺身拒敵
被殺官銀得保有司追給義官旌獎

王珂服賈遠出一日抵大江夜鄰舟被劫珂奮身往救盜驚
散商船分金以謝珂堅不受一時高其義

張澤性謙順寬和里有惡少肆辱閉門不與校負貸者悉置
之生平絕跡公門

楊可楹撫孤姪俾成立助貧不能婚葬者債不能償卽焚其
券其樂善好施久而益篤

焦一春事親能孝與物無競好義樂施鄉黨稱焦善人有司
累旌其門

崔堂忠厚淳龐侵侮不校重脩米山鎮文廟出貲數百金
畢應科解紛排難以義重鄉里捐貲以賑流離典田以助婚
葬事庶母五十年無間言

邑志又載李濟業楊文盛邢堯民王命予皆好義樂施有石
大良獨脩泮池石有璞張崇恩以齒德著楊朝光以孝著
田馭華緱元珍以文行著

國朝畢一棟家貧事親克孝常走潞安負米供親不憚勞日
治田山中食時必歸視飲食間不甘輒嘔蹙初父外出屬

涇州府志 卷之三十一
以善事祖母陳一棟體父志孝養甚篤歲必兩省父所報
祖母善飯父故老農然嗜人讀書一棟輒令子振姬旦晚
雜誦曰能得爾祖父歡心吾雖勞不苦也事繼母如所生
收葬弟之無後者女弟及族黨承父母意屢資給之振姬
後以積學聞

李志巒高才生父客病而歸柴骨支床志巒遂研窮醫理親
製藥餌冀起父疾及父歿哀毀幾喪生至煩母宋切責諭
以滅性非孝甲申母歿廬墓三年畢振姬稱志巒爲文長
於用意趙介亦避其鋒銳歿卽誌之

張聯璧諸生母楊性下急事之意愜則安苟違色笑卽自責
若無所容母歿極哀而盡禮他若贍病妹舅外氏師事崔
子明及崔故嘗援其家難友人郭鎬死其母與子無依聯
璧迎至家養給終其身著有愛吾廬稿

趙曦諸生獨葬祖母久遠之匱其仲叔士俊死潁州間關二
千里扶櫬歸葬又葬其季叔士杰且好樂育人材遠近多
師之

宋才鄉民少孤孝事母家貧借母依姊之夫張就食恒灌園
爲生後張妻子皆亾孑然老病迎歸盡養死葬以禮人有
以責適相詬輒出已貲解之比死鄉人鐫石表其阡
蘇天福義民也性慷慨嘗捐脩太行東路百里會教諭劉佐
世倡脩文廟天福任葺尊經閣並兩廡庖福廊廡凡五十
餘楹計資五百錢出已財刻日告竣

李東邑庠生父昌文嘗憤貧困携薄貲游廣南二十年不歸
東少長每牽母衣問廣南所在欲往尋母子時相對涕泣

憐其幼難遠行且絕無音耗不許會母病久之愈乃爲弟
婚娶俾奉母自賫父雅嗜物決意辭母行家貧徒步走太
行山遇盜以挺擊之幾斃至漢口急附舟沉於水遇救得
免抵佛山鎮諮訪無跡寓久資乏涕泣乞食一日夢見其
父遇汾客始知父寓瓊州嘗娶妾生女今歿已十三年妾
亦適人矣東擗踊呼天遂航海至瓊訪父妾所在問父墓
出所賫物哭奠爲女弟擇配乃開父塚殮骸囊篋中號泣
在杖負之行渡瓊海過雷江涉梅麓湖經觀音崖暨韓瀧
湘潭諸險凡往返萬八千里重趼迸裂血流被土崎嶇萬
苦乃克歸父骸於祖墓製服設奠觀者萬人事聞雍正二
年奉

詔旌其門

許貴其祖朝家於萬曆間投牒縣令願獨力創脩南陳通濟
橋以便行旅至雍正八年橋圯貴復牒縣重修其堅固比
昔有加祖孫好義世濟其美

邵綸音少時奉祖訓有忍讓饒三字終身佩服不忘父存日
人有貸其銀粟者券約甚夥後遵母命召貸者各還其券
一時義聲徧閭里

朱先正性寬和事親克盡孝謹尤好施與鄉閭貧乏者厚自
賑卹嘗立義學延師長以訓諸蒙士脩築長途俾行者無
崎嶇之苦

王文字馬村人貿易保定之完縣與葛東岡友善東岡有子
弗立懼其毀敗陰以白金八百兩托文宇初不令子知無
何東岡死文宇教督其子俾其成立將東岡所遺金還之

完縣令孔君爲立碑表其事

陽城縣

明吳茂字德容母歿溢米不入口三日毀甚既虞後始食藿鹽廬墓食粥地無水掘地得泉瓜生並蒂楊貞肅繼宗詩曰地湧一泉呈孝至瓜生並蒂表心淳又有傳紀其事田祺夙以孝稱父歿欲廬墓繼母不可迨繼母卒乃結廬塚旁朝夕哭奠以遂初志有穀生二穗之異正德間以孝子例冠帶

成靖寧初喪母幾不勝喪父卒哀毀益甚既葬結草廬墓側僅容膝晨夕上食者三年時有白兔烏鳥來繞廬旁撫按旌其門學使章僑舉孝行貢禮部以非制罷後循貢授汝陽王府教授

陳仲孝字忠夫性至孝母喪廬墓三年斷絕鹽蔬感徵白兔金雀嘉禾之異以吏任縣丞恪勤供職卒於官百姓如失慈母知縣李棟上其事詔樹坊曰孝廉

陳思孟諸生仲孝子事寡母以孝聞母歿廬墓三年猶子炳亦庠生失怙恃因叔廬墓亦移居祠堂朝夕哭奠甫禫以毀卒縣令立石道旁題曰陳氏三世廬墓處

原井田家貧母歿廬墓不出竟以餓死鄉人哀之

衛瑄成化間青陽里民也遭母喪廬墓三年日夕哀瘁如初喪滋味未嘗入口里人見而哀之謂其身無罪而似罹桎梏者其慘怛可知矣楊貞肅繼宗有孝子廬墓詩紀其事教諭劉一清爲立碑今祀忠孝祠

喬彬字監周十歲喪父盡禮乃如成人侍母田病十年不少

懈率弟朴力學先後為諸生以奉母歡比弟亡對母忍泣
出而撫膺號慟拊弟孤子女逾已生人咸稱喬孝子臺使
旌其門

王鳳翔竭力孝養即菽水必親進父母間出外信宿不寐候
于郊迎還始即安生事死葬俱盡禮適飛蝗害稼過其田
不食人異之有司旌其門

延人秀邑諸生習岐黃家言高才負氣遇賊被執索金曰我
貧士安得金賊曰即無金安得強項不跪曰我膝可屈必
不能屈于賊賊怒斷其臂而去

賈之鳳進士初任真定推官父令定陶寢疾鳳聞父病棄官
晝夜馳七百里相見得永訣歷官酒泉按察使弟之龍亦
有孝友稱

李博諸生父歿甫視含歛寇忽至家人趨避博倚父柩不去
其妻延氏自經博不知也頃與賊入博哀求百計乞全父
殮賊不從竟被害臺使旌其門

徐滔自祖貴及伋及璣父鉞以來謙謹尚義至滔義行尤篤
子梁孫輝七世同居事聞旌表 徐滔州志入陵川

賈志儒慷慨好施耻言人過兄弟五人先亾其三遺孤十數
輩竭力資其婚嫁閭里訟端往往就質志儒每排解之鄉
隣有王彥方之頌子孫亦多達人

王海字大量幼從父賈河南數能捍賊患義氣激發目無艱
鉅生平未嘗學問而雅好士人其立義塾義塚濟急周困
為善若嗜慾然知縣為表其高義于碑三原馬理為之文
衛吾良邑貢生性孝母疾浣滌廁臉皆親為之不解衣者四

闕歲

楊重光邑增生嘗拾婦人道遺金環日將必受詬責有傷生
事急訪而還之遇凶年收養族戚數人於家鄉間稱義焉
于大復諸生少孤母歿廬墓三年知縣劉應奇題其碑曰孝
子

田自脩事繼母盡孝與異母弟終身同爨撫孤姪如子有曲
直待剖者正言不阿人咸憚其嚴正而服其公明臺使旌
之

張垂芳有義行輸粟千石賑荒捐貲以石砌官道萬曆間旌
表

白含章含秀兄弟也渡河避賊難適與賊遇出金求脫不得
兄曰乞殺我弟尚無子弟曰一家衣食全賴我兄乞殺我
相與爭死賊義而兩釋之

曹光祚諸生避地河西賊執之義不受辱抗節而死奉勅表
里

張騰雲儻有節槩崇禎五年流寇勢張甚騰雲結鄉之義
勇圍保堡寨及賊至固守會天雨泥淖不能搏戰眾遂潰
被執不屈竟遇害

成惠人字不費諸生白所知太保外孫也工詩類李長吉著
有赤虬艸以寇變避南山為賊所執不屈死

郭文會以正統中輸粟二千石助賑奉勅旌門

栗文輝吳應奎王海陳大億輸粟賑荒或二千石千石數百
石皆得旨建坊旌表

馬任遠庠生當闖逆之變侵掠肆毒逼授任遠偽官任遠不

從始以白刃臨之不屈繼以弓絃縛置濕地三日夜終不屈其妻謝氏恐賊逼辱潛抱幼女匿厠坑中糞穢沒胸頸伺賊縱火去急出解任遠縛筋骸已孿曲不可復伸矣謝氏養夫殘疾以終身

吳志在明末諸生值流寇肆虐冀南一道被其焚掠者甚衆時上官思得力能止亂者志在往應聘協同武弁統領兵民數千出討賊賊因遁去潞澤居民按堵如故

國朝王重新字煥宇沉厚寡言饒智略賈不數歲以貲雄一方明崇禎壬申寇亂被執僕某請代戮賊義而釋之歸築郭峪城砦輸七千金以濟庚辰大賑救不吝傾橐甲申賊將劉忠困城重新募死士馳報王師大軍至圍解已丑姜瓖變復遣心腹詣軍前力陳全城不叛狀得胥免剿洗

其他助婚葬治道路義行難更僕數及卒白司寇學謙聞而太息曰吾鄉布衣無人矣爲誌傳載其行

白鳳振菜傭也家無儋石儲事父玉帶色養備甘醢未嘗一日缺父終九十餘士大夫見而改容以禮官給旌之
曰如梅化源里民通邑悉欽其孝父疾祈以身代及歿後十載猶蔬食不食菜果入冬不禦縣續有綿定奇溫之痛公舉篤行長官旌其閭

張瑛懷古里民孝友根心秉質淳厚服勞奉養甘輒無闕體親意同懷不析箸以終其身

陵川縣

金趙振姿性淳厚好施予父歿哀感路人析產推肥于其兄而自取其薄里中貧不能葬者悉力周賻又注藥救病者

賑粟救饑者賴以全活甚衆識者曰公陰德大矣後必昌
至天眷中二子安時安榮皆廷試第一

元季義早喪母繼母龐鞠義如已出義孝龐如所生龐有疾
醫不效義懇北辰祈以身代乃密割股肉和糜以進跪告
曰兒別得神藥飲之卽愈已而果愈人問其故終不言久
之人見其脇左有刀痕知爲割股救親詔旌表後以子廷
寯追贈嘉議大夫兵部尙書

明義門李氏李濡立家塾訓子弟敦親睦自曾祖約祖景隆
父盛子珂孫鍾六世同居事聞旌表

義門徐氏自徐貴徐伋徐璣徐鉞徐河徐漢徐滔徐樑徐輝
七世同居共廬墓輸粟累世不絕先後上聞旌表

徐璣趙翽正統天順間輸賑旌表

徐潮徐鉞徐鑽徐樑武鶴王興成化間輸賑旌表

甯溫甯演弘治間輸賑旌表

牛耕正德六年流賊陳卿率衆突入太行山至平城鎮執耕
問曰陵川與壺關孰遠近耕給曰壺關近且平陵川遠且
險比至壺關界問衆尙遠賊以誑已遂亦耕于西和鎮兩
邑胥免難

婁凌雲諸生父疾衣不解帶父歿廬墓三年

婁西凌雲姪諸生母疾晝夜扶卧起溽暑沍寒無間及歿哀
毀踰禮廬墓三年

婁銓凌雲孫父疾日夕奉事久而不怠父病中思瓜冒雪走
求不憚百里外比歿負土成墳事母不以貧缺甘旨詔旌
表

徐河貢生及從弟徐漢俱廬墓稱孝

李培秀性至孝祖母年八十疾秀割股以進

徐騰雲貢生天性仁厚有儒行孝繼母友從弟學使文翔鳳表爲德學兼優

曹民信庠生居喪骨見衣表事繼母讓兄產以孝友著又與弟民悅出粟賑鄉里饑事聞偕旌

朱廷彥字聚奎貢生善事寡母以孝聞

徐居仁字壽軒諸生以孝旌

徐啟昌王佐才王國材武立綱俱以孝聞於臺令得表聞

李大芳李時芳割地贍寡妹俾得全節鄉黨稱之

董時增干總崇禎五年流賊逼境巡道王肇生來援幾不免增以身捍之力殺數賊而死有靳朝先亦以干總禦山寇

陣亡

段章美諸生教授毓秀子崇禎五年流寇逼掠執章美大罵不屈遇害

王一欽廩生七歲母歿繼母張遇之寡恩父以不賢責張欽泣諫及父歿張病孝謹益摯異母弟一欽感之勸張以恩待而張竟化爲慈人稱爲小閔子

趙思義行誼著聞鄉評推重縣令舉爲公直每朔望詢以民間疾苦政治得失

明孝子有王佐才字無欲邑廩生以孝稱學使孫旌其門曰

孝行兼優 王國才字春華邑貢生孝繼母弟長兄敦睦

宗黨 武立綱字省寰邑廩生事祖父母以孝聞 和應

光事母極孝

明尚義有都志洪婁繼祿蠲學舍地畝成化年有徐鑛蠲銀四百兩武鶴捐粟五百石及王興秦洪秦應雲秦孟魁李國卿各輸二百石賑饑秦恒吉徐允敬設粥廠王寬助軍糈曹廷樛撫孤姪馮瑗讓弟產皆鄉人之好義者外此尚有助賑卹黨一鄉矜式之人悉詳縣志中

明末千總靳朝先山賊竊發先與之戰死之

國朝楊一藻字煥章廩生姜瓌之難與知縣李向禹同以捍禦被害後知縣黃國燦上其事高御史請得旌其門

牛魁斗諸生幼孤家貧無所得師恒依母紡車光授讀雖有室常侍母寢及試諸生高等母驟然且傷父不及見也母善病倚魁斗為生先是流寇壓境魁斗負母避難寇劫其母魁斗哭請甚哀賊感動曰此牛孝子也遂舍之

郝勲歲貢生孝友耿介為士林矜式居喪盡禮有終身之慕壬子遷廟學任朔齋廊尊經閣費五百金而不專其名尤義舉云

曹延禧拔貢官上高丞同兄朔建明倫堂出貲五百金

邑志載文學有趙安止鄉舉通五經王好古通五經於詩書尤得要旨列郝文忠經前不詳何代人又有徐樺兼通五經明性理倡教京師大河以北皆師事之詔復其家在張瓚後又儒行中金有姬守中工書云見龍岩寺碑韓德輔聚書萬卷教子奉母王年至一百六歲明徐澍成化年貢生經明行脩與張經元信齊名劉鎮威安貧好學和暖多才力學牛麟趾教授多士纂錄經書粹言路中行勤學篤行人多重之婁缺好學終身不怠傅天錫博雅有文王廷

誨讀書懷古李爭榮孝友著稱有常惺惺功過錄等書李杜言風流博瞻雄邁絕俗

陵川續志開列文學儒行孝義隱逸等名有實跡可書者摘載於前注語大略相同無從立傳者附載於後其跋語云蕞爾陵以文學著者不無一二又云全人甚難姑節取之君子不沒人善登之以勸來許

劉奇聲屢舉鄉飲賓會與纂脩縣志

馬掄奇鄉飲介賓居家孝友

王元郇諸生事親盡禮廬墓三年

徐慧龍善養親志親滌溺器

牛冲漢邑廩生親病不離左右湯藥必親嘗

和參化諸生兄弟讓產調卹鄉鄰

馮君鎬撫二姪成立以遺產讓之

劉堯裔孝親睦族值歲歉悉焚舊券

王彰年荒時同兄彭設粥濟貧

姚可頓恤貧焚券

楊顯秀慷慨好施常鑄行善書勸世

續志中文學有徐還泰甯景兪曹洵劉惺馮君就徐佐曹度

王心儒行有甯珽姚文炳和俊和姬化王典和象元李昂

王如旦劉堯封閭仲璟劉謙武忪曹棠李旭孝子有徐瞎

武雅義士有劉端王璠徐鍾靈武雍李孔懿隱逸有劉忱

和方趙慧遠和添壽按諸賢惜無事實可考據冊所載

多不詳謹錄名於籍以俟後之核諭者失落孝子武毅

沁水縣

清少府志 卷之三十一
明許倫割股愈母疾鄉黨以孝稱 省志作許論

霍一楠邑諸生父客秦而病未至十里楠知之奔往迎歸左右不離晷刻時適學使者歲試楠不忍暫釋竟至除名竇如珂母疾泣禱請代及卒廬墓兄如璧知成武時以白金三百與如珂受而埋之後兄故遺兩子珂俟其成立啟前金付還學使者聞而表之

段讓孝友端方通經籍工詩旁及陰陽方術樹藝諸書與兄弟同居共爨終其身激厲後輩向學子弟咸敬憚之鄉黨有赴愬者折以片言俾無速於訟胥歸德焉

何麟藩椽也武宗微行由大同抵太原已夜門閉不得入大怒還遣中官逮諸守臣衆懼麟曰皇上但逮不啟門者未有主名此易爲耳若厚賄中官不令羅織願與俱往卽上

又下則麟一身何足恤哉遂抵京上疏曰陛下巡幸晉陽

惟時司門者實臣麟一人他臣無與也臣不能啟門恭迎鑾輿臣罪萬死但陛下輕宗廟社稷而遠事巡遊且易服微行無清道警蹕之詔白龍魚服臣下何由辨昔光武夜獵至上東門守臣到憚拒而弗納光武以爲守法而賞之今小臣欲守到憚之節而陛下乃有不敬之誅臣恐後世以爲臣之不幸不若到憚而陛下寬仁之量亦遠遜光武也疏上怒稍釋廷杖六十釋去不問麟還撫按以下皆郊迎致敬

秦德兄恭因酒殺人德以兄居長無嗣而已有二子抵官誣服代兄死後御史疑其冤欲直之德恐礙兄終不言遂棄而遺妻潘氏年二十五守節事舅姑撫孤子終其身亦不

魏婦德

韓巍隰川王儀賓賈寓太康之楊家集值師尙詔亂攻陷歸德將趨太康道經其地民逃避不及者多爲所掠巍獨據一樓拒賊矢石交下頗有殺傷相持三日賊縱火焚樓巍墜樓賊生得之脅與同事大罵不屈賊怒斷其舌復剖腹殺之賊退里人霍鎮收其屍面色如生方賊抵集時太康無官署事蕭通判至始設守具賊來不能克而太康存中間扼之者巍力也立廟血食歲時不廢

趙完璧崇禎五年紫金梁作亂完璧奉母王及妻李守樓賊至以甘言誘完璧訶叱之賊怒焚其樓李懼辱先縊死夫前餘人後先縊下母老不能動完璧遂同死烈焰中後王廷璽以事聞道縣旌之

衛思洛天民次子諸生崇禎六年流寇陷城被執不屈談笑而死妻尙媳李携子女赴火殉學使旌門

郭衛鼎崇禎十三年奇荒盜賊蜂起本道檄衛鼎領鄉夫防禦端氏扼賊之吭自費家貲數百金供應無何鎮陷抗身不屈慘殺東城下

張鈐字宇奇沁水寶莊人父五典累官宮保尙書宮保子六曰鈐御史死遼事諡忠烈曰鈐舉人曰鈐進士曰鈐舉人曰鎰貢士時方重科目自鈐以下皆矯厲自奮而鈐爲三子獨俯躬恂恂再舉於有司輒不利以子道湜官翰林編脩封如其官當宮保時鈐爲諸生有文名宮保曰吾家故貧吾爲吏產益落汝曹皆守文墨家人食指多又疊罹寇殫可以寄百口者無如鈐賢游太學歸遂理生事遵父志

也宮保歿時忠烈已殉難鉛鉛鎗年才幼穉鈐以養以教
垂三十年皆有所樹立聞於時明末詔舉賢良方正科識
者方屬意鈐策驢遜去武林歸益退損籜冠布袍過市門
一人負重不勝呼助力急呼旁舍人助之晚年瓦器脫粟
蕭然杖履間陳相國廷敬曰謹厚純樸退讓君子也席藉
榮寵何難取富貴以就功名顧泊然自外獨行其志非有
德者孰能之

侯完侯永趙獻何真正統五年大饑各捐米二千斛賑荒又
成化年間陳鳳翟璟李綱各捐米四百斛賑荒萬曆間柳
富春輸粟一千斛李泮輸米五百斛賑荒咸上聞旌表

王應泰廩生道委把總李懷合守城禦寇懷合縱兵大掠應
泰面斥之聞於道將立逐懷合不閱月兵與賊通沁城陷

執應泰罵不絕口迎刃死復舉屍投烈火其妻張并弟起
泰及妻崔抱子同殉於井道州旌其門 按明紀泄泄在
廷相繼釀亂親民者復股括以奉之遂至四海鼎沸善者
亦無如何日坐政事堂目擊奄邪之害民而猶覩顏爲其
假兒一時之錦衣玉食可安也億萬生靈之塗炭亦可念
也誰秉國鈞乃至此極浪浪一哭朽骨其獨顛乎否
張瑩邑諸生母死粥食三年不除腰經與二弟同居終身無
異產

王希聖舉人幼失怙家貧資館穀奉母與弟淑聖相師友訓
之有成後希聖雋淑聖力任內外事希聖歿無子嗣以子
堦喪葬竭力營辦稱王氏二難

張清母潘孀居一妹在襁褓清年甫十五游學陳留積資以

膳母妹母歿終喪遂僑陳留先是妹恃母愛每偕其婿虐清夫婦後遇大嫂妹攜家五口投清清厚遇之得全活壬午冬闖賊陷陳留清竟不屈遇害

趙家珍邑廩生幼孤母竇教之成立珍色養兼盡以成母志崇禎間旌孝行

趙永健邑廩生幼失恃父家璉繼娶商撫之極慈健事商如所生以孝著及壯卒商與婦呂撫遺腹子商事姑竇備極辛勤會竇歿家璉亦亾商雉經以殉呂救得甦姑婦相依矢志靡他賢慈孝節並萃一門

張道澍邑歲貢父鎔老而鰥凡臥起飲食澍必躬親其事嘗一日自外歸聞父上床失足傷額號慟口吮血痕自是左右不離時一子痘危甚澍未暇一視也然卒無恙人謂純孝所致

韓肫仁進士官青州守請終養旌表孝行加一級

王喜諸生父故廬墓朝夕拜泣每飯自炊炊熟必薦如是者三年縣旌之

王維城天啟中歲貢生以授徒終身安貞食貧不假外慕能含忍不屑與人競福其齋曰聚樂著有永思錄以子廷瓚贈禮部郎中朝議大夫祀鄉賢

王廷璽崇禎年貢士性孝友好學從游者多知名曾秉鐸蒲州復補陝西維南教諭所至輒有聲講席以子度封刑部員外郎祀鄉賢

張廷邑庠生瑩五世孫幼失母王孝事繼母柳遠館杭州聞繼母病孤行疾馳歸與婦楊晝夜侍側嘗藥祈以身代目

不交睫者五十日夜縣兩旌之有文傳於碑

劉希曾子用韓孫光月曾孫奕昌元孫洪澤遵其志以耕以讀昆弟羣從五世同居

楊崇詔內行克敦子齊芳呈芳承父志不分析里人名其居曰孝友堂縣旌其門

王梓寇亂時携妻劉避地金峰中途遇賊欲執之梓負膂力手搏賊後衆賊至被執脅降梓怒格鬪死賊復以刃加劉劉抱梓屍大罵賊殺之

郭學泰安知縣士英子與弟學俱名諸生遭劇賊任國奇破寨學與妻常學與妻何兄弟妯娌同投井死

竇縉竇綬俱庠生父歿廬墓三年

國朝韓瑒諸生早失怙事世父肫仁如父奉母馬稱篤孝教

督兩弟張與璵俱成名母歿瑒哭向人曰與母相依今舍我何生爲疽發背七日死性剛有胆明季寇急張督師致之行間談兵事聞祖母病卽馳歸歲饑民走險縣議勦瑒單騎叩壘諭之賊解散善醫旁及青鳥術精書法

張珍寶世英

省志

何印

州志

俱別列傳

王廷拱生平敦睦宗黨無間言慕義循禮樂善好施鄉曲多敬愛之子紀入翰林歷諫垣任藩臬著直亮之節得之家訓爲多

何印順治六年姜瓖黨沈等盡破堡寨獨端氏堡屹峙賊環攻印中三箭血流盈襟猶飛石擊賊不少輟賊退印力竭而死人謂端氏不被賊禍者胥印力也

竇瑀字伊璇宋戚晚竇將軍裔順治丁酉舉人授平定州學

正講學厲行士貧有不能自存者贍其衣食補榆次教諭捐資脩廟學遷汾州府教授士子送者直達汾署官平定時邑令有欺凌本管州守者瑀奮然口司鐸有名義責奈何目擊屬員犯長官而任其恣橫耶欲代訴上游令懼爲守謝過官榆次時邑紳魏濟南卒於官其孤扶襯歸里爲豪族所侮孤訴於瑀言之邑侯坐以法初薄游亳州有劉少宇以竇姓出繼被誣禍且不測瑀力爲昭雪少宇以千金酬不顧也瑀旣宦游田宅悉以讓異母弟琇璿璐薄俸所入且周族人生平蓋慕范文正之爲人子世英邑諸生節婦趙氏出生二歲父歿母每言及輒流涕母冒病七日英哭泣廢食見者幾不識爲英也垂十二年未嘗一日離母歿慘痛哀感四鄰廬於墓側哭奠之餘卽勤誦讀感疾值庶母盧喪親串憐其哀毀恐不起欲勸歸而又不忍竟終制焉其從兄遺孤文失明英自鬻一婢從之嫁而安其室雍正二年公舉孝廉方正以疾辭有條陳教職民壯鄉約社倉四則當事命頒發各有司官

竇斯在字在茲邑廩貢生由教習授陝西保安知縣其六世祖爵寓居杞縣時出粟五百石賑饑五世祖綬與兄縉廬墓終喪代多隱德保安陝之下邑苦瘠貧入境卽設計周卹民獲蘇省襍費禁刁訟尙義講學期年而治成靖邊定邊兩所荒旱奉檄署理招撫流亾未幾羽檄交馳斯在獨慷慨赴急統軍憐其老斯在力請坐臺次輓運糧儲不辭勞瘁已得疾卒擅幕裏尸士卒咸雪涕保安靖定三所民醵金送喪歸初受業師竇向平無子邁疾斯在棄館歸侍

夜臥病榻旁不解衣者六十日及卒經營喪葬服心喪陳
僉憲廷統雅重之延聘教其子觀顯成進士

竇載德字子恒邑增廣生性孝友親歿泣血三年未嘗見齒
撫弟之遺孤自襁褓至成立疾亟禱以子代勿從王英學
英死每春秋備物致奠中年棄舉子業究心儒先語錄月
朔偕族叔世英集廟學講經辨王霸誠僞之分立童子學
旬日令一鄉童子謁廟行禮背誦小學與日記故事間摘
一二條詢之發其良知良能年饑約里人日出米若干以
賑鄉鄰名爲減竈頭米宗黨戚屬多賴以生又倣朱子社
倉法勸人出粟積貯爲備荒經久之計年七十餘以徵疾
終噫竇氏多賢者若載德寒生耳決去凡近而皎然以聖
學爲藩籬志及顏孟而心在唐虞輓近民生庶其有豸乎

竇琇邑諸生瑀異母弟也剛正孝友兄游宦琇竭力事親能
使同氣無內顧之憂高堂無游子之感後兄病篤聞信晝
夜行三日而至署兄積俸若干金密以付之及卒以窆室
盧與趙俱少艾趙生子世英方二歲琇左右孤寡歸葬事
畢延鄉達族老出前金爲區畫生計衆議以百金歸之乃
悲不自勝曰設有利心早爲自肥計矣何待今日利孤寡
所有乎人有感而泣下者訓藐孤以讀書力穡爲本有怠
者泣而責曰若不自力吾何以見吾兄於地下耶旣沒家
無餘財姪世傑世英力營喪葬於其子世俊孫無荒待之
特厚今皆食餼庠序二兄成全之力也世傑琇子初嗣兄
慰衰慕者夫瑀愛其弟琇則撫其子子復翼其子若孫一
門之兄弟子姪若相酬焉孝友之感延及苗裔永世其昌

矣

竇榮仁武舉人性至孝家貧無以為養常典婦衣以供甘旨婦亦潛化於孝無怨言父暴卒幾不欲生母病彌年日夕扶掖不一假人手時仁年已六十矣居喪哀毀竟以此致疾而終

竇世俊性孝父秀患痰疾手足不仁凡飲食起居世俊必親自扶掖歷數年不怠家故貧甘旨之奉必當親意安貧篤學篋瓢屢空晏如也

董理田翼田兄弟二人幼失恃怙各散處四方以餬其口後十餘年歸并閭理田躬耕翼田力學同居友愛以終其身霍名煥當明末縣毀於寇煥佐張道濬脩復城池又獨築北城水隄十餘丈

白文德西曲里人得陳福臻路遺白金數十兩臻正皇遽不知所出德訪而還之

王廷瓚明崇禎十三年進士任行人司行人順治間乃歷官禮部郎中孝友朴誠居鄉與物無競入鄉賢

韓瑁肫仁子國學生仰承父志為諸從弟建宅舍分給資財與已埒順治庚寅饑出粟三百石周里黨貧乏人多賴之明季見時不靖率脩郭壁北寨寨甫成賊遂至圍困多日而不至析骸易子蓋其力也以此全活數百家至今依為保障

韓萬戶拔貢生部檄催赴選父適病嘆曰微名雞肋如親病何辭不赴張憲副道湜為作傳稱其孝於親友於弟睦於鄉黨胸無城府而口無臧否洵不愧長者云

張徵士字煥都歲貢生壯歲父于廷歿以過痛故減飲食至終其身不能復奉母四十年盡孝養初徵士兄弟五人母歿時以亾其四獨辦喪葬百爲俱集其三兄夫婦亾遺二男一女五弟夫婦亾遺二男襟裾襁褓晝夜呱呱而撫育盡瘁以及飲食教誨婚嫁等事凡二十年乃畢旣以食指繁多召諸姪及其子析先世所遺產各給其所應得且分所有益之人以爲難

張廷禧西曲里人奉母孝服賈於外遇時鮮必使人馳送然後入口生平無一言一事少違母意弟延祐婦子數口俛禧以養事無大小皆一身爲之竭蹶未嘗令其弟辦一錢遠近稱之

張蘭馨上谷中里人七歲失怙母尚氏苦節蘭馨事寡母色養兼盡母歿朝夕泣血三年不輟里黨推爲孝子

丁際聰北王西里人兄際辰長於聰二十餘年兄子蕙闌亦長聰一歲聰與兄析箸後兄子不立兄遂恚恨致疾聰思寬兄抱恒委曲以濟姪亟不使兄知始而出已貲以助旣而稱貸於人且棄所分田土償之凡百拮据絕無難色或勸爲自顧計不聽後其姪感悔而聰亦家至小康愈敦睦愛云

田補唐雍仙高新唐書孝友傳數世同居天子旌表門閭賜粟

元趙一德字季潤龍興新建人被俘爲鄭留守家奴歷事三世號忠幹一日請于主曰一德自去父母三十餘年矣故鄉萬里未獲歸省今父母已老脫有不幸則永爲天地間

罪人矣因伏地涕泣不能起王鄭阿思蘭及其母澤國太夫人皆感動許之期一歲而返一德至家父兄已歿惟母在年八十餘一德卜地葬二柩畢如期還阿思蘭母子嘆曰彼賤隸乃能是吾可不成其孝乎卽縱爲良將辭歸會阿爾思蘭以冤被誅詔簿錄其家群奴各亾去一德獨奮曰主家有禍吾忍同路人耶留不去與張錦童詣中書訴枉狀得昭雪還其所籍太夫人勞之曰當吏籍吾家時親戚不相顧汝獨冒險以白吾枉疾風勁草於汝見之令吾家業旣喪而復存者皆汝力也吾何以報汝因分美田廬遺之一德謝曰一德雖鄙人非有利於是也重哀吾主無罪而受戮故留以報主今老母八十餘得歸侍養主之賜已厚矣何以田廬爲遂不受而去皇慶元年旌其門元

史孝友傳又承旨程鉅夫有趙季潤忠孝詩

明朱成鋹隰川王諸孫父仕塲坐罪幽鳳陽病死成鋹微服走鳳陽視喪上疏自劾越禁乞負父骨歸葬澤州卽不得願爲庶人止墓側歲時省視詔許之成鋹乃奉喪歸弟成鏐亦好學有志槩嘉靖十三年上言雲中叛卒之變幸獲銷弭究其釁端實貪酷官吏激成之臣慮天下之禍隱於民心異日不獨雲中而已指陳切直帝下廷臣飭行時以其兄弟爲二難焉

衛瑄字廷璧陽城人成化中母賈氏歿瑄廬於墓不食滋味疏食飲水而已將大祥邑失官銀搜捕甚急有誣瑄者邑令執至廳加桎梏將下獄天忽陰晦白晝如夜須臾雷電風雨交作人皆謂孝子被誣天震怒也令聞倉皇破械釋

之既歸廬是夕徹曉星月宣朗如晝廬墓三年後獲真盜令以前事遂不奏請旌表楊貞肅記其事曰孝足以動天地感鬼神化強暴格鳥獸孕草木詎不信夫作詩以贈之後令劉嵩勒石墓道教諭劉一清跋其後

李道人高平人以母病登天壇山墮崖舍身以祈其愈初墮時但如行清化鎮道上忽有龜蛇左右相逼始知墮崖則已坐深谷中肢體無損凡四晝夜罔知饑渴天壇老道士聞其捨身覓而得之時隆寒俾之附火左右足悉墮其趾自是母病亦愈遂結菴居山中大梁李濂記

事親盡孝或廬墓終身者正統間高平王起孝成化間高平李振民澤州舉人李用及裴春皆以孝行旌其門

吳開先歛人崇禎五年流賊躡山西監司王肇生知開先勇略便宜署爲將使擊賊戰澤州城西賊敗去從沁水轉據陽城開先恃勇渡沁戰北留墩下擊斬數百人砲盡無援一軍盡歿贈游擊將軍友人張履旋爲立碑其戰死處

張光璽澤州人光奎之兄守備劉自安千總與光奎竝死流賊之難事聞光奎贈光祿卿光璽等贈有差

路如瀛陵川人貢士山東臨清州同知城破殉難

姚啟崇沁水拔貢崇禎間任陝西渭南縣丞潔已愛民殉難死節

澤州府志卷之三十八

文苑

漢穎容字子嚴長平人博學尤善春秋著春秋條例五萬餘言舉孝廉公車徵之不起

後魏檀翥高平人少喪父好讀書善屬文爲世所重孝武時除中書舍人兼脩國史大統初以迎駕勲封高唐子南北朝張文舉高平人通春秋三傳幼負才名時士翕然宗之性恬逸不樂仕進

隋王略高平人爲國子祭酒羽翼聖教闡發微言精易象春秋及遷史

宋李大節高平人唐韓王元嘉後長於春秋毛詩尤精天官地輿之奧志尚高潔耻爲一切巧僞之事里人推爲長德

子旦孫異曾孫森元孫晏世躋顯仕

李異大節孫受韻於大愚公著切韻門庭傳世有二子長林舉進士次森年十八澤州發解第一補萊州文學別傳見孝義靖康之亂盜賊掠境森謂其渠長曰公第取財何害但勿殺人皆羅拜而退森長子曼稱賦材舉進士次子晏晏子仲略別傳曼子伯疇高才善屬文次中立舉進士一門累葉多以文學知名

金趙可字獻之號玉峯高平人貞元二年進士仕至翰林直學士高才博學卓犖不羈貞元時有聲場屋後入翰林一時誥詔及廟堂著作多屬起草流輦服其典瞻其歌詩樂府尤工著玉峰散人集子述永安中進士詞章字畫皆有父風性落魄嗜酒

盧洵高平人有詩學李晏見所作上梁文器之勉使就舉年六十一登科歷河南教授宜陽令有政績詩文推重於時劉昂霄字景元別字秀房陵川人父俞字彬叔明昌進士昂霄讀廣記半月能背誦元好問戲取市人日曆鱗雜米鹽者令讀之一過目無脫遺大率昂霄之學無所不闕六經百氏外世譜官制與兵家所以成敗者爲最詳爲人細瘦似不能勝衣好橫策兀坐掉頭吟諷幅巾奮袖談辭如雲四座聳聽禁不得語故評者謂王湯臣論人物李之純元談號稱獨步昂霄則兼衆人之所獨愈叩而愈無窮不知去古談士爲遠近餘子不論也嘗用門資叙調慶陽軍器庫使不就諸公方薦試宏辭已病卒臨終夢賦山泉云帶雲縈遠澗和月到疎林又云萬里馮唐老中年賈傳歸未

幾下世年三十七

秦畧字簡夫陵川人父事軻有詩名工作大字簡夫少舉進士不中郎以詩爲業詩尚雕刻而不欲見斧鑿痕有自得之趣年六十七卒臨終留詩云軀殼羈棲宅兒孫邂逅恩雲山最佳處隨意著詩魂自號西溪老人有集行世

陳載高平人力學安貧日誦數千言明昌間舉經義第一人在翰苑十餘年著述甚富

申萬全高平人少有聲太學中貞祐間調福昌簿不赴隱居盧氏山中以讀書爲業攻詩知名人謂得之靜養者爲多正大中召爲史館編修

晁國章高平人甘貧嗜學不樂仕進教授生徒從遊者百餘人自律嚴整進退語默俱有矩矱諸生肅然敬畏邑之英雋多所造就

宋景初高平人任平原教授以經術廸士歷宰晉城鄉寧平潭三邑後家居七年朝論高之擢國史編脩至諭德卒於官

元李純高平人父仲紳金奉政大夫純幼習父業常帶經而鋤中統庚申詣京執政者嘉其雄辯授中書遷臨漳簿元凱高平人有文學爲時稱譽隱居不仕以德義表率鄉閭著述窮極天人發前賢所未發士多傳誦之

衛元凱字舜舉陽城人性清介有學行積書盈室肆行博覽登元統間進士嗜學砥行以終

明宋之范嘉靖間以明經任深澤尹有雋才工詩文翰墨郭昌嘉靖庚子舉人熟於掌故篤學能文後進成稟教訓不

澤州府志 卷之三十一
仕竟賈志歿

王讜字介石擅古文詞舊乘闕略讜廣采旁搜頗稱詳備以明經授萬泉訓導遷府教授

白象庚字長孺篤孝友少嗜學一時有藻博之譽早卒從父司寇孕謙銘其墓張大司徒慎言爲之傳

郭定成化乙未進士光州知州質子姿性穎異而好學不倦登第後宰執謂其文幹兩優官知州

李聰景泰癸酉舉人以孝友稱歷鄆縣慈谿訓導凡經指授悉有條理嘗訓學者曰爲學當以體驗擴充爲主一時士類務向實學在官二十年多所造就致政歸自託于章縫書史間遇事卓有裁制而禮度自嫻彬彬有古人之風

李灝沁水人聰長子大司農瀚兄也熟史學尤工詩不樂爲

舉子業居族黨雍睦謙讓不以門第驕人邑長至率先造請究問治術知無不言言無不盡所著有郊西吟稿時人號爲西郊處士

韓仰斗字仲濟沁水人性孝友取與言笑不苟布衣蔬食落落寡合與楊沁湄張藐山爲文字交居父通政范喪徒步京師叩闕請卹典服闋申副車益肆力於學博極羣書玉十喪偶終身不娶雖暗室寬衣博帶如對大賓闖變移居入山日執一卷隨讀隨錄至耄不衰

國朝鳳臺陳昌言高平畢振姬陽城白孕謙沁水張道湜省志槩入文苑中與金之晁會李晏同今悉見列傳

國朝崔正岳字二室明崇禎九年拔貢授青城令有慈惠稱國初改滄州知州內艱歸淡泊如寒素己丑亂城中戒嚴決

謀發策坐臻宴安歿之日至貧不能營葬

張毓中字去偏明崇禎十二年舉人

國初入京授撫寧令歷刑部員外郎中遷鳳翔知府郡經亂後彫劫特甚東民新集土著慄慄不得安毓中治以寬平舉卓異卒于官推所廕予姪著有初尋草次尋草槭槭吟吳起鳳字九苞順治乙未進士端方博洽造就門下士授經者多獲雋任山東滕縣知縣清勤獨著以募船忤當事歸年六十九卒

吳天澤字商霖雋才工詩無意仕進伯兄疾與同卧起扶將之耄猶好學著書盈篋有南游草僅存草諸集

白象顥字沈仲順治丙戌舉人博學工詩文任崇信令時練餉當正賦之半民苦征輸紛紛逃匿乃爲稱貸起解民賴

以蘇靜寧州闕當事以其才檄署適安定監舊隸苑馬寺奉裁後地歸州以馬故賠累吏民交困象顥破產代償引疾歸里經旬捷戶手不停批凡經史百家及岐黃琴奕靡不覽究喜吟詠善飲晚益淫於書放于詩逃于酒所著有懷觀齋文集帝王年曆陽城詩鈔白氏一家言家譜勉齋續集

田宅中字黃甫邑諸生性至孝少孤竭力奉母甲申之變避亂山砦寇奄至一姑老且寡棄妻負姑走歿之日營葬於先人墓側爲苦節吟哀之博學彊記試輒高等十一下省闈不遇老於經師多所成就館穀所入悉以膳姊妹及諸甥喜爲古詩歌著有種書堂集

白方厚字叔將司寇孕謙少子天性孝友書史外無他慕嘗

曰文者道之華未有無得於身心而能臻其妙者以故於義理之學獨深早卒其父曰此子之志其不僅以世俗自結者也著有崇志堂草尋樂集

田洞字子遠康熙戊午舉人未及試南宮卒洞讀書制行期以古人爲法與弟沆澆同學於甬上陳太史錫嘏其所爲文競相傳寫陳太史傳曰子遠之立心行事神理骨相都無死法區區一舉似未足以酬其志

姬鼎燕孝廉顯廷子性簡介工詩著苦吟集陶州守自悅賞識之與纂州志

牛兆鼎兆捷弟少與兄同師事畢振姬博學工文纂輯左氏分國傳評隲莊子文選及李義山詩集皆發前古所未發繼堅教與兄王瓊玷者三十年以文非砒俗者卒老於諸

生

王統廷瓚子歲貢生任偏頭所訓導博學能詩汪學使灝嘗贈詩云五岳名家良史學九州霸氣老詞壇

張元珍字在璞歲貢生學問淵雅品槩卓絕生平著作頗富樊王稷字占一歲貢年十四入泮十七食餼有聲庠序家貧嗜學每下筆不能自休性方嚴不詭隨俗人高其才行每以被容接爲幸

李廷棟貢生事母備極孝養長於書法任鄉寧訓導甫二年告歸尚羊詩酒間年九十餘卒

王衡字梅雪拔貢生事繼母曲盡孝道善書有晉人筆意

王敏敦諸生姿性穎異善古文詞輒洋洋數百言如宿構游歷甚廣富於著述有燈花賦荔枝賦皇居賦澳門記羅浮

山記多爲人傳誦

季恒字貞甫歲貢少無師承而卓然自拔陶刺史自悅引重之晚年所養益高學者稱爲蟄菴先生

樊度中字公時王稷次子拔貢生恬淡冲和蕭然自得古文詩歌格律清嚴午亭陳相國聘游京師名噪公卿間任定襄教諭諸生多被裁成告歸後避居山村是不入城市所著有圃餘集

張德渠道澁子廩貢生工文尤長詞賦所著有南華道德經解南村文集

張文炳字子潛陽城詩人白司寇東谷每稱之陳相國午亭序其詩曰子潛初困阨鬻豆腐於市無書籍筆札從鄰人借得書流觀掩卷不更尋誦若夙生所記手畫心溫精意

莽會當其得意茅店孤燈蟻輪馬磨躑躅行吟甕脯堵壙歌聲出金石市兒俗子莫不哄笑司寇愛其門前芝草鹿麋田之句故別字曰麋田相見後二十年白名其集曰喜見吟法備味永芳外惠中所云喜見則余也狂者曹郎鄭寒村見梨洲黃公而悅之名集曰寒村見黃集自序云陳後山年三十一見黃豫州盡棄其學而學焉寒村子見梨洲亦三十一遂以見黃名集黃公遺老宿儒唱道於浙東寒村子之名其文非直以其文之謂也余白首廢學而子潛亦華顛窮老乃以見余爲喜誠出而交天下士如黃公其人者見所未見其喜爲何如余不以爲媿而樂道之又評其詩曰澹古圓潔如玉禾之露而濡潤豐美又如崑山之脯元圃之藟子瓊康熙丁酉舉人

隱逸

北魏陸旭性雅淡好易緯候之學撰五星要訣及兩儀真圖
頗得其指要太和中徵拜中書博士稍遷散騎常侍知天
下將亂遂隱於太行山屢徵不起卒後贈并汾恒肆四州

刺史

唐郭樸陵川人文學兼通孝友大著刺史屢荐不就逍遙泉
石以此自終

司徒映初官太常卿太和中棄官歸里晦迹藏名有清望當
道知聞屢起不仕

帝况陽城人少隱王屋山孔述睿知其賢荐爲右拾遺不拜
未幾以起居郎召居半載棄去徙家龍門累徵不起元和
初強起諫議大夫無何復致仕况以貴胄厲志冲遠難進

易退不爲聲利所奪當世重其風操

趙令岳澤州人散騎常侍元方之子博極羣書文學爲一時冠雅志林泉德望茂著戒子孫曰五常不可失也時脩史有以學術薦者避不就

宋王載道沁水人少穎慧於書無所不窺宣和間以明經舉進士不第時金人南侵大河南北相繼陷沒遂隱於鹿臺山既耕且讀不問戶外後進多師事之金天眷中省檄屢辟卒不能致有思宋錄鹿臺詩卷藏於家學者高其行稱鹿臺先生

張宗古高平人幼負大志父母亡或勸之仕曰仕以行志也祿不逮親存吾志安乎居平篤行嫁宗之孤女五人瘞貧乏不能舉者十餘喪時族屬有官本土者屏居山澤不與通罷官情禮款洽如初人稱真孝廉

都君錫陵川人博覽經籍隱邑南錦屏山縣令呂由庚荐不起一時名人谷漢臣高子美嘗就訪焉

金晁國章甘貧守道不樂仕進教授生徒從游者百人自律嚴整進退語默咸秉禮度士論翕然宗之方古逸民歿而崇祀鄉賢

張克柔高平人以理學自處性爽慨重然諾屏跡邱園孑然高蹈布衣疏食處之晏如車騎過者往往式廬苟非其人則辭而避之

王照高平人質樸有古人風爲學一以理道爲準絕不事章句深居屏跡灌園種樹以送老每接人則稱說格言鄉閭感化無少長咸親之

元白處善澤州人性警敏有學行嘉遯不仕世祖高其志勅
曰身都道義淡然無名利之心家富詩書樂矣有田園之
趣賜號義安處士祀鄉賢

趙宗元澤州鄉貢工文詞山居高蹈一時學者多宗之號沙
城野隱

李希白高平人有駿才時當元季謂鄉人曰此忠臣義士奮
發之秋吾力不能而復覩顏事之恥也屏居絕迹罕與人
接一時朝士亦隱知其名

元凱高平人文學重一時學者多出其門隱居教授鄉里遠
邇皆歸其德義其所著歸極性命人多傳其能發前賢所
未發云

張起巖號東崖嚴重寡合獨與韓維學爲忘年交元亂同隱
起龍山中維學亦少所許可獨推東巖云今之魏野也二
人放歌自得脫然塵網所著有泝水倡和詩維學嘗著有
野川文館碑

韓嗣宗號丹川隱士行事不槩見於其時亦避跡邱園者
張才高平人與弟播齊各播登進士而才退隱志節卓然不
厭藜藿嘗種瓜自給有竊瓜者反爲之開棘其人見之慙
謝

張汝弼高平人事親孝以能詩名世遁迹莒山嘯歌獨行性
古薇自號薇田扁其室曰薇齋

郝彝字仲常陵川人文忠公仲弟經明行修不仕
衛元凱字舜舉陽城人舉進士性清介粹然而儒行至元間
罷科舉遂引退不出遺文多載石碣人傳誦焉

秦畧字簡夫陵川人父事軻有詩名畧少舉進士不中郎棄
去不仕以詩名汾河間號西溪老人其臨終詩云軀殼羈
栖宅兒孫邂逅思雲山最佳處隨意著詩覓子彥容爲黃
冠中州集云

和居中陵川人性敏學博篤於友愛潛德弗耀而終

蘇叔華陵川人尚書萬初叔父遜野有詩名

明和元德陵川人以文行稱趙晉間常被薦入朝以疾辭結
廬太行之顛題曰默齋明宋濂爲作銘云載藝文

陳錦高平人性高介不趨時好習舉子業耻事勦說退隱西
山常曰修不必耀貴不必爵知不必人行不必身竟以此
終時高其操

尙寧一沁水人少慕嚴君平自號希平親亾建永思堂朝夕

莫忌有終身之戚避寇亂負木主行歸置祭田百畝義出
五十畝訪辛全於絳州同韓青州居榼山多所考究白首
女弟統一爲子貞元行冠禮時相劉荐修史授中書及崇
禎時辟博學眞儒不赴隱歷山無疾而終著修齊格言百

卷女則五卷

王克耘陽城人善詩賦不仕結知止齋藏修終身

李時芳字憲川陵川人世家子敦倫守道沁水孫尙書居相
以靖節貞曜擬之卒後私謚孝靖文子

徐應奎字文徵陵川人瀟灑任達寄情詩酒爲百字歌以自
況著有清居博採等集

馮奇遇號尹山隱蘇村力穡事以自給逍遙泉石間以終老
邑人稱山中祭酒

李培秀陵川人績學種文學使者延至汾河書院篤孝割股隱而弗彰逆闖亂遂岩居不出號孤山處士著孤山問業集羅人文沁水人初舉鄉薦甲申後棄去不復出以業醫爲生遂精於醫著醫案若干卷

補唐霍信明青州益都人強記美文章隋大業中爲堯城令竇建德僭號族弟敬素仕賊語信明令從之答曰申胥海隅釣師能固其節爾欲吾屈身賊中求斗筲耶遂踰城去隱太行貞觀六年有詔卽家拜興勢丞遷秦川令

元王翼字輔之陽城人性穎悟勤於學七歲常從師行有誦杜牧之華清宮詩後師舉似歷歷能道之師頗竒焉八歲能屬文旣長日記千言應進士舉因感疾遂留意于醫尤精於易占無不應于秀老德老二人處悟禪理太原公處精術數誦古今才人詩得句法自著有古律詩三百餘篇長短句二百首

郝思溫天挺之子經之父其先自八世而下皆同居業儒不仕以淑其里思溫歿其徒相與號靜直處士何中郝思溫大字歌注云號東山雪菴高弟詩曰東山手提雪菴筆筆中出此萬鈎力重如岱岳鎮坤維竒如古鼎躡泗側點如滄海之碣石直如參天之古栢曲如老龍恣盤挈橫如方城立鐵壁快如大澤斬蛇劍妖夔幻魑爭辟易巨靈引指太華擘三千獅子座舉臂可移得偶然揮毫出世間壯士不能擲座鶴銘摩崖碑後來者誰繼之我常見龍溪之字大如箕五百年間無此竒雪菴老東山子優鉢曇花重現世覺崙以爲筆東漢以爲硯青天以爲紙爲我寫太平兩

大字持獻天皇九九八十一萬歲我歌爾宇吾老矣

明王隆孝友謹信安貧好學無意仕進長於勸善鄉邑傾慕有王彥方之風年八十餘携冊諷詠嘗題希夷高卧圖以自况其詩曰汴京龍虎風雲會華岳壺蘆日月長非是先生真愛騰達人羞看利名忙又明初逸人王遜之相傳有詩云勞身苦苦逐浮名身與浮名孰重輕身勞名得猶爲可無柰身勞名不成亦見高致

三十八卷終

澤州府志卷之三十九

列女

鳳臺縣

唐澤潞將張仝妻徐氏封高平郡夫人仝鎮泗州病卒軍吏欲立仝子重政爲郡將徐氏號薄固拒不從德宗詔褒之進封魯國夫人

後周李筠愛妾劉氏隨筠至澤時被攻城危劉謂筠曰城中健馬幾何筠曰爾安問此劉曰孤城危蹙破在俄頃今誠得馬數百與腹心潰圍出保昭義求援河東猶愈於坐以待死也筠然之召左右計馬尚不減千匹以是夕將出或沮之筠猶豫不決明日城陷筠將赴火劉欲俱死筠以其有娠麾令去筠子守節購得之果生子守節卒無後以劉

所生之弟爲嗣宋參軍謝翹宋騎吹曲有李侍中妾歌
金劉璋妻樂氏年二十一歲夫亡遺孤長五歲次止十七日
耳母家議令改適氏截髮誓守值貞祐己巳荒變中彌堅
苦節歷五十餘年鄉人扁其堂曰歲寒

元秦潤妻柴氏晉寧人閨夫前妻遺一子尚幼柴氏鞠如
已出赤幾柴氏有子閨夫病且死囑柴氏曰我病不復起
家貧惟二幼子汝能撫其成立我死亦無憾矣閨夫死家
寧日微柴氏辛勤紡績遣二子就學至正十八年賊犯晉
寧其長子爲賊驅迫在園中旣而得脫初在賊時有惡少
與張福爲仇往滅其家及官軍至福訴其事事連柴氏長
子法當誅柴氏引次子詣官泣訴曰往從逆者吾次子非
長子也次子曰我之罪可加于兄乎鞠之至死不異其言

官反疑次子非柴氏所出訊之他囚始得其情官義柴氏
之行爲之言曰婦執義不忘夫之命子趨死而能成母之
志此天理人情之至也遂釋免其長子而次子亦得不死
時人皆以爲難二十四年有司上其事旌其門而復其家
陽城長官郭福妻關氏福歿於玉事氏矢志四十餘年行有
法度至正間旌表

周氏澤州人安西張興祖妻年二十四興祖沒舅姑欲令改
適周氏弗從曰妾家祖父皆蚤世妾祖母妾母並以貞操
聞妾或中道易節是忘故夫而辱先人也夫忘故夫不義
辱先人不孝不孝不義妾不爲也遂居嫠三十年奉舅姑
生事死葬無違禮其父與外祖皆無後葬祭之禮亦氏主
之有司以聞並賜旌異

明邢清妻劉氏清病危氏來歸異居侍病尚未合香清疾亟呼氏訣問以所從泣應曰脫不幸願從地下比卒遂縊而

死弘治中旌表

孟誠妻高氏年二十五而寡生子泰七歲待食機杼撫孤自守泰娶王氏生子鑑泰亡鑑娶牛氏生三子彪錦欽鑑亦歿兩家父兄憐其貧均欲奪之王曰吾姑爲節婦矣牛曰吾姑祖姑爲節婦矣矢志堅貞後先如出一口皆年七十而終里有三節堂後孫春官侍郎曾孫陽行人以諫死感爲名臣忠節萃於一門

范蒲妻梁氏適蒲甫匝月蒲暴卒氏年十八誓以死殉母命姑同氏寢氏伺姑晨起卽投繯自縊嘉靖間事聞于朝立祠以祀

李孟冬妻朱氏嫁一載而夫亡歸寧母受富室厚聘促改適氏志不從母讓之以釜擲氏面歸白翁更衣闔戶引刃斷頸尸僵立不卧遠近聞而悲之隆慶初立祠以祀

焦廷器妻韓氏年十七于歸甫三日夫暴亡韓涕泣悲哀喪葬畢旋自縊死

兵部司務郭環妻張氏環卒於官子志學甫七歲志仁在襁褓張携孤扶櫬以歸旣葬躬紡織課二子力學相繼登第人謂張貞潔之行旣仰重于鄉閭義方之訓尤足以昭示來許也

李朝元妻毛氏事繼姑稱孝年二十二夫亡長子方保抱携持次子尚在腹中乳哺教育母氏劬勞苦節六十餘載生員侯秉醇妻郎氏夫亡痛絕復甦屢以死殉舅姑父母陰

謀奪其志氏聞勺水不入口三日死詔旌其門

舉人張翰妻焦氏翰卒誓必死初弗令人知夫殯殮既畢入

閣櫛沐整衣自經死太守嘉其節義嘆曰臣死忠女死節

張翰妻可謂女中丈夫矣

庠生劉孟津妻王氏年二十三夫亡遺孤方襁褓稍長教讀

書早歲遊庠守節六十年貧病艱難兩目遂盲于視又有

朱氏者庠生劉孟濱妻亦苦節四十餘年而歿當事以雙

節表其門

毛炳然妻王氏炳賈客十餘載感疾歸手足不仁終日坐卧

弗能語氏脫簪珥搗醫藥手滌中裙廁歷數年炳終以

病死氏號哭觸頭出血幾絕後藉紡績以教養孤兒厥子

俊民有聲庠序事聞旌表

党鳳妻張氏年二十二夫亡誓不更志紡織自贍教育孤兒

閨門整肅事聞旌表

輔國中尉朱充儵妻魏氏封宜人夫卒氏晝夜號哭死

韓表妻裴氏夫亡柏舟自矢閨門謹嚴足跡不越閫外詔旌

其門

趙汝鳳妻魏氏年二十四夫亡撫孤騰躍早卒又撫孫萬

國艱苦備嘗壽八十四歲院守旌之後四十年趙日映繼

室苗氏年十九而寡無子孝事孀姑及姑卒躬自營葬四

棺纍纍痛感道路郡守嘉之為旌其門

舉人孟思妻鍾氏二十歲撫子履約履約妻馮氏二十一歲

撫子士貞庠生士貞妻王氏二十六歲妾甯氏十七歲偕

撫子璋璋早卒撫三日孫淑一門四節鄉黨稱賢

貢生張焯妻李氏年十九夫亡撫子祖廕入庠奉詔旌表廕與蠡縣令王采殉城難妾申氏撫孤入郡庠尋以未獲廕骸骨痛悼卒

劉鳴鷺妻李氏崇禎間流寇掠大陽氏携二女長成憲西妻次田饒妻一侍婢倉皇出走道遇汚池謂二女曰我等女流將焉適不如入此全身二女遂偕侍婢竟投池死

李尚隆妻韓氏隆死未葬遽遭流賊肆橫民人逃匿山谷氏獨潛墻壁中守柩賊入室柩焚氏遂縊死于壁

關天廕妻田氏偕妾楊氏年甫十九遺孤才一歲教養成立為名諸生後遭流氛遇害

段烈女父如錦崇禎五年女年才十四為流寇所擄文奪賊佩刀自刎死

張重光妻馮氏年十六夫亡遺腹月餘後生子國相鞠育艱辛撫之成立守節四十餘載院道旌其門

張燮妻靳氏燮弱冠赴省試中塗水瀑漲墮水死訃至氏幾不欲生時腹中有娠叔舅張希魯勸以存孤似續為大節并許異日為保其孤後生子培德教讀書既補博士弟子員惜早卒復撫諸孫綸等成立人仰靳氏之節又多希魯好義請旌其門

義官董思燾妻耿氏夫亡哀毀成疾伯氏思照撫愛遺孤教養備至會照病氏感其德號天祈祐里隣稱之伯亦尋愈鄰守為旌表之

段一宗妻李氏生子未踰年而夫卒氏乃屏膏沐勤織紉訓孤自泰成立苦節五十年按院給扁賜粟嘉其節義

張一桂妻郭氏夫亾年二十二剪髮自誓育二子源泉成立守節六十年院道屢加旌獎

庠生石文炳妻趙氏夫亾時年十九撫週歲孤延慶勤劬鞠育常閉戶獨居宗黨以事相見趙闔門與語未嘗出庭戶其巖峻如此

馬負圖妻周氏負圖服賈卒于客舍姑衰老旦夕必藉人扶護周親侍姑側遣其子奉匱歸里門終喪盡哀教子成立孫之駉曾孫如龍亦早歲成名道守竝加旌表

孝子趙友益妻安氏友益屢禱于神代父死囑安仰事俯育友益死安辛勤三十年舅姑生養死葬皆盡禮教子嗣昌嗣盛俱入庠序有司旌其門

田鐸妻王氏年二十六而鐸歿誓不再醮晝夜紡績撫育孤兒辛苦備嘗守節三十九載弘治間詔旌其門

侯侃妻康氏侃歿時氏年甫二十痛憤幾死撫孤垂四十年厥子成立不墜家聲正德間詔旌爲貞節之門

庠生李大隆妻邵氏隆卒京邸年方二十五聞訃卽欲自盡所親力勸之曰爾獨不爲李氏孤兒計乎於是屏膏沐衣弗華麗足不踰闔教子讀書有成孀居三十五載嘉靖間以事聞奉詔旌表

生員李長盛妻裴氏尚書裴宇女恪執婦道夫亾裴方二十一歲守節四十餘年閨門嚴整鄉邦稱之院道給扁旌獎生員郝訓妻王氏夫歿王方二十三歲家貧茹荼三十餘年始終不變院道旌表

任仲輔妻劉氏二十一歲仲輔客死撫幼子成立守節六十

餘年按院表其門曰貞節之門

歸守智妻連氏夫年少以病亡氏茹荼四十餘載訓子天俸
補博士弟子員院道旌之

王納言妻任氏夫歿任年二十四所親勸其再醮任曰夫亡
有遺孤在猶不亡也歷五十餘載不變志院道屢旌其門
奉國將軍朱聰滂妻李氏奉國捐館遺子女前後各數人時
李年二十有七撫育辛勤絕無異視年七十餘以疾終嗣
子俊轅亦卓然孝友無忝母訓

朱克箕妻王氏年二十一夫歿遺孤方一歲含悲鞠育幾四
十載晚歲曾孫滿前稍紓愁苦有司屢加旌表

鎮國中尉朱俊蒸妻李氏封恭人夫歿李年二十一哀毀踰
禮撫育稚子克鮮卓然自立苦節四十餘年有司優獎

陳鳳麟妻苗氏夫亡立志守節值明末流離顛沛竝得保全
其姑以撫育其稚子氏心亦良苦矣守節三十四載以疾
終

劉炎妻宋氏經流寇被執義不受辱寇以火逼竟赴火死
生員王會極妻裴氏闖賊寨金拘其翁氏脫簪珥出之尋翁
遭誣禍不測氏復蕩產白翁冤子化美入郡庠

國朝岳尚武妻司氏年二十夫亡藉紡績以餬其口教子峻
極早歲成名巡按拜疏奉詔旌表

生員孔銓妻毛氏結褵五月銓卒氏慟絕投繯侍婢嚴衛之
毛忽謂其婢曰若輩不須防我我尚有遺腹男女未可知
姑俟他日定計耳治夫墓則繩度尺寸計容兩棺臨月竟
生女自是朝夕痛哭日進米汁一盞兩月而卒巡按上疏

旌表

官廕生張中驥妻陳氏年二十二夫亡呼搶欲殉方抱娠姑以存記諭及期果生子撫之成立廕官監不幸又早卒三喪未舉卜塋禮葬之族黨爲擇宗支乘輅爲嗣撫若親生考授州同知康熙四十一年建坊旌表

張貞女貧民張崇女也幼字苗咨未婚咨卒女聞計奔喪成服誓以身殉姑慰而止翁姑老且貧翁素就食于外女養姑以十指比姑沒終葬女七日不食死當事聞于朝雍正九年奉詔旌表

孔得貴妻焦氏年二十苦節自矢教子文明成進士道守旌表

張元孕妻王氏年二十一夫亡無子室中惟孀姑日相依倚後姑欲改適氏痛哭留之不從氏承夫志猶餽姑衣食姑沒乃已

叅政張光奎繼室李氏年二十四夫亡撫子茂琨茂琨妻李氏年二十七撫子廷鏞廷鏞妻尚氏偕妾劉氏年二十撫子淮讀書入郡庠三世守節者四人撫孤皆成長卒成令噐閨中懿範洵足砥礪頽風也

時世英妻崔氏年十九夫亡奉養祖姑居數月遺孤復天喪氏賣衣飾營葬四棺後年老至七十餘家益貧終口圓泥丸日賣數錢以自給里人哀之

李養德妻畢氏養德貧苦以種菜爲生養德卒氏孕已半載貧極無所依乃焚香告天縊死柩側

史揚芳妻蘇氏子女俱無年八十餘奉養一百八歲之老翁

家貧日往親串中必得少許酒肉佐翁食飲凡寢興寤寐氏晝夜扶掖不少離乃翁年踰上壽固是人瑞八十餘老媳無食無兒日必酒肉以奉孝思殊可感也

李化國妻原氏年十九夫亡遺孤彙征甫九月孤寡無依幾至不能餬口教子彙征已入泮復早亡再撫孫以綿似續甘心窮餓百折不回年九十三卒

舉人張應嵩繼妻焦氏年二十二應嵩卒於客邸氏每欲以死殉家人防衛甚嚴且少留葬畢不食死

張廣土女幼許字徐弼世弼世卒女請往吊母不許遂改字范姓子及羔雁至女始知痛哭欲自縊母曰我老矣兒若此我請先女唯唯及昇至范門女止不進疾聲謂范父曰我徐家婦何強逼爲也我所以隱忍至此者畏老母嚴命耳遂去吉服衷素縞衣上下縫紵不可解是時會聚往觀者百千人范不得已退婚卽送還其母至弼世忌日女向墳頭哭奠訖易服拜公姑執婦道甚謹居歲餘女亦卒

趙良富妻苗氏良富貧以賣炭爲業傷力死氏誓不獨生母謹防之至殮日謂母曰彼將就木我當往視之久不返比往瞰已自縊溝中樹上矣

朱明縉妻王氏年二十一夫亡甘貧守孤子尋歿氏痛哭曰我久不死者爲朱氏延此一脈耳今何望哉遂不食九日死

張子修妻段氏年二十二夫亡乘隙縊於柩側紳士誅而祭之

裴述臯妻李氏臯死寇氏撫二孤待其成長無何亦相繼夭

沒氏孑然獨處形影悲涼由是銷冠髻典衣裙葺其家廟
脩其頽墓年七十四以疾終

張國治妻趙氏治父承基爲賊所繫治倉皇救護被殺氏上
事翁姑下撫稚子拮据以承夫志年八十七而卒

生員張奇珍繼妻王氏年二十來張門姑盲于目氏能曲盡
孝養常藉刺繡縫戲以佐甘旨兵火頻仍復能訓子力學
入郡庠孫曾亦善讀書食餼庠序身列明經爲諸生之冠
裴秉彜妻王氏彜遭寇遇害室毀巢傾氏婉轉拮据保節全
孤七十餘歲逢彜忌辰猶痛哭不自勝也

大理寺張光前妻朱氏年二十一夫亡無子無女嗣子亦復
天喪苦節終身年八十五卒

生員張肇興妻宋氏夫亡撫孤子象瑗入泮年老康強猶代
子婦總理家政撫育諸孫

田光耀妻王氏年二十四撫五歲孤俾之成立卒享大年克
昌厥後

生員田種金妻王氏撫懷抱孤有成姊姒相依諧和一室事
親教子各盡其道

生員李楷妻李氏年二十九夫與女君偕亡氏撫孤先登朝
夕誨訓至于成立先登起家縣令終郡倅俱以廉潔稱亦
足徵義方之訓矣

知縣丁其泰妻李氏泰以病卒於官遺孤尚幼氏挈子扶匱
歸里門事八旬舅姑生養死葬無失禮撫孤子韶教養兼
備食餼庠序

生員段萬鍾妻任氏萬鍾沒氏年十八幾不欲生姑諭之曰

爾尚有遺腹在且待生男女後以決存亡何如乃強起飲食果生子克勤善讀書領鄉薦氏心方稍慰

張茂晟妻宋氏年二十六而寡遺孤方九歲辛勤鞠育既娶婦生子復早亡再育孤孫以存宗祀稍長亦入郡庠尹芳妻司氏夫亡年十九家故貧每飯常不飽時時揮淚見姑嫜則強爲色笑弗使老人有憂色撫二歲遺孤艱辛萬狀亦克有成

李興隆妻秦氏年二十夫病亡既而翁姑相繼謝世子女及嗣子旋復淪喪氏哭夫哭子哭舅姑終其身無虛日屢營喪葬血淚爲枯年七十餘顛連愈甚聞見者莫不酸楚進士翟于磐妻郭氏磐領鄉薦卒于塗時氏年二十四無子親操井臼孝養翁姑立姪爲子撫之成立

王順德妻趙氏年二十一夫死遺子方週歲翁姑年老氏油盡其道俯仰無慚先是其父欲奪而嫁之氏堅不從卒成其志

生員何振繼室申氏夫沒時年十九二子俱在襁褓八旬老翁久在牀第前氏子雖成長未立室家支持不易氏乃移居村舍親視耕桑以謀衣食奉舅食飲無缺失凡舅所需中翬厠臉皆親爲浣滌教子亦克有成道守累加旌表韓瑒妻侯氏年十九生子甫三日夫亡舅姑年已耄耋奉老存孤皆無倚藉氏終日養蜂賣履爲旦晚之需俯仰竟藉以不匱

生員張獲妻孫氏二十五歲夫亡教子追騏已食餼早沒媳李氏生孫亦夭喪姑媳相依計無所出乃立姪承祀教之

讀書亦早歲入泮婦姑兩世永操閨門肅穆四十餘年如一日

監生張加侯妻孔氏夫亡年十九無子事孀姑朝夕定省不怠越二十五載叔生幼子始嗣之乳哺撫育曲盡劬勞守節幾五十載享年六十有六

廩生鍾世芳繼妻朱氏年十九喪夫事孀姑甚謹撫前氏子教養如已出世芳兄弟相繼淪亡氏撫八歲之孤姪再撫襁褓之孤姪孫勤勤顧復皆逾常等宗黨以爲難

翟于珣妻王氏夫亡年二十三未有子嗣又無舅姑伯叔相依倚室中惟稚女一人門庭衰冷已不堪逮女適人孤苦尤甚氏正靜自好足不踰閭外者三十六年

監生崔鐸妻李氏年二十三子女俱無惟老姑在堂朝夕奉事氏念夫不已終日號哭卒至喪明死

宋黼皇妾徐氏年二十夫亡日與女君相依無何女君又卒乃繼姪爲嗣澹薄勤儉以終其身

廩生李捷妻王氏年二十五而寡家徒四壁事老翁甚敬遺孤二未離襁褓菽水乳哺之資悉取給于十指子茲彥列明經萃亨中副榜

趙昭妻韓氏年二十五夫亡初欲以死殉姑諭以存孤大義勉從命家故貧氏乃勤織維以供俯仰姑沒喪葬皆如禮訓子貞元入貢大廷諸子孫皆才名鵲起

張二典妻原氏夫亡年二十五時老姑在堂厥子呱呱未離襁褓氏耕桑力作以孝養其姑教育其子姑既沒拮据營辦諸大事無缺失後嗣皆賢能有家法卒年七十有八

王廷相妻李氏年二十二廷相沒事舅姑盡禮撫遺孤二皆有成未幾相弟廷佐卒無子氏命次子往繼之俾不泯其宗祀守節六十年卒年八十二

王國明妾張氏來王門夫與女君一時並沒氏年甫十九無所出惟嫡子一人始五歲姑老家貧衣食殊苦乃日勤紡績以奉旨甘教子名卿早年入泮中道子復亡教育二孫艱辛愈甚厥後長孫進德遊庠次孫承德以明經任祁縣訓導卒年九十三

監生趙廷對繼妻馬氏二十一歲生女甫三月夫亡惟前氏遺子三氏撫育備至皆有成方夫之沒也氏哭之甚哀欲自縊家人救止之乃已學使嵇聞其守義特加旌表

史綸章妻秦氏夫亡年十九遺子從性始一歲家苦食貧氏竭蹶女紅以教養厥子後爲子娶婦成家子復亡媳呂氏時年二十有三無所出姑媳孀居苦節五十餘載年七十而終媳呂氏守節三十九載卒年六十有二

祁在中妻晉氏夫亡時年二十有六遺孤贊皇始一歲遭家奇窮無以爲殮氏脫簪珥營辦之後依棲母家教養遺孤至于成立年七十餘以疾終子贊皇性純謹事母以孝聞生員王式斌母張氏守節四十餘年克事翁姑孝養兼至教子力學早歲成名

生員張統妻賴氏無子女撫養嗣子大蘊成立年九十六以病終

監生陳朝宜妻張氏遺孤溥甫二歲茹荼撫育俾得讀書入泮歷徧艱辛內外尊仰

趙祚昌妻申氏家甚貧遺子俱幼勤苦教養俱各成立享壽八十五年苦節五十七載

副榜王臣妻郭氏自甘澹薄孝事孀姑苦節六十年壽八十有六

邢縣訓導王成德繼妻楊氏撫育前氏子不啻己出苦節冰霜五十三載年七十八而卒

武生郭鎮遠母張氏夫死守節三十二年事姑訓子各盡其道

申彥妻蔡氏合昏五月夫亡屢次投繯翁姑勸諭之始止苦節松貞堪爲女範

生員李維新妻崔氏夫亡年甫十九遺子植才一歲氏劬勞顧復少長嚴課讀書俾之成立守節六十餘載年八十三而卒

王式舜妻韓氏年十九夫亡事姑十餘載慤勤周至姑歿哀毀成疾而卒

王嗣隆妻崔氏合昏未及二載夫亡年甫十九遺孤尚在腹中後教養孤兒堅持貞節鄉里稱賢

任門二節任世業妻李氏夫亡遺子未週歲家貧困苦度日撫孤一十八載娶婦生子孫未三歲子又病亡養老育孫

艱辛萬狀舅姑沒喪葬循禮守節五十八載姪孫婦李氏任永安妻亦守節撫孤一門二節真堪媲美

王公田妻馬氏夫亡無子上事八旬舅姑下撫伶仃三女勤儉持家養生送死各盡其道苦節五十餘年享壽七十有

七

王仲友妻王氏夫死日號泣欲自盡防之未遂憂鬱成疾期
月吐血而死

賈奇英妻趙氏守節四十四年事姑盡孝教子成名

賈斌妻武氏夫亡貧甚武勤紡績以事翁姑訓子成立年七
十一歲苦節而終

秦時泰妻朱氏年二十七夫亡長子方四歲次子尚在襁褓
家貧紡績度日撫子有成守節三十五載

柴子實妻張氏夫死他鄉遺二子俱幼俯仰無資饔飧取給
于十指舅姑賴以終養子稍成長即命往迎夫柩歸葬成
禮戚黨皆稱其賢

關鞏沂妻張氏夫死中州聞訃即欲自盡家人勸止之及沂
柩歸里氏遠迎荒郊是日即自縊死

關中妻陳氏夫亡遺子二俱幼祖姑八旬餘老病不能飲食
氏日以乳乳之疾遂愈衣食無資艱辛以供俯仰哭夫哀
慘兩目喪明憂勞成疾而卒

周纘堯妻宋氏夫死家貧奉姑嫜撫孤子守貞自誓歷久彌
堅年七十而卒

陳君輔妻王氏夫死中州聞信毀顏改粧閉戶自經死慷慨
赴義節烈可風

邵繼統妻郭氏夫亡年才二十九郭躬自紡績勤操作以孝
養舅姑撫二子俱有成前太守許謂其苦節足以維風爲
旌表之時年七十餘守節已四十載

董英傑妻高氏夫亡勤紡績以佐饔飧衰老祖舅弱歲孤兒
俯仰各遂其欲苦節四十二載以疾終

王祖乙妻李氏年十七于歸未踰年夫遠遊杳無音耗母令改適氏持刀截髮誓無他志生遺腹子撫養既成立命出外徧訪父屍不得李日望空遙拜以終其身卒年八十六苦節六十餘載

生員趙嘉祿妻馬氏夫死飲藥茹荼撫孤孫備嘗艱苦守節四十餘年卒

生員苗進元妻徐氏夫亡藉女紅以養姑撫孤兒名列膠庠守節五十六載年八十三而卒

庠生田均妻王氏夫亡無子立從子以承夫祀敬事翁姑日勤紡績苦節三十五載

薛九洲妻岳氏弱歲喪夫事舅姑以孝聞撫遺孤俾至成立間黨賢之

國學生楊珪樹妻李氏栢舟自矢痛夫之祀以姪爲子撫養未幾復天喪氏痛心疾首憂憤而終

楊衣綠妻趙氏偕伉儷僅三載夫沒閉戶幽居堅貞守節

王建中妻申氏于歸三載夫亡孝事高堂撫孤成立孀居六十餘載年八十餘卒州守屢加旌表

李際國妻段氏年十八夫亡養八旬老姑撫五月稚子苦節三十六載

張灝妻趙氏庠生張廷僚母孝養舅姑教子成立苦節四十年州牧給扁優獎

黃健純妻張氏夫死他鄉聞訃卽欲以死殉家人防之未果夫櫬歸念夫乏嗣立姪承祧後卽經死學使鄒謂其仁至義盡立扁旌之

張懋脩側室史氏性和順自夫君喪後訓子開先譽滿成均
女君武氏遇側室亦賢而有體以是庭無詬誶和敬相將
竝壽登耄耄而卒

王廷輔妻柴氏夫死家貧旦晝佃田力作夜則勤縫紝藐孤
藉是得長養成立初夫之喪其母欲奪而嫁之誓不從苦
節四十餘年而卒

生員史瑞麟妻郎氏一門三世兩寡六孤家故貧氏孝養孀
姑撫諸子皆成立享壽九十而終

宋門二節宋喬妻董氏夫亡遺子环甫三歲勤勞撫育娶婦
董氏生孫才數月环復亡姑媳二人苦守孤孫成立俱享
永年州守陶嘉其三世節孝扁旌之

趙吉妻秦氏弱歲夫亡長子甫五齡幼子未週三歲氏奉姑
甚謹二子牽衣相將顧復日頗勞瘁已而姑欲奪其志懼
違姑命無由白已意乃托言採桑竟縊死夫墓側

張賜官妻李氏夫亡撫孤成立矢志靡他
張啟蒙妻王氏茹荼三十五年撫孤光台成立事上御下曲
盡情理無纖毫遺憾學政文翔鳳爲誌其墓

翟蘭芳繼妻王氏年十九歸芳及芳歿氏年二十七時前氏
子瑄甫九歲氏鞠育如已出往就外傳凡書紙筆墨氏以
女紅佐之瑄後食餼膠庠皆稟母氏之訓守節四十餘載
壽七十一而卒

農民趙君輔妻陳氏既受聘母聞君輔有疾心甚悔氏白母
以從一之義母領之後歸君輔未彌月勸夫就醫外室躬
任搯作不以孀姑煩夫慮夫病劇與之訣氏欲先死以明

已意夫慰止及夫亾泣血毀容水漿不入口母家有來吊者婦皆作永訣語辭別遂乘間投繯死縣令羅旌其門王楚妻梁氏年十七歸楚閱二載楚賈客他鄉中途病死氏聞初欲自盡繼以旅櫬未歸爲憾遂鬻簪珥求人徧訪終不獲朝夕哭淚盡繼以血尋痛夫之嗣族弱又無繼其後者含悲數月抑鬱以死

生員梁戊生繼妻張氏歸戊甫一載戊以病亾氏斷髮自矢未七日卽投繯自盡縣尹聞而旌之

廣西賀縣典史劉廷瓚妻王氏夫亾孝事翁姑教二子德成名立州守陶給扁優獎

趙熙妻張氏夫亾氏年十七無子張事翁姑曲盡其禮復以兄子流謙爲嗣時流謙才一歲撫育成長名列膠庠苦節四十四載而卒

國學生王純仁妻郝氏仁亾氏屢欲以死殉姑防閑甚密乃止遺子女二人亦未暇顧復惟日夜哀號慘怛聞見者莫不心碎踰九月竟痛死子肇勳有聲黌序

秦廣壽妻姚氏年十七于歸未二載夫亾遺子一尚幼氏兢兢顧復事舅姑甚孝後不幸子復亾又撫二孫教其成立守節五十八年州牧佟給扁旌表

劉門三節劉登甲妻牛氏夫亾撫四歲孤兒子死又撫孤孫成立守節五十年壽八十劉掄甲繼妻王氏夫亾撫遺腹子有成不幸子亾又撫其孫守節四十載劉淳妻宋氏撫孤成立守節四十載

生員田丙光妻陳氏夫亾氏年二十五遺子二長甫九歲次

二歲時家難紛紜陳堅持大節善撫其孤二子俱成立苦節三十餘年長子增璵任雲南馬龍州吏目

生員張淮妻關氏夫亡氏年二十九上事高堂下撫穉子苦節三十載

鍾珮基母丁氏夫亡珮始生三月氏抱孤而泣凡寢與食飲頻煩顧復卒能撫孤成立守節四十餘年邑令給扁優獎孝廉李撰妾馮氏增生李葆光庶母初夫主沒時馮年才二十欲以死殉戚黨勸止之既而母欲奪其志馮堅決不從時葆光少小無依馮力持門戶樽節財用俾葆光銳志力學爲名諸生苦節四十年卒

監生李敷妻司氏生員李承業母二十四歲而夫亡承業方五齡時舅姑早沒堂上惟八旬祖姑氏蚤夜承歡視膳無缺教孤兒日勤問學承業因以弗墜家聲苦節二十八載

卒年六十有二

庠增生王潤妻趙氏年二十三夫亡不食幾死復念稚子無依辛勤教育厥子維本遂得日誦詩書後食貧守困維本復變計業醫活人甚衆世稱母訓居多云守節五十七年卒

宋門二節國學生宋軾妻張氏宋懿妻申氏俱無子女寂處閨闈中潔清自好名播鄉閭

王璇妻郭氏夫亡遺孤尚幼郭自甘澹薄撫子能睿攻苦讀書遂爾列名貢士州守屢旌其門

王仁妻崔氏鴻臚寺主簿王振羽母夫亡家苦食貧氏廿守清操訓孤成立苦節三十八載

張悅脩妻溫氏夫亡遺孤方六歲日教以經學念書志期上
進孤兒遂得成立苦節四十五載壽七十餘卒

張軫妻溫氏夫沒時姑衰子幼氏獨力承家俯仰俱無愧色
嘗云世人以死殉其夫吾獨以不死報吾夫耳

秦門四節秦敏妻黃氏夫亡撫孤守節四十七年秦熙和妻
王氏結褵未久不幸夫亡苦節食貧義方教子秦熙緝妻
聶氏秦熙載妻趙氏各守冰操娣姒間從無忤色實閨中
之模範

郭毓禮繼妻張氏夫亡年甫十九無子慟哭悲號願以身殉
宗族立其姪以嗣之氏苦節訓養歷四十年而沒

王培正繼妻張氏夫亡長子始五歲次子生未踰月氏日夜
號泣幾至殞命尋以藐孤未成立勉留餘生以教養厥子

如是者三十六年子王哲王毅俱克有成鄉里奉爲儀表
侑禮生王式符妻王氏夫亡家甚貧孀姑在堂二子尚幼氏
能勤儉持家仰有事俯有育逮長子敏遊庠氏稍有喜色
不意二子相繼淪亡再撫兩孫成立長孫欽典已名列宮
墻人以爲苦節之報

生員張追驥繼妻李氏結褵未及一載夫病亡李年甫十七
無子乃立姪仝誠爲嗣仝誠方六歲鞠育訓誨名列膠庠
苦節四十餘載

生員孔毓濬妻聶氏年十六于歸甫三載夫寢疾氏願以身
代卽赴井中幾死家人援之得免及夫卒又欲引刀自刎
姑慰之乃止後立姪傳植承夫嗣愛如已出教之入成均
苦節四十餘載

澤州府志 卷之二十一
候補知州王鏗生母王氏夫主山東鹽法道王廷掄夫沒氏年二十有四水漿不入口誓以死殉時遺孤始生三月宗族諭以輕生棄子非存孤大義氏乃捐簪珥衣粗食素足跡不踰戶外青筠苦節教子成人三十餘年若絕不知席豐履厚者婉靜貞淑遠近稱之以子貴
誥封宜人

焦莊妻王氏夫歿無子惟孤女二人日夕牽衣膝下氏甘心守節撫育二女以終其身有叔失恃賴氏乳以成長宗黨賢之守節六十一載享年八十有八

王肇元妻劉氏年二十有七夫亡長子始五歲次子生才一月姑老起居不能自如氏養老撫幼不遺餘力子金章采章相繼入泮苦節四十一年守令給扁旌獎

廩生姚安中妻陳氏增生姚景崇母原任冀南道姚恭子婦也遭流寇變遂家於澤州無何安中病亡氏年二十七方有娠後生子景崇家徒壁立藉十指以教養孤兒不意景崇既名列膠庠復天喪孤孫甫三歲釋小伶仃媳張氏時年二十六歲婦姑相依勞心撫孤可稱姚門二節

徐蘊妻宋氏夫亡年二十三遺孤甫二歲氏痛不欲生繼念藐孤未得遂長含悲撫育以慈代嚴孤子于以成立守節三十年五十三而卒

張眉繼妻史氏夫亡遺子振居方四歲時家道衰微衣食常苦不繼氏躬親紡績具甘旨以奉尊姑稚子亦藉是以教養守節三十餘年內外稱其賢德

王廷棟妻李氏年十九夫亡苦節五十載室無子女家無長

物惟藉山田數畝終日手把長鑿躬耕隴畔但取衣食粗足不羨華靡

梁栩妻劉氏二十八歲夫亡遺子方八齡氏煢煢孤嫠鹽餼粥養孤成立從叔之子梁兆金生數月其母忽喪氏撫育教養亦克有成劉氏矢節存孤已足光昭志傳又以餘力推及于夫之羣從昆季嗚呼可以為難矣

張嗣徽妻李氏夫亡年二十有四子啟始一歲氏甘貧守節饘粥或苦不繼乃日夜勤操作以撫育孤兒歷三十餘年如一日

李乾亨妻王氏夫亡年二十一氏號哭瀕死姑慰諭勉留餘生克盡孝敬時藐孤方期歲謹護之寢與食飲時勤念慮守節四十二載卒年六十有三

時彩鳳妻申氏年二十四夫亡時姑老子幼氏承歡堂上毫無怠色撫稚子時勤訓誨寬嚴有家法守節四十一年卒享年六十有七

國學生陳述元妻郭氏夫沒時年甫十八閨闈靜謐嚴整自持守節三十八年而卒

馬錫城妻趙氏年二十夫亡遺孤方一歲家苦貧寒氏紡績織維以供家用終身拮据俯育遺孤待內外無失禮苦節三十餘載

李彬妻王氏年十七而夫亡遺子廸生甫數月煢煢在疚氏含哺顧復形影相憐厥子克就岐嶷以成令德苦節五十餘年州守屢加旌表

董文正妻成氏于歸未二載文正病亡不幸無子女成竭蹶

涇州府志 卷之二十九
殯殮其夫殮畢卽縊死夫柩傍伯氏哀其義烈以幼子後之

崔嘉福妻朱氏夫亾孤子秉彛尚幼朱賢能善持家政門內諸務皆親自營辦凡夫所留遺俾不失墜秉彛藉是得畢力于學身列明經母氏劬勞朱氏其無愧與守節二十八載以疾終

張憲妻劉氏夫亾年二十三孤藐伶仃家無儲畜氏艱辛况瘁卒撫其遺孤報夫地下鄉黨稱之守節三十餘載

孝子孔興晉繼妻晉氏年十六于歸十八夫喪遺子才二歲力勤織紉沒齒自甘苦節三十六載

鍾成方妻王氏夫亾年二十三室中孤兒生甫六月氏痛不欲生念姑老無依日勤紡績以孝養其姑教子亦循循有法度時守節已四十載

張宣宜妻李氏夫亾年十九遺孤尚在腹中乃剪髮自誓既而生子事舅姑和以敬撫稚子嚴且慈苦節三十餘載

楊懋妻牛氏懋死年二十無子女立從子以承夫祀事舅姑曲盡婦道撫嗣子從容和易凡飲食衣服察其寒溫而更易之又以時教其不逮而匡救之苦節三十餘年鄉黨奉爲儀表

錢養年妻尚氏夫亾年十七無子女養年兄嫂又一時並喪孤姪煢煢無所恃賴氏繼姪爲嗣又撫姪以承伯氏宗一養婦措柱門庭兩宗均藉以不泯族黨賢之

王遷妻邵氏年二十家貧夫死無以爲殮乃典嫁時服飾殯葬其夫居常躬自紡績養老姑撫穉子歷四十餘年姑以

壽終子復生子焉

段衮妻王氏夫亡氏年十八事姑盡孝撫子成立年八十以壽終

段兆鳳妻表氏年二十四而夫歿表日夜號泣既葬還家即自死于私室州守嘉其節烈表而旌之

董選元妻李氏夫亡年二十七無子殯夫後自縊死州守洪旌其門

宋喬妻董氏年二十五夫沒遺子玕始五齡氏撫摩鞠育教孤有成守節六十一載环妻董氏姑董氏之姪女也玕亡氏年二十二亦苦節二十二年姑姪後先守義閨黨至今稱頌弗衰

趙廷士妻盧氏夫亡年二十九姑老盧善孝養奉姑命惟謹

遺子八齡視其寒暄時其食飲輔導而成立之守節五十七年壽終七十餘

董光佑妻王氏年二十五夫亡遺子方四歲翁姑在堂氏日夜紡績俯仰衣食均藉以不匱孀居五十一年壽七十六無疾而終

生員張維翰妻岳氏年十八喪夫無子氏繼姪爲嗣姪甫週歲氏撫育勤勞愛如己子孝養翁姑婦道無缺苦節三十載年五十而卒

姬鎧妻李氏年二十七夫亡長子甫二歲次子才一歲氏教育孤兒寬嚴中節期于有成後子夢鸞入泮苦節二十載以疾終

段貴色妻李氏夫亡年三十二長子方六歲次子生甫七月

堂上翁姑已垂白李事上撫下周詳篤摯俾無餘憾而後
卽安厥後子復育孫孫又生子時七十五歲守節已四十
四載

陳曉妻吳氏夫亡年二十五室中孀姑幼子都無依倚氏終
日勞勞機杼入夜常參半不寐殫心竭慮以供俯仰今七
十六歲子孫俱成立守節已五十二載

門克慎妻董氏年二十一夫亡上有垂白之翁姑下有襁褓
之稚子紡績勤勞俯仰各有所藉孀居已三十一載

溫振妻王氏振亡遺孤才一歲氏保抱携持視其成立庶姑在
室俾安居以終老今守節已三十三載

李培資妻曲氏二十五歲而夫亡長子八歲次子方三歲氏
延師以教導諸兒奉舅姑事皆竭誠盡敬婦持門戶四
十餘年克儉克勤復以所餘周給孤貧嬰兒之無告者間
黨賢之

薛坤妻盧氏夫亡年二十三孤子始五歲氏孝養翁姑撫育
子女各盡心力時守節三十餘年子婦侍前諸孫繞膝間
年已六十一矣

知縣張勳知解組歸來中途忽疾故遺子驢方五歲其生母
侯氏時年二十五窮途無資乃毀衣釵得挈子扶匱歸里
門事老姑朝夕上堂問起居進食飲教子日誦詩書端其
趨向名列成均不幸子復亡又撫孫冀其成立時已七十
三歲

蔡紹元妻秦氏紹元貿易楚中沒於旅舍氏年才二十有三
遺三歲孤煥文氏日勤鍼黹以孝養尊嫜煥文幼時氏口

授三字經命其習讀期於有成年五十七而終守節三十
五載

原時道妻江氏鳳臺黨莊里人二十五歲夫亡遺孤方四齡
家貧辛苦力作撫子成立守節七十二年近孫曾滿膝下
矣年九十六康健如常時猶縫紉不息前州縣知之欲表
其廬氏聞之曰守節是我身應得事旌表我擾我心矣避
之欲自速死有司驚而不敢過問孔解元興鈞有心名教
不忍湮沒述其里居姓氏并歷節年所嗟乎余幾欲以不
傳傳之矣乃今得列其梗槩爲善無近名視此村嫠清脩
益厲也

段克恭妻王氏夫婦甚相敬愛後克恭勇于問學卒以幽憂
成疾賫志而歿時氏年二十八舅姑已臻耄耋氏極意承
歡沒則盡哀以終喪制遺藐孤二日教以勤讀父書慰夫
地下時守節已二十有二載

姚治國繼妻王氏歸姚門未周兩載治國歿時年十九室中
孀姑已垂白前氏所生子才四歲王氏日勤女工爲俯仰
資姑老病卧床笄者十餘年氏晝夜扶護不少懈撫前氏
子如己子後孤成長食力他鄉諸孫力田以謀生理氏年
僅五十四齒落日昏形容枯槁如八九十歲人三十年拮
据勞瘁以孝以慈其情亦大可哀已

西頓村民王君顯妻崔氏年十八歸夫門凡農務女工咸服
勤操作爲舅姑鄉里所愛重閱三載夫亡後三十餘日
始生遺腹子釗自提孩至成立兢兢愬愬備極顧復其經
營稼穡服勞如故舅姑生養死葬用是俱得成禮今年六

十四歲一子承宗孫曾滿室節婦亦遂厥初心矣

韓開泰妻薛氏年二十七夫亡氏晝夜號哭既念姑老子幼家故貧氏宵旦勤紡績以奉旨甘常督子文明力學俾早歲遊庠亡何子復喪又撫孫成立聊慰桑榆時年已七十有八矣所居一室聲不出內閫足不履外闕其嚴介有如此者

王倬妻武氏幼嫻內則事舅姑以孝聞年二十四喪夫無子以姪承祀顧復情深教誡維切青年守節迄今已五十載現年七十三歲

七嶺前邨郭鎮都妻溫氏夫鎮都忽瞽以上資生康熙乙丑正月鎮都賣卜鄉鎮路過水北村失足墮池中溺死溫氏時年二十六念衰老姑嫜襁褓釋子無從得食乃親勤十

指又乞母家時時給米薪越六年庚午旱明年辛未復蝗里人多不聊生舅姑憐其苦託所親微探之溫泣曰我即餓死志不可易州守韋表其閭今氏年七十六守節已五十一載矣

王永珍妻劉氏永珍少時貿易江南後竟客死宿州劉氏時年二十有三聞訃哀慟幾絕繼念室中無他親故子義順才一歲逐日勤機杼爲生撫孤稍長教讀書又以家貧苦俾受學岐黃義順遂以醫行于時康熙戊戌乃得奉父柩旋里歸葬先塋二十餘年氏心所欲拮据營辦者于今稍慰守節二十七載以病終

張可裕妻楊氏年十七于歸越六載而夫喪時高堂景色已屬桑榆孤子維鵠尚在襁褓氏則親并舂以事公姑躬紡

績以撫稚子守節已三十餘載

楊世美繼妻段氏年十九嫁于楊世美素以文學名有前氏子圻未幾入泮然家奇窮氏相夫待子曲意將順後氏復生子三曰坊坤塏無何夫喪時氏年二十九坊十歲坤七歲塏生甫七日圻亦窮苦莫支氏不欲復以苦累前子乃晝夜紡織撫三子皆有成及長各為娶婦年七十三而卒陳文貞相國記女奴景事女奴景贅夫柴乙皆從予京師乙病景輿以歸及家而乙死既瘞景時節哭瘞所虎銜豕來熟睨景景哭極哀不見虎樵人遙見呼景景近虎尺許卒不傷也其家諸柴數逼景嫁不從朝夕虐酷之居二年人或益不堪謂當以告吾家景曰吾居王家久主嘗不預外人事吾柴氏人豈以吾事累主耶諸柴愈勾勾環伺將奪指又乞母家時時給米薪越六年庚午旱明年辛未復蝗里人多不聊生舅姑憐其苦託所親微探之温泣曰我即餓死志不可易州守韋表其閭今氏年七十六守節已五十一載矣

王永珍妻劉氏永珍少時貿易江南後竟客死宿州劉氏時年二十有三聞訃哀慟幾絕繼念室中無他親故子義順才一歲遂日勤機杼為生撫孤稍長教讀書又以家貧苦俾受學岐黃義順遂以醫行于時康熙戊戌乃得奉父柩旋里歸葬先塋二十餘年氏心所欲拮据營辦者于今稍慰守節二十七載以病終

張可裕妻楊氏年十七于歸越六載而夫喪時高堂景色已屬桑榆孤子維鵠尚在襁褓氏則親井舂以事公姑躬紡

續以撫稚子守節已三十餘載

楊世美繼妻段氏年十九嫁于楊世美素以文學名有前氏子圻未幾人泮然家竒窮氏相夫待子曲意將順後氏復生子三曰坊坤埴無何夫喪時氏年二十九坊十歲坤七歲埴生甫七日圻亦窮苦莫支氏不欲復以苦累前子乃晝夜紡織撫三子皆有成及長各爲娶婦年七十三而卒陳文貞相國記女奴景事女奴景贅夫柴乙皆從于京師乙病景輿以歸及家而乙死旣瘞景時節哭瘞所虎銜豕來熟睨景景哭極哀不見虎樵人遙見呼景景近虎尺許卒不傷也其家諸柴數逼景嫁不從朝夕虐酷之居二年人或益不堪謂當以告吾家景曰吾居主家久主嘗不預外人事吾柴氏人豈以吾事累主耶諸柴愈勾勾環伺將奪之景乘夜奔訴之縣道遇虎當路景趨過虎傍虎卧如故景抵邑門坐守至天明門開趨縣庭號訴縣令哀其情召諸柴數而箠之後令行案境中景遮道訴又數而箠之愈箠虐愈慘景非死無所之矣乃念乙死時言主家遇我厚我死終不能報主恩甚恨之景於是提攜其九歲女六歲男泣涕匍匐乞食野宿走京師行五閱月而達計程二千里中多峻山大水水潦秋方盛深及腰腹以上景凡涉水則先負一兒抵岸再返負其一兒日數涉涉幾死者數矣蓋其艱如此至之日家人以告予詢之言歷歷感其事不禁泫然泣下左右觀者無不皆泣女奴微者耳名義所不責而能卓然自立使人感動如此此豈非出於其至性者耶夫士大夫之行其大於此不可爲量數而能如景之出

萬死一生而不變者誰哉或曰景習於王家蓋道誼所薰
 染也夫士大夫豈無載籍師友耶而忠孝節烈之行往往
 存於樵魯僕婢至義足以馴猛獸誠足以濟生死百世之
 下將有聞而興起者豈以其微顯異哉故傳其事庸以告
 天下之為士君子者

明節婦署丞段廷黼妻魏氏段居讓妻龐氏王堯臣妻姚氏
 國朝節婦王嘉謨妻韓氏霍世科妻王氏生員郝紹芳妻郭
 氏劉雲鵠妻趙氏龐士傑妻顏氏邵師尹妻楊氏樊養能
 妻謝氏段絨鳳妻劉氏陳策妻苗氏生員喬民信妻王氏
 張嗣昌妻孟氏劉永貞妻韓氏張潤妻孔氏生員趙日章
 妻喬氏生員陳英妻翟氏常佩璫妻劉氏苗登雲妻裴氏
 中奇遇妻侯氏常友金妻牛氏董濬妻王氏郭名顯妻魏

氏常祿妻李氏宋奉楨妻張氏王海妻陳氏李學書妻王
 氏門永和妻原氏馬洪瑞妻鍾氏張德俊妻陳氏邵儒妻
 李氏陳泰妻王氏李必昌妻張氏范自省妻郭氏董洪妻
 張氏尚錦妻朱氏王起志妻傅氏陳善妻古氏趙良弼妻
 申氏王俊奎妻王氏馬雲蛟妻王氏段雲鷺妻李氏宋璋
 妻霍氏生員葛秉忠妻馬氏劉崇濶妻趙氏邱弼乾妻王
 氏張宿瑞妻王氏李文臣妻王氏生員董維藩妻孫氏生
 員王容妻張氏朱錦妻宋氏陳玉圖妻李氏晉宗周妻李
 氏范才喜妻王氏

以上皆無
 事跡可攷

高平縣

元張珊妻曹氏年十九珊亡遺孤甫一歲姑先有贅壻李姓者利其所有陰與其妻謀願鴆兒以絕曹望曹心動乃寄兒母家惇惇子立恪盡婦道以慰其姑凡五十年所李姓人死兒克成立壽九十終至大定間奏聞旌表

張國用妻許氏年二十二夫亡誓守奉姑泰定三年詔旌曰孝節之門同邑又有段傑妻姬氏李鳳妻王氏王平妻張氏俱以貞節著泰定間縣尹郭質上聞竝旌表

明張友讓妻王氏年十九歸讓閱十年讓死苦志不移資女紅以奉姑教子慈惠嚴整自夫之喪足弗踰閭弗與宴會終身秉禮不失尺寸年六十八以疾終

李韶妻祁氏年二十二韶亡以死自誓舅姑欲奪而嫁之氏

堅持大節志不可奪內外稱之

王子章妻李氏章死氏欲殉未果值兵亂携七歲兒備歷艱危僅而後免垂四十年晚節愈勵

邵深妻璩氏年二十深死氏端潔自持資織紝以供朝夕邑有巨姓擇筵慕其賢欲致之屹不為動竟守志以歿論者高之墓產紫芝二本縣令劉鳳池有詩憑弔

邢琰妻李氏琰早死貧甚親黨以別醮諷之氏曰姑在孰與為養者人亦不復敢言竭力奉姑終老氏亦壽躋七十有八

生員陳鳳妻李氏明經陳輔母夫亾子幼家計落莫守志不踰倚紡績為命教子成立官漢陰知縣以上俱成化七年知縣崔璘上聞旌表

李女幼受尚洗聘未娶洗往滇無歸志女誓不改適尋以禮歸尚門事姑篤孝洗竟客死典衣飾托所親舁骸骨歸為同棺之穴而厝女歸尚六十年未嘗識夫面而苦節自守甘之如飴嘉靖間邑令傅思明表其畸行立祠祀之邑人宮詹劉虞夔有贊

邢光裕妻郜氏裕負矢戍邊竟裹馬革氏典衣取屍歸殯畢即縊柩前二女從死有司上聞建坊旌表曰乾坤正氣牛學孔妻張氏學孔疾篤以百金付張曰為爾後日計氏自忖脫不幸有死而已金何為學孔竟不起氏投縋柩前有司上聞與郜氏同受旌表

龐陽妻陳氏隆慶間陽死氏哀毀踰禮苦節四十餘年萬曆壬寅遇覃恩詔表其間復丁二人邑人馮養志志其墓

舉人邢國庶繼妻趙氏適邢一載而寡年十九姑垂白前妻
二子待哺氏食貧勵節奉姑終身教二子尚簡尚思成立
奉詔旌表

張朝相妻李氏生二子而朝相亾氏年十八艱虞萬狀迄於
成立長子嘉祥娶李氏次子嘉瑞娶賈氏後兄弟相繼死
一姑二婦誓共守節俱以垂白終

宮詹劉虞夔妻畢氏年二十一夔卒撫嫡子元徵於襁褓誓
死保護族子不得肆其整卒全三尺孤以綿一綫歷三十
年不渝元徵以胃子官部郎疏請旌表

牛天賜妻梁氏進士牛翀元母年二十九而寡性戇直不苟
言笑苦節四十餘年人不見其露齒受貶封依然寒素尋
建坊旌表

張珽妻王氏幼失怙恃育於嫂以有其生年十六歸珽亦
少孤依舅氏以居氏婉婉順從庭闈雍穆越十載珽遭危
疾慮婦少無依氏泣曰夫之不幸乃妾之不幸也君死我
豈獨生耶及珽卒既殮卽自經死

李經邦繼妻王氏夫歿氏年十七撫前氏子鞠育恩深後婚
娶成家子婦俱殞喪又撫孤孫荼苦五十年院道優獎
馮坤妻田氏夫亾年二十五家貧以磨麵爲業苦而不怨垂
三十餘年院道表閭

李時漸妻張氏漸素貧約歿之日殯殮無具氏百計營辦克
全大事厥後以女紅度日時或甕殮不繼泊如也教子藻
成名晚節彌苦院道表其閭

姬佩林妻郭氏年二十生子甫三日而佩林歿氏矢志撫孤

澤州府志 卷之三十九
終身無二子國澤儒士官黃州知事投牒終養知縣洪聲
遠請院道棹楔表其門

廩生牛星妻薛氏星亾氏年二十二勤儉持家居常食糠覈
衣大布日以撫孤爲事守節五十餘年卒能長子孫而成
家業院道表其閭

李嘉言妻張氏十九喪夫遺孤數月義兄欲因以爲利數逼
嫁氏截髮自誓勤女工以給糊撫幼子春躍充增廣垂五
十年內外無間院道優恤表閭

郭守恩妻孟氏恩故氏年十九撫孤成立守節終身院道旌
表

趙金妻李氏金客死淮安氏年二十聞訃慟哭繼念旅櫬尚
在遠道心愈哀苦乃托所親携歸拮据營葬終喪盡禮姑

性嚴氏唯唯聽從曲盡孝謹守節四十年院道旌表

常太妻張氏太亾氏年二十四翁姑垂白子方襁褓或勸其
改適氏曰老幼將誰依倚耶誓不從院道旌表

郭思恭妻關氏年二十而恭亾氏方有娠舅姑衰老氏朝夕
侍奉務得老人歡旣生子無日不深其念慮守節四十年
院道旌表

李大勲妻王氏勲死氏年二十四孝親撫孤五十餘載院道
旌其閭

郭治禮妻畢氏年二十二治禮亾守節四十年門庭闐寂凜
若冰霜院道旌其閭里

何春妻王氏春亾年二十七閨門嚴整足不履外庭笑未嘗
見齒守節垂四十年院道旌表

張孟秋妻李氏年十九秋亡困苦食貧藿鹽終老守節四十餘年未嘗怨悔

郝慶妻李氏夫亡年二十三撫週歲孤日夜兢兢恐其有疾後年已長成不少弛其顧復守節數十年州縣屢加旌表

李佩妻朱氏佩亡年十九守節四十四年水操自矢百計以撫其孤孤克成立學使旌表

牛漢妻苗氏年十九漢亡守節四十餘年長齋繡佛食粗糲以終其身院道旌表

秦自立妻李氏年少孀居遺孤尚在襁褓氏形影相依勞心撫字卒能成立邑令上其事聞于朝歲給粟帛子振英優免差徭

韓希愛妻王氏愛亡年二十二事姑撫子以慈孝聞院道屢加旌表

馮四端妻秦氏夫亡年二十二撫孤應元亦早歿時應元妻牛氏年十九婦姑相隨堅貞不二撫孤孫昌祚亦卓然成立有司旌表

李濬澤妻田氏年少夫亡撫育二子教誦詩書子棠繼棠緒後先入泮有司累給扁旌之

吳守志妻劉氏守志亡氏堅持苦節惟勤惟儉卒保其家以利其後人州守每加旌獎

國朝監生李棠繼妻田氏己丑夏賊人張斗光煽姜瓖餘燼澤潞騷然劫掠無忌氏避亂東莊煤窰賊薰攻甚急窰陷被執氏罵曰吾以名門女適名門豈從汝賊賊大怒露刃

脇之罵愈厲立斃刃下時從賊者無不愧歎

鞏攀桂妻張氏年十六而夫亾子楨生甫六十日氏荼苦備

嘗撫孤成立年八十一以疾終邑令奉文立石志其事

生員趙建紀妻王氏年二十五夫亾投繯以殉遺一女弗顧

士林哀之

孝子袁潔母朱氏十八守節八十告終結廬墓所以終其身
縣令奉文立石志之

趙之秀妻程氏年十九之秀死無子始以氏年少家貧迫令

改適氏給以服除及期姑設計携婦往女家道逢數人目

注氏氏覺謂姑曰已被細看何用往女家爲遂別姑獨歸

未至家悲湧長號卽自縊于夫墓時年二十一

庠生李德恒妻秦氏年十六適德恒事上使下率和以敬姻

黨稱其賢越十二載德恒病革氏泣語德恒曰君無爲我

念我必以死殉德恒深戒之及德恒卒旣殯氏以頭觸棺

幾死家人守之會翁痛子傷懷憑棺大慟舉家胥奔勸氏

乘間自刎死氏兄訟之官凡六閱月讞平始殯形容不毀

面色如生

庠生李業偉妻田氏偉死氏年二十三事姑盡孝教子義方

門巷潔清非至戚不敢入其室學使給扁旌之

李彪妻王氏年三十撫有四子長十歲餘子俱在懷抱夫亾

氏欲從地下姑曰旣爲彪也妻宜爲子也母不爲子也母

愧爲彪也妻氏感泣守貞五十年四子皆成立邑令表其

閭

庠生畢多福妻牛氏夫亾氏年二十四孑然一身誓死不嫁

年五十始繼子為嗣晚景落寞衣食甚艱辛而撫愛嗣子
彌篤學院劉旌其門

李永欽妻楊氏欽亡氏年二十三家徒壁立遺子焯尚幼稚
氏勤紡績以教育孤兒焯亦能承母志壯歲舉于鄉學使
給扁旌獎

陳尚志妻李氏年十七夫亡無子女孝養孀姑五十年如一
日喪葬盡禮有司旌表其門

陳紀妻李氏年十九生子方六月紀亡氏屏跡毀容奉事翁
姑教養稚子守節四十二年邑令旌表

胡璣妻常氏年二十七而寡遺孤曦甫數歲俯仰無依氏日
夜勤苦奉養老翁教子成立邑令表其閭

生員楊上林妻秦氏林歿氏年二十二毀容守節繼姪承宗

有司旌表

緜獻儒妻張氏二十一喪夫遭家奇窮鄰人勸其改適氏寧
甘荼苦矢志不移撫二子成家卒年六十有三

陳緒妻李氏節凜冰霜至死不撓其志閭黨高其壺範
武光啟妻王氏啟亡氏年二十五撫遺孤慈不狎恩嚴不苛

細為遠近觀法課諸孫成名者甚眾及元孫再見時年九
十餘無疾而終學憲勵以北堂人瑞旌其門

段琬妾吳氏與女君鄭甚相歡愛值琬病藥罔效氏剖股以
進疾遂愈後生子甫三歲琬病死氏引兒置鄭前自是水

漿不入口月餘卒督學范扁旌其廬

靳永科妻牛氏夫亡孝事翁姑撫育稚子比至成立子復亡
與媳共守冰操沒齒無怨鄉黨稱其雙節

邵文龍妻王氏夫亡遺孤甫五載氏教育勤劬俾之成立事
老姑朝夕侍奉弗怠守節四十餘年有司優獎

生員裴士超妻秦氏夫亡無子乃繼姪爲嗣鞠育深恩不異
已出居常事舅姑處娣姒皆循循有規矩今子又生孫夫
之宗祀可無憾矣

武寧基妻李氏歸武門克盡婦道翁稱其賢家故貧夫復愚
駮不任事常藉氏十指爲生活甚至累日不舉火氏亦無
怨悔父與翁憐其非匹耦會議勸氏改適俾寧基爲僧以
兩全之氏聞乃以履授寧基曰若不得復着是履矣潛縊
死聞見者莫不哀其志節

靳王前妻李氏夫亡家貧如洗室中惟一女相依氏甘心勞
獨能孝事其姑善撫其女終不以貧苦變其志

陽城縣

明段居仁妻宋氏年二十七夫亡姑吳年已六十子會甫週
歲氏紡績爲業養姑教子洪武間旌表

栗氏雙節栗文輝之二女長適宋貞次適王愈俱年二十而
守節深居緘默稿容素服以終其身成化間旌表

李紹妻張氏年二十夫亡紡績爲生澹泊終老一衣十年雖
垢敝不忍輕棄嘗云衣取敝體時或垢敝和仄請澣紉鍼
補綴仍完潔以服吾身而已弘治間旌表

原湖妻王氏湖家貧爲傭一日湖出氏守三歲兒屠竈賊乘
隙犯之以刃脇不從縛其手足緣地滾磕罵不絕遂遇害
賊亦旋獲知縣李立碑道旁曰王烈婦執義抗賊處

李守然妻張氏夫亡年二十子生方八月家貧姑曹欲奪其

節張斷髮誓不改適正德間旌表

采實豆妻楊氏蠡縣丞爭光女年十九無子一女生始孩家貧落魄依母氏以居長齋蔬食閉門深處以終其歲月屢經旌表

貢生郭九思妻楊氏名臣繼宗女九思亡二子吳昌俱幼氏撫之爲慈母爲嚴師後吳昌皆領鄉薦母訓仍不異童時雖女子而卓有父風益知貞肅之家法矣

原氏雙節生員原一揆妻謝氏早寡子泉博尚幼紡績訓讀泉博娶王氏未幾亦夭遺孤其秉甫三歲王氏孝養孀姑撫嬰成立當事表其閭

舉人白所樂繼妻延氏所樂觀於嗣氏生子孕奩甫五齡所樂亡氏年二十九遭家多難善撫其子奩入泮未幾奩又

亡孫方旭生甫十月子婦王年十九氏復勉慰之撫育遺孤潔清自好延壽躋九十王亦七十而終方旭官壽州丞生員田墾妻原氏早寡二子實堅實栗俱幼氏善導而嚴督之實堅娶王氏又早歿遺腹生子士珍王氏與姑誓同守志清節可風巡按特表其閭厥後孫曾代有令德母氏之教居多云

李天育妻王氏義士王海女夫病革誓以死殉比亡水漿不入口殮畢拜舅姑別姊姒所有服飾分餉長幼各有差僭自縊家人覺而救之稍甦曰我亡人也遲速均一死耳若奚救爲卒自縊死時年二十四萬曆間建坊旌表

生員喬鳳鳴妻田氏年二十八夫亡遺孤彬樸俱幼旣而婚娶成立二子相繼淪亡子婦俱陳氏女甚賢孝氏慰之各

以貞節聞歷五十餘年孤孫映伍善讀書成名州守徐芳傳其事

孝子王冲妻劉氏冲年十九從父淑陵官京邸病亡劉年十七聞訃哀號更衣自縊家人救止之姑慰曰汝有遺腹獨不爲王氏延一綫耶劉省姑意未幾果生子元楨殫心撫字教誨成立天啟間旌表

成朝寶妻吉氏夫亡年二十二家貧遺孤二俱幼姑趙年老孀居吉孝養以終其天年二子皆婚娶成立無何次子先歿長子年七十一亦謝世吉復勤苦訓孫有聲崇禎間奉勅建坊卒年九十三曾孫亦鄉薦

白氏鶴之女適城西畢某方入門某以祖軍清勾當起解懼而自縊白亦自縊死州邑屢加旌表

史鐵妻崔氏家故寒微傭工度日夫亡鄉里以崔有殊色爭欲娶之崔卽詣夫墓自縊諸父老嘉其義烈憐而葬之

燕國洽妻王氏年十六而夫亡生子方彌月氏撫之二十餘載流賊突至被執欲污之不從賊怒遂被殺督學張表之曰青年確守乎貞操苦節可風一世白刃甘蹈於臨難浩氣直塞兩間大司空白所知爲志其墓

廩生李際時妻馬氏與夫携二女長十六次十三同趨走避賊至沁水河濱向夫誓曰此吾死所矣旣而與夫相失賊至逼之同二女投河死

王增保妻畢氏僻處小莊賊至被執欲污之拒之甚厲刃露終不從賊恚甚曳至塲圍剗其腹斷腸于地罵不絕口而死

王桂妻李氏白巷民養賢女爲賊得牽至上佛寨前呼曰與我若干金當釋此婦無應者賊語李曰無人贖汝當從我氏曰寧死不從殺之賊退視其屍血染地作白色甚泓之血化爲碧今烈婦之血化爲白亦奇矣

生員馬一乘妻李氏爲賊獲鞭之不從乃投廁中復爲賊獲計不得脫給賊曰體污矣須走河中浣之賊尾其後乘間入井賊恨甚下石而死

王烈女生員如秋女及笄與嫂某氏私約曰賊至安之有死耳及賊來家人競走出逃匿獨兩人不去闔戶同經死

銀匠孔量妻李氏爲賊獲語之曰若從我勝於從銀匠李罵曰寧從銀匠肯從賊乎賊強挽之上馬渡河罵不絕口至中流投河死

栗某妻劉氏窶人也有女年十四美而豔賊至懼汚令女先投井劉從之俱死

燕國問妻李氏賊獲欲汚之堅不從奮罵不輟遂立斃刃下剖腹折骸極慘酷知縣李旌之

孝子生員李博妻延氏賊至博守父柩不去延聞變先自縊死督學袁給扁優獎

石氏雙節石廷章妻李氏弟庠生含章妻盧氏廷章亾李年十九無子以含章子維鼎爲嗣甫彌月李鞠育之有踰所生孤克成立及賊至李被執不從割舌而死盧委身救護賊復斷其指遂遇害

楊棟妻張氏年十九而夫亾子墜芳猶未週歲事孀姑李脩行婦道者三十年值寇亂婦姑同日經死

王實德妻徐氏夫亡二子權桂俱幼家苦食貧氏紡績勤勞
延師教讀子桂孫用士俱登鄉薦

舉人侯一律妻謝氏父家富而夫甚貧入門即毀衣飾爲治
生計一律由是得肆力於學登賢書無何一律亡氏紡績
度日訓子皆有成

楊氏雙節楊堯瑞妻李氏年十九夫亡無子月冷柴門草深
庭戶苦節五十年楊堯年妻原氏年二十夫亡守節四十
年撫視遺孤卒能成立巡按咸旌之

崔氏雙節崔繼文妻栗氏年二十夫亡貧寒無依拮据終日
守節五十年崔繼夔妻原氏年十七夫亡備極艱辛栢舟
自矢年登八十巡按咸旌之

生員郭光大妻原氏生子甫彌月夫亡家甚貧勤治女紅以
資日用奉八旬老舅養生送死咸盡禮呱呱襁褓慎其燠
寒時其食飲長養而成立之邑令李給扁優獎

衛天寵妻卽氏夫亡誓不再嫁撫子遵武有成督學賀給扁
優獎

白儒妻王氏夫早亡家無儲蓄氏拮据勞瘁撫諸孤皆克成
立孀居五十餘載戚黨欲爲請旌王力拒曰守節婦人事
也旌何爲哉及卒親隣婦女莫不流涕

知縣宋之范繼妻王氏夫令深澤甫期月罷歸以疾卒諸姪
利其田廬迫欲奪其志氏呈諸邑宰卒能守夫遺業秉清
操以終老焉

成家妻吉氏夫亡子尚幼氏紡績事姑教子其材列明經孫
益昌舉鄉薦州守屢經旌表

李養正妻張氏家貧年二十五而夫歿孀姑在堂張奉姑甚
謹時張方有娠祝曰若不絕李氏一綫當生男及期果生
子撫育成立年九十餘卒

張克家妻凌氏夫亡年二十一子尚幼家甚貧誓不再醮恒
藉紡績度日撫子有成

張問明妻田氏早寡而家貧子天球方幼勵志守節訓子成
名家宰王國光誌其墓

生員原一陽妻成氏夫亡年二十脫簪珥謝鉛華紡績勤苦
者四十年撫嗣子泉清成立縣令扁其門曰貞節

原江妻王氏夫亡年十八子始孩氏甘守清貧撫孤成長
沒齒無怨言

陳瀚妻王氏夫亡年二十一子其志方周歲家貧氏紡績治
生以孝事舅姑撫育稚子屢經旌表

郭塙妻孫氏年二十四次子始生遭家多故夫歿之後舅姑
相繼喪亡氏拮据營葬訓子淇都補邑庠屢經旌表

路天寶妻齊氏夫亡無子上有垂白老姑氏善承意旨以終
其天年撫二女長成自女適人家益困氏終歲勤苦不言
勞瘁其勵志如此

田應雲妻潘氏夫亡年二十二家貧無子遺孤女二翁姑欲
令改適誓不從乃日勤紡績事舅姑終葬撫二女長成孀
居四十六年卒

李敦化妻田氏夫亡年二十三姑老子幼家貧幾至不能舉
火氏紡績奉姑教養厥子是善持門戶而不困于貧苦者
鄉黨賢之

生員陳炯妻賈氏歸陳門相夫勵志讀書蜚聲黌序年未三十夫亾四子一女俱幼氏早夜勤劬撫孤成立屢經旌表增生朱大化妻王氏夫亾年二十八甘守清貧杜門寂處歷三十年人罕識其面撫三子皆成立有司旌之

田志節妻賈氏夫亾氏年二十五辛勤紡績艱苦備嘗歷四十年如一日撫二孤皆有成屢經旌表

田應選妻呂氏年十七夫亾備歷艱辛遺孤之茂撫育成立院縣旌表

省祭張國泰妻王氏柔嘉靜正夫亾無子止遺一女家人利其產欲令改志王抱女號泣夫柩晝夜不絕聲爭者皆斂跡不敢墮其志行守節四十餘年卒

生員李紹芳妻白氏夫亾年二十五訓子貞一有聲諸生間孫在公舉明經屢經旌表

國朝生員張任妻王氏明徇節叅政徵俊曾孫女年十六歸任結褵甫九月任感疾卒氏慟哭瀕死含殮畢卽欲自盡姻黨勸進飲食命婢媪環守之氏佯盥漱櫛緹起居如常時却私檢遺奩別以小物遺女奴密陳礎衣手紉之餘悉置笥緘封給婢媪往造食乃以夫故腰組項下經痕處受以白縑數寸許自經死衣桁間後任死僅一口事聞建坊旌表士大夫作誄以哀之時復有石范二烈婦大學士陳廷敬爲三烈婦傳

衛宗聖妻白氏嫻女訓婉執婦道孝事嚴姑甚謹家貧苦日不聊生携子就養母家得甘旨輒遺姑宗聖歿無以爲喪欲殉未果號泣請父母資棺衾葬具粗備中夜投繯死

郭進臣妻許氏年二十三夫亡撫孤天壽娶呂氏未幾天壽復喪呂氏年二十一子永寬甫五歲始婦孀居撫永寬亦克成立

儒士石基永妻李氏年二十餘基永以勤學賣志歿遺孤甫二歲基永死之明日孤亦死家貧五日始克殮李因盡納基永手鈔詩文於柩中給姑寢櫛沐自經柩傍邑令都甫旌之諸生韓蘇爲文紀其事

儒士衛琦妻賈氏夫亡氏年二十三遺孤貞方四歲舅姑春秋高夫弟妹九人皆孱弱婚嫁喪葬皆氏一身經理之鞠躬盡瘁未嘗告勞守節四十載課子成進士受馳封及子卒撫孤孫又二十年俱獲成立卒年九十有六

田世達妻栗氏年十七夫亡子女俱無誓從地下家人謹伺之乃斷髮毀容縞衣蔬食以終其身年八十卒

石氏雙節石可用妻白氏石可成妻張氏可用兄弟分箸析居張氏年二十可成亡遺孤才襁褓伶仃孱弱母子二人相依爲命無何可用亦亡未立嗣白氏堅持大節乃迎張氏共屋而居晨昏風雨更撫遺孤以成令德二氏俱享大年子事二母亦盡誠孝

趙嗣敏妻崔氏年二十喪夫無子時夫弟嗣昌婦有娠氏默祝曰幸生男吾當育之後果舉子因以爲嗣崔撫之成長教養有踰所生鄉里賢之

生員甯大良妻田氏大良遊學卒於京師氏年二十五無子依母家守節四十餘年冬夏一室獨居鄰媪罕識其面歿之日歸無族葬無兆母氏諸姪乃祔葬於祖塋作苦節吟

十章以弔之邑中名士哀而屬和者數百人

李承培妻田氏年二十夫亾有遺孕誓無二志廬墓側三月生子攀龍孀居四十餘年撫孤成立邑令馮嘆曰守墓生子天下之至可憐者爲旌其門以哀之

生員田生福妻王氏年二十八夫亾遺孤尚幼家貧與寡居女妹甯寒宵其績雖大故不出閨闈終日惟兩鬢爨與一孤雛竝處也荼苦七十年近百歲而卒子宅中有文名

張象璧妻蔡氏崇禎壬申兩姑及夫竝爲賊傷年二十三抱兩歲孤求三屍藁葬之賊平典衣飾并先舅合窆焉晝夜紡績勤苦教子讀書卒致失明後子登甲午貢元

張琦妻裴氏琦賈河南客死禹州裴聞號泣絕食五日不死其兄具物祭琦氏曰姑待我家人防益嚴強之食乃稍稍

食以安之凡六日避明視之經死矣及含殮貌莊靚如生馬艾志妻栗氏艾志忽被土崩殞命氏年甫十七無子女聞夫死悲號踰日別父母遂從容自經死

譚佳章繼妻王氏河南息縣人歸譚甫三載佳章病歿氏墜樓幾死姑多方勸慰曰俟汝夫葬後當送汝還母家氏亦恐以身死累姑給兄至與訣哭拜夫靈窺家人防稍踈闔戶自縊

庠生許思睿妻楊氏妾王氏思睿歿於江南之金山楊氏絕食十數日而死王氏矢節撫孤孤得長養成立及卒邑人田六善詩以輓之

曹怡如妻王氏于歸二載怡如客死江西氏年十九懷孕三月幸生子家貧寄食于兄嫂竭蹶携夫匱還鄉居常勤十

指以撫孤鄉里稱之
儒士楊激妻張氏夫亡無子年二十四絕粒誓死其母以立
後勸始進食嗣子殤復為立嗣冰蘖自持孀居十載母病
侍湯藥稱純孝母卒竟不食死

田見祿妻陳氏家貧以縫紉佐讀年未三十而夫亡值歲大
饑常食藜藿以充口實撫三孤時萃時茂時盛俱入泮能
承母志恢宏基業時茂官兵馬指揮贈母陳太安人時盛
有子汜內閣中書官郡丞

恩生白文黼妻郭氏夫客楚宜城值寇城陷不屈死時郭年
二十七縞衣茹苦以終老事舅姑生死盡禮撫三孤俱成
生員白光昭繼妻范氏撫訓前氏子不異所生光昭歿勤儉
持家克光前業咸黨賢之

劉淳繼妻楊氏夫亡氏年十八有娠家人欲奪其志氏毀容
勵節孝事孀姑又三月而子天章生訓誨成立孀居五十
七年卒

生員李和妻田氏年十九子甫二歲和病露禱于神願以身
代和止之曰死易耳存李氏一綫難未幾和歿舅姑相繼
云亡氏笑哭母子艱辛萬狀教子及孫皆有成

生員楊斗維妻喬氏斗維為名臣貞肅裔孫病卒氏年二十
九無子女誓不再醮往依節母陳氏兄映伍以居苦節五
十餘年卒

恩生白方厚妻王氏方厚亡氏年二十四即投繯救免又絕
粒累日子畿甫五齡舅姑力勸撫孤始進飲食教子成名
畿以新貴令棄官歸養時兩賢之臺使旌門

增生白象爨妻衛氏爨工詩文早亡氏年二十六矢志撫孤備極艱辛課子僉有成

崔巒宗妻田氏夫亡年十九撫姪森爲子訓之成立苦節五十八年知縣項旌門

劉庚妻裴氏二十歲孀姑五旬遺孤三歲氏艱辛事養子孫成立

生員張瑤妻陳氏二十五歲子女俱無撫三月嬰姪爲嗣撫之成立親操井臼善承舅姑意旨鄉里賢之

生員白印恒妻衛氏尚書一鳳女夫亡年二十七誓以身殉舅姑慰曰有子方熙須教誨何自諒爲乃不飾簪珥資紡績督子成立苦節三十年受賜封屢經旌表

吳思孔妻白氏事姑以孝稱年二十而夫亡一女生始孩家貧無依父母欲奪其志以栢舟自誓紡績度日守節五十年

生員段上鳳妻吳氏年二十四夫亡遺孤四齡舅姑在堂曲盡孝養撫子公黻入庠終完其節

田養仕妻王氏夫亡二子俱幼甘志淡泊屏去華靡四十年如一日撫育兩孤成名孫亦入庠諸婦遵教不敢有犯人欽敬焉

畢倫妻吳氏二十八而夫亡家徒四壁二孤方幼儻室而居併日而食備歷艱辛靡有他志教子振芳入泮次亦成立四十餘年人無間言

生員王立心妻吳氏年二十六而夫亡子幼家貧孀居三十餘年紡績茹苦歷盡艱辛撫孤長成完節凜然

生員王業鴻妻郭氏年二十七夫亡遺孤二人俱幼翁姑垂
白氏勤紡績供薪水孝養盡禮教子補邑庠
生員衛瑄妻延氏年二十而夫亡子甫三歲冰蘖自勵勤勞
紡績教子賁爲諸生

王道行妻田氏年十八而夫亡子甫彌月斷髮毀容誓無他
適事翁姑靡不誠敬守志三十餘年

監生張致中妻栗氏二十八而夫亡矢志守節紡績度日恩
養嗣子孀居四十餘年

李春蔚妻王氏年二十七而夫亡二子俱幼紡績度日艱苦
備嘗撫子璋補邑庠

生員郭維寧妻楊氏年二十而夫亡遺孤長二歲次數月俱
庶出氏撫之若己生縫紉養子皆成立凄風苦雨三十餘

年

田體坤妻李氏二十五而夫亡翁姑在堂祖姑年九十氏孝
養盡禮垂四十年如一日撫孤昭補庠生

趙夢豸妻陳氏二十九歲夫亡子女俱幼敝裳糲食苦守志
節子女皆成垂四十年壽七十餘

成大祿妻劉氏年二十一夫亡家計蕭然誓不改志織紉教
子二孤成立孀居三十餘年

衛遵志妻上官氏年二十一夫亡舅姑垂老止有遺腹三月
矢志靡他既而生男王輔險厄百經貞潔一致垂三十七
年

原遵妻潘氏年二十夫亡二孤方幼金石自矢誓不他適撫
子成立

田志鯤妻閻氏二十歲夫亡子方三歲氏以女紅度日矢志堅守值荒歲數日不舉火未嘗稱貸于人節之最苦者

生員張俊望妻王氏夫為寇所害氏年二十三哀號不食誓以身殉遺孤五齡紡績自給訓子嚴慈互濟補邑諸生

原泉瀾繼妻楊氏十九而夫亡無所出前室遺子讜方四歲楊撫育不啻所生訓誨入泮苦節五十餘年

儒士張啟芳妻賈氏年二十而夫亡遺孤三歲矢志守節積女紅之餘為子脩脯歷明兵燹備極艱辛五十年如一日子位中卒能成立補邑庠縣令旌之

田乘妻李氏夫亡氏年二十七翁老子幼更有祖母在堂家貧無資氏竭蹶甘旨孝養三世撫二孤成立卻入邑庠學憲嵇旌其門

舉人劉植妻趙氏年二十七夫亡孀姑抱病服侍湯藥三年不懈喪葬盡禮課子照青舉鄉榜學憲嵇旌以節孝垂芳

鴻臚寺鳴贊郭璋妻王氏夫亡年二十六誓以身殉舅姑諭之立孤孝養二親教子天澤入成均縣令旌表

田晉標妻劉氏二十七歲夫亡誓舍生全節復念翁老子幼忍死守貞上奉高堂生死盡禮下撫二孤婚娶成人苦節三十四年壽登六十一歲

舉人白階妻崔氏年二十八歲夫亡絕粒投繯誓從地下翁姑勸勉矢志完貞上事下育各盡其道閨門從不聞笑語

之聲教子德珪官外翰守節四十六年壽躋七十四歲令終

孟印增妻劉氏二十八歲夫亡家徒壁立時處凶荒奉養老

終

姑生死禮備撫育四週弱息成人守節三十五年

吳潤妻王氏潤卒氏年二十遺子方三齡孀姑時已八十氏
堅守志節孝姑撫子以織紡資生計三十餘年始終如一
縣令扁旌

張含琮妻成氏二十五歲夫亡無子止生三女家貧如洗度
日維艱矢志守節凡婚嫁之資皆取給于十指念夫無嗣
擇姪為子苦節清操里中稱之

周鵬繼妻原氏夫亡年二十五歲翁姑垂老遺孤幼小氏冰
操勵志艱苦備嘗撫前子不異己出孝事高堂生死盡道
歷四十年不改初心子成孫生婦之力也

田喬妻郭氏夫亡時年二十四歲遺子幼小絕粒捐生幾作
縗中之鬼舅姑勸解始免矢志守節皓首全貞六十餘年
壽屆八旬人咸稱之

成仔妻原氏二十二歲夫亡遺子方三齡矢志不二上奉孀
姑色養無違下撫幼子義方是訓不幸子復夭亡又嗣孫
承宗苦節五十七載壽已七十八歲邑令旌表

王正妻趙氏夫亡年二十六子吉祥方週歲幾欲投縗相
從勉為襁褓延生誓志守節紡績資生教弱嗣成明經茹
荼四十餘載年登七十三歲邑令旌表

吉慶妻許氏年二十七歲夫亡遺孤三齡上有垂白翁姑親
老子幼家貧無資氏日勤紡績以賴養育艱難備嘗水操
四十七年七十三歲而卒

生員石瑁妻張氏妾余氏夫瑁以事去河南濬縣尋歿于邸
寓時張氏年二十九側室余氏年二十七生子石伍方五

歲余氏携子扶匭歸葬陽城張氏事姑訓子以孝以慈一門雙節守貞三十餘載

衛泰妻王氏年十九夫亡撫遺孤昌基辛勤鞠育及昌基名列膠庠氏稍稍有喜色年七十三而終守節五十四載

衛成繼妻郭氏值夫成司鐸靈石卒于官氏年僅二十有七撫遺腹子昌緯呱呱襁褓至于成立年五十九而終守節

三十二載邑侯郡守皆旌表其門

衛昌基妻崔氏年二十七而寡上承兩世之歡下撫十齡之

子厥子鐘亦早歲遊庠今年已七十猶勤婦職神明弗衰

監生石乾生妻楊氏年十九早寡守節三十一載事舅姑以

孝聞

武生石成生妻段氏年二十八喪夫無子守節年已七十餘

手胼足胝以餬其口是甘心窮餓而不變其節者與

趙從妻栗氏年十五歸夫門三載即喪偶苦節三十一年孝

養公姑義方訓子里閭族黨多敬重之

馬宸初繼妻梁氏夫亡年才二十九荼苦自甘至于没齒守

節五十三載

馬王輔妻王氏年二十七喪夫敬事孀姑撫孤成長歷今已

三十餘載茹荼守節數十年如一日云

縣丞馬榛繼妻張氏年二十八喪夫撫遺腹子備極艱辛以

承宗祀苦節已三十餘載

生員趙之鈺繼妻田氏年二十七早寡守節四十二載撫四

子有成孫枝繁衍聚順一堂鄉黨奉為儀表

田子傑妻宋氏年二十四夫亡苦節四十六年冷霜清堅

貞自守

曹克勤妻侯氏二十七而寡事七十之姑撫五齡之子養老
慈幼壽七十而終

曹鯤化妻霍氏夫亡年才十九生子爾瞻甫兩月以養以教
至于成人年七十八以壽終

曹爾瞻妻楊氏年二十夫歿撫藐孤去私俾至成立卒年八
十有四

曹理秀妻趙氏年二十九夫亡舅姑垂老遺子始生三月仰
事俯育艱苦備嘗於今已四十六載 此皆耕饁小民一
門四節允堪褒美

劉廷英妻孫氏年二十六早寡撫遺孤既成長氏年五十有
五二子復喪再育二孫視其成立數十年撫孤守節形影
悲涼終其身不見喜愠之色

李育溥妻許氏年二十一夫喪事舅姑以孝撫遺孤以慈守
節五十餘載今年已八旬安貞之節俾壽而臧

生員馬錫妻王氏夫亡子復喪立從子以承宗祀守節四十
餘載

裴廣生妻楊氏年二十六夫喪時親老家貧遺孤懷瑾甫五
歲氏孝養公姑撫孤成長不幸子復亡又撫孫鴻業成立
苦節五十九載年八十五以疾終

明節婦王質妻吳氏

國朝節婦張元功妻石氏生員衛晉璧妻延氏生員趙之錕
妻暢氏楊大叅妻延氏馬國柱妻原氏王立旺妻朱氏李
應科妻郭氏喬起鳳妻張氏衛登科妻畢氏劉昌達妻呂

氏衛泰妻王氏生員趙亨妻衛氏生員衛賚妻田氏以上皆無事跡可攷

陵川縣

明韓時妻牛氏夫亡無子年二十三誓守一節紡績養姑洪武七年旌表

武繼姑父母早亡依兄簡議贅里人張旺為婿未婚會簡有五臺役以旺代旺病歿役所同行函骨歸繼姑哭之慟叔母李曰何慟為再擇所從爾繼姑云婦人守一安得此語是夕投繯死正統間旌表

和憲妻蘇氏生子甫週憲歿氏年二十二甘貧守節終始不渝成化間旌表

進士武思明妻姬氏思明早卒氏年二十五清閨自闕誓不易心正德間旌表叅政王尚綱以雪竹命題咏其事

生員武來遠妻韓氏遠死遺腹生子世喜氏年二十翁姑在

堂家貧食力生事死葬動合儀禮州守馬汝驥上其事
生員張智妻杜氏夫亡無子嘗云婦人一醮不移安忍以人
倫爲狗彘行年八十二卒婿徐模以禮合葬

李嗜妻王氏夫亡遺腹生子躬勤紡績以育孤兒年八十卒
生員都一龍妻婁氏少許配龍龍病篤迎歸甫一月龍卒氏
年十六念舅姑失所忍死孝養冰貞不斃年逾八十萬曆
間旌表

郎娥兒貧女也議配侯存兒少養其家會有惡少窺之乘翁
姑偶出遂逼娥娥峻拒之不逾刻投繯死惡少遂以法棄
市萬曆間旌表

生員王克耕妻竇氏夫卒撫孤學禮爲邑庠名士復天死孤
孀年八十而歿

生員婁子遇妻郎氏二十喪夫遺孤繼世方七月艱苦音之
成立甫授室而亡遺媳徐氏孝姑守節院道有雙節之獎
生員徐炯妻趙氏年十六炯卒無子貧苦不能舉葬資力母
家年逾六十茹荼自甘傭針指過甚遂傷一目事聞旌表
生員婁子進妻徐氏年二十二孀居無子守節六十餘年人
無間言院道扁獎

舉人韓國賓妻李氏夫亡年二十四矢志撫孤垂四十年崇
禎間旌表

宋希堯妻徐氏夫亡年十八遺腹生子廷彥督教食餼得貢
巡按郭題旌

宋希文妻李氏年二十而寡投繯數四救甦清操無斃教子
廷瓚爲諸生崇禎間旌表

省祭王學孟妻段氏事姑孝嘗以舌舐姑瘡流賊猝至姑病卧與兒媳牛氏侍姑不捨罵賊被害崇禎間旌表

趙源妻王氏年十九而源亡生子慶方七月終身紡績養姑育子姑歿以禮葬之成化間旌表

張真妻李氏真亡李年二十五子完僅一歲絕膏毀容誓不易志育孤成立以延張氏之脈成化間旌表

舉人王潔妻和氏潔亡和年二十七孀居守節訓子如玉習父業以歲貢授吳橋訓導成化間旌表

府判張信妻馬氏夫卒於官一寒如洗依庶子爲命鄰婦多慕其賢

生員馬思驢妻郭氏幼有志節歸馬不久夫亡撫育幼孤經歷寒苦白首不易

馮一鳴妻武氏年十八鳴卒無子嚴守閨門紡織度日院道旌表

武松清妻王氏清卒撫一子立志不渝守節終身院道旌表

郎應堂妻蘇氏堂早卒李事姑克孝操守肅清院道旌表

趙守庫妻馬氏年二十五夫亡撫育遺子成立年已七旬院道旌表其門

韓朝士妻李氏年二十七故家甚貧窘撫育幼孤永堅貞白院道旌表

徐黨妻賈氏年二十二夫亡饑寒交迫守節不變院道旌表

生員王餘慶妻和氏年二十五夫亡孀居守節撫育遺孤艱苦不變其操

徐必昌妻趙氏十九歲喪夫歷盡艱苦教子遊庠院道旌獎

武鎮宇妻都氏按巡祝題云松筠清操鐵石剛腸崇禎間旌表

武新民妻馮氏夫亾氏年十八歲數欲自盡以苦勸慰得不死守節終其身屢經旌表

甯承法妻張氏年二十三歲氏勵志守節院道褒獎

節婦都氏憲綱失其夫姓名

國朝生員都養德妻李氏年二十孀居撫子迄於成立順治間旌表

臨川令李向禹妻王氏姜瓌亂猝逼城下氏曰君往矣守土無以家爲向禹率內騎出捍氏以白練縊於中堂有二婢從之

關中順妻王氏年十六夫亾翁姑念其少欲嫁之抵死不從

守節畢世

焦崇保妻郭氏鬻飯爲生崇保歿守節不渝

武存智妻郭氏無子女守節不二人無間言

生員王亮采妻婁氏亮采出繼叔嗣姜瓌變所生父母失養行志則屈抑於勢隱忍則負疚於心賴氏委曲調停隱行其孝邑令給扁旌獎

靳天挺妻牛氏年十八而寡子在襁褓有諷別嫁者氏剪髮務面明其不二曰兄爲孝子吾不能爲節婦乎終不奪孝子者甲子舉人牛焮父牛魁斗也

貢生王四門妻都氏家貧女紅佐養有孝名比姑歿舅耄孝謹愈摯謂四門曰汝婦賢能爲我撫少子無何四門亦歿氏當室四十年舉遺命哀切督課幼叔四岳遊庠邑令扁

旌

姚之銛妻郭氏幼孩許字後之銛貧且病父母有悔意氏決計求死恐滋他議遂歸姚之銛尋歿氏年二十六苦志撫孤至死不怨督學汪灝表其閭

千總武柱國妻王氏二十七喪夫二孤孱幼屢遭兵荒間關得全食貧教子武毅入泮壽八十終

生員武立幼妻王氏幼嫻女訓得姑懽年二十七喪夫守貞不二撫孤武雅爲名諸生泣曰吾初不卽殉汝父死者徒以汝耳汝能立吾願畢矣知縣扁獎

生員王者儻妻蘇氏二十二歲無子女舅姑垂白竭力甘旨舅得晚子甫四歲舅卒氏撫育盡心俾成立焉

生員張起鵬妻李氏夫亡氏年二十八歲紡績撫孤

武鵬程妻楊氏二十八歲夫亡苦志守節

宋景星妻李氏夫亡氏年十九歲子女無出立志完節尤女中之最難者

趙時通妻王氏夫亡年二十七歲矢志守節今七十有四經旌獎

貢監徐之琦妻馬氏夫死撞柩頻絕鄰媪救活守節全貞

王文墜妻曹氏金石盟心冰霜勵操年及七十六歲

貢生婁銘妻秦氏千里扶櫬青年矢志白首完貞

牛自通妻秦氏矢死靡他堅守節操教子成立

廩生婁繼爵妻牛氏年二十一歲夫亡遺子方三齡矢死守節教子成立

都基泰妻李氏年二十一歲寡居並無子女可依孝事孀姑

始終不渝

生員曹亮妻王氏年二十歲孀居撫三歲孤及遺腹子俱成立

生員和暢妻徐氏年甫二十子方週歲夫亡苦節撫孤五十年如一日

序班王文炳繼妻朱氏年二十四歲夫故撫前妻子不異已出人稱其賢

都如興妻武氏守節全名始終如一

監生馮學謙妻高氏年二十五夫亡矢志守節始終不渝生員王牧民妻趙氏堅貞守節不易其操

盧騰雨妻陳氏家故貧夫死益困陳自甘荼苦歷久不易

梁泉村李得會妻張氏夫亡守節又其女許字郝二髦待年

而夫歿女時年十九聞之不淚亦不語矚母往唁撫膺一

慟以絮塞其喉投繯死邑侯平表其門曰一門節烈

靳居美妻王氏于歸未久夫客死中州氏聞訃哀痛七日不

食竟餓死

以下至牛氏悉據陵川續志所載

王烈妻張氏年十九夫亡即持刀自刎家人驚覺救免越

二日伺守者稍怠潛縊夫柩旁葬之日闔村往送墓門

徐可久妻趙氏夫亡甫二十八歲翁尚在堂子方三齡赤

貧如洗氏飲泣傭針為俯仰資事翁盡孝教子成名

廩生徐承宗妻王氏夫亡甫二十四歲克遵姑訓不以貧

改操教二子曰牲曰喆遊庠食餼學憲劉額其門曰一門

雙節

廩生李蒞妻范氏年二十五歲夫亡矢死靡他堅白無玷撫

孤成立學憲劉旌其門曰栢舟遺躅

廩生馮君就妻姬氏年二十八歲夫故姑老子幼氏事姑盡孝教子成名年七十五而卒里隣稱之

生員馮滬妻韓氏夫亡氏年二十六歲與孀姑姬氏朝夕相依矢無二心兩世冰節後先輝映

生員閻達妻李氏年未三旬夫故無嗣竟以節終學憲朱旌其門曰寒松古雪

婁必顯妻劉氏年二十四歲夫故家無升合矢志靡他享壽七十五歲而終

馬佐妻焦氏佐亡焦年二十二歲誓死從夫地下以姑老恐死奉姑始終不渝

張理妻武氏夫早亡家貧子幼茹荼飲蘖誓志守節邑侯蔣旌其門曰蘭谷幽馨

馬冲海妻徐氏年二十六歲夫亡家貧備針黹撫孤卒至成立年七十三歲而終

馬錦妻趙氏錦亡氏年二十三歲上事翁姑下育幼子始終如一

王達妻都氏年少而寡矢志苦守繼姪承嗣人皆義之

武唐妻李氏二十四歲夫亡撫孤守節教子成立

武煥章妻馮氏十八歲夫亡竝無子女苦辛守節

馮潤妻王氏年二十七歲心同金石堅不可移

牛祐妻都氏二十四歲堅守志節誓無二心

婁燿妻張氏夫亡年十九歲紡績自給撫子成立

王世洪妻馮氏年二十八歲夫亡撫育繼子堅守冰節

生員劉原妻董氏年二十六歲夫亡越三日始生遺腹子堅
守冰節不以貧窶易其心享壽七十五歲

蘇正坤妻秦氏二十五歲夫故子甫二歲撫之成立

張翔妻何氏夫早亡遺二孤甫成立而二孤皆亡尤節中之
最苦者

宋喜春妻李氏二十五歲夫亡立志全節貧淡終老

趙宗省妻傅氏年少夫亡家貧守節

生員任嵩年妻常氏二十三歲生子方八月夫亡矢志守節
撫子成名學憲勵旌其門曰雪白松青

張易妻都氏夫亡家貧嚼栢茹荼苦節終身

張星燦妻都氏夫早亡守志不渝自甘苦節

宋官西妻焦氏年二十三歲守節弗渝今已聖老

蘇百順妻韓氏年二十四歲夫故撫幼子成立事翁姑克孝

紡績自給始終無渝

廩生劉堯封妻賈氏賦性溫良持家貞靜夫亡年方二十五
歲松栢盟心荻熊教子

楊渥妻劉氏年二十七歲氏本詩禮之族嫺閨範之教夫亡

堅貞自矢始終一節

李訥妻武氏夫亡年二十七歲撫孤成立人無間言

曹戶妻武氏年二十二歲夫故子幼撫孤守節孤又亡立孫

承嗣婦道所難

李星妻焦氏年二十六夫亡一寒如洗茹荼飲蘖始終如一

郭世勳妻王氏年二十七歲夫故家計蕭條撫孤成立克盡

婦道

李甲妻楊氏夫故年二十四歲四壁蕭然立志完貞婦道有終年七十餘而卒

和英妻徐氏年二十七歲守節克盡婦道教子成名

徐希聖妻都氏年少守節誓無二心

文書掌郭四妻趙氏年十八歲其夫以傭工自給病卧彌歲氏以女工易食夫故泣盡繼血隨自縊夫旁

廩生武瞻妻李氏年二十三歲恪守夫命誓不他適無愧世族之裔

曹灝妻趙氏夫亾年二十八歲子甫三齡撫育懇勤卒至成立

審聚平妻秦氏夫故氏始十九饑寒日迫守節不變

廩生焦鵬南妻楊氏年二十七歲守節不易王州守額其門

曰松筠比節壽享七十

韓自愛妻李氏二十三歲守節邑侯王額其門曰節孝完

武敬勝妻秦氏二十三歲淡薄自甘苦節終身

和聚才妻蘇氏二十六歲守節撫孤終身無二

楊維鑑妻傅氏年二十三歲夫故遺子淳方週歲栢舟自矢

教子成立

牛伯清妻李氏年二十九歲夫被賊逼死氏罄家所有以葬夫立志守節教子成立

秦夏妻申氏年二十八歲夫亾子蘇梅甫成童氏艱苦備嘗訓子成立壽七十二而終

郭成妻楊氏年二十二歲夫亾自縊柩前署縣遼州王額其門曰明倫砥俗

郭維漢妻李氏年二十六歲夫亡守節不易

侯敏妻原氏年二十二歲夫亡守節白首全終

原春妻張氏年二十八歲夫亡守節撫孤誓無二心

任瑞齡妻李氏年二十七歲夫亡上事姑翁下撫藐孤無愧節孝

李相妻蘇氏年二十七歲夫故栢舟矢志育姪繼嗣卒至成立

李新怡妻楊氏夫亡年二十五歲守節不渝克盡婦道

原通江妻段氏夫早亡遺腹未產立志守節終始無玷年七十餘而卒

王若熙妻李氏夫亡矢志守節隣里皆稱其賢

生員都來遠妻劉氏二十七歲夫亡守節訓子三十餘年清

無玷參府王旌其門曰貞孝荻丸

生員王元郇妻都氏二十八歲夫亡矢志栢舟教子成名壽七十餘而卒

李進升女李氏年二十一歲夫亡子幼甘心守節八十二歲而卒

王歛妻馮氏年二十四歲一貧如洗甘心守節隣里皆稱其賢邑侯林旌其門曰松筠冰操

牛燦妻李氏年二十八歲夫亡繼姪承嗣堅守冰節人皆稱其賢

傅珍妻牛氏夫亡年二十五歲繼子承嗣亦天氏獨力爲舅姑營葬事事盡禮壽七十三而終

王一貢妻馮氏夫亡二十九歲弱叔二撫立成人幼子四三

人入庠壽八十八歲終訓導王額其門曰貞節

王有聲妻路氏郎一貢之媳夫亾二十二歲守節矢志撫幼百折不磨壽八十八終訓導王額其門曰女中嬰杵

王咸一妻牛氏守節完貞

張天恩妻李英姐本義賢里民李欽女年十七歸天恩未踰一年天恩寢疾病甚死矣英姐號泣悲哀不食已復將已衣徧身縫敝遂投環自絕天恩復甦翼日天恩仍死夫夫死不食復縫衣從容以殉若英姐者可不謂難乎

徐五教妻王氏年二十五歲五教業儒自館歸病不起氏即粒米勺水不入口家人勸慰矢志不移五教歿後越七日防少疎遂投繯遂志時雍正十三年四月二十五日也

沁水縣

明楊文慎妻車氏文直妻侯氏文慎兄弟相繼死車與侯俱年二十餘車無出侯有一子世隆僅週歲二人誓不他適撫養幼孤世隆成立咸以母事之非親串不知爲誰子洪武間旌曰雙節

原大做妻郭氏大做早卒氏年二十二無子守節後大做弟大經夫婦俱亡遺一子一女俱幼郭撫如已出卒皆成立庠生張謙光妻竇氏光卒氏年二十四子宮在襁祿守節撫之備極艱苦卒能有成孫五典登第氏猶及見焉

庠生李新香妻竇氏新香病篤氏籲天以身代卒不起氏慟幾絕撫一子二女事孀姑及翁所遺二妾俱盡禮父玳賈於梁不返氏養其母終身奉詔旌表外孫張忠烈銓立傳

張安祝妻焦氏甫于歸安祝以貧故往來梁宋間鬻鹽三年始歸月餘復出及氏生子而安祝已死有議改醮者氏輒引刃自刎傭作餬口艱苦備嘗卒能養姑代終撫子成立廩生王體乾妻張氏夫亡子維城九歲氏歷艱禦侮謹護育之朝夕勉以詩書嘗爲之火荆照讀城列明經孫曾相繼成名

廩生劉用章繼妻張氏用章前娶李卒遺孤韓僅三月張年十六奉堂上以孝聞越二年夫亡守節誓死及殯臨穴見止容二柩隨觸首墓中救之甦曰是欲我代夫事親守孤存劉耳自是孝敬益至撫韓如已出乙榜恩貢兩孫入泮皆親見成立焉

庠生韓可式妻張氏夫卒子曄甫八月氏矢栢舟歷艱辛四

十年奉姑以大壺終撫子成立及見其孫縣令旌之

韓可仕妻王氏結褵僅七月仕適湖廣不返氏艱苦無依日佐人針指以養姑竇氏曲盡婦道終身無怨

省祭趙光輝妻竇氏夫卒氏志守節孝事二親嚴率兩子家珍家璉天啟間旌表

廩生趙家珍妻白氏珍早死氏守節撫遺孤永寧爲諸生趙家璉繼妻商氏璉早死前妻生子永健氏撫健不啻已出健長食餼亦稱克孝

趙永寧妻霍氏永寧死誓守與祖姑竇氏等稱一門五節

廩生趙永健妻呂氏永健早死氏產遺腹子品與姑商氏相依爲命機聲軋軋備歷酸苦後品成立於商稱孝孫於氏稱孝子商壽八十二氏壽八十九蓋賢慈節孝萃一門云

儒士韓施仁妻劉氏夫亡氏欲從之姑勸之撫孤孤復亡氏
三就縊家人覺而救之嗣姪瑄爲子事姑孝撫嗣慈學使
旌其閭

席日正妻丁氏年十八正亡祖姑九十二翁姑七十餘氏生
事塋祭俱盡禮家鮮親丁止有十齡從姪崇敬撫爲已子
後敬娶妻生子珍夫婦以貧轉溝壑死氏含辛撫珍卒至
成立

竇顯福妻韓氏年十九夫故遺腹生子韓初奉姑育子閱四
十年姑卒又四年韓初亦卒孤苦異常節孝兼盡當道表
之

舉人張鉛妻劉氏莊靖公東星女孫鉛早卒劉矢節撫孤道
溥未幾溥殤劉絕飲食誓必死舅姑令嗣猶子道濟數年

道濟亦亡凶慘叠罹四十年貞操無敦得 旨建坊旌表

季子實妻竇氏事姑盡婦道正德初流寇犯端氏居人逃避
子實偶外出氏負姑涉沁水匿南山岩穴間賊至大索氏
被執賊首見其艷欲犯之大罵不從賊刺之暴屍市上已
而甦顧其姑不知所在見賊復罵不絕口賊投大石碎其
首見者無不哀悼焉

李沾妻劉氏沾卒劉自縊家人救之時方娠其姑以存後爲
勸及生三日天劉遂不食死時年二十餘事聞旌表

郭志妻劉氏志溺水死求屍不得朝夕不食比得屍遂投縲
畢命

劉時動妻李氏陽城李榮先女幼字時動後時動父歿家索
榮先意中變氏知之甫十歲卽誓死嚙臂投崖賴草藉得

不死及笄歸時動未幾時動病卒氏自縊以殉時年十九

李鴻桂妻崔氏夫死三日禮殮畢卽自縊死年二十歲

王赴瀛妻陳氏夫故氏年十八卽日自縊崇禎二年奉詔建坊旌表徐令爲作贊

吉尚本妻王氏尚本死氏晝夜號泣不絕七日不食而死鄉里憐之

郝時雍妻李氏雍旅病故氏聞訃卽自縊建坊旌表

徐承祖妻李氏承祖故氏年未二十號泣不食三晝夜卽縊以殉

庠生霍欽翼妻常氏遇寇驅脅罵賊不辱投井死

王壯祚妻霍氏寇至逼凌抱子投河死督學張扁姓日抱嬰伸義

席崇儉妻張氏儉病侍湯藥浹旬不寐儉卒氏自縊與夫並

柩奉詔旌表

貢生李日芳妻張氏性端嚴事姑孝崇禎六年八月流寇陷

沁城氏携幼子燒登樓避難賊舉火焚樓衆啟門出氏跪

祝曰李氏止一子賴天庇佑不罹寇慘氏縱死何憾將幼

子先擲去自墜樓死

庠生衛思洛妻尙氏流寇陷城思洛遇害氏與兒婦李氏挈

子女投火死

庠生李珮妻陳氏崇禎八年被賊脇不從偕幼子文龍俱遇

害

張道濊妻馬氏于歸時濊已抱病越數月而歿氏誓以身殉

悲憤成疾卒年十六給諫楊時化稱曰貞孝女爲文表墓

張效濂妻衛氏流寇至濂被害氏跳城死

常烈女常治躬女王加印作亂逃避山谷賊見逼誓不受辱

自縊督學張扁旌

霍夫人張忠烈公銓妻也銓家寶莊爲沁水巨鎮先是銓父
兵部尙書五典以流寇縱橫築墻爲堡甚堅後賊犯寶莊
時五典業前歿銓子道濬道澤又官京師寇將至衆議棄
堡以去夫人曰避賊而出家將不保出而遇賊身將不保
等死耳死於野無寧死於家且我據堡以逸待勞誠守禦
有方賊雖衆其如我何乃躬率僮僕誓堅守寇至環攻勢
甚急而堡中守禦具胥備矢石並發寇負傷滋衆越四日
訖不克逞而退其遠夫人言出避山谷間者率遇寇淫殺
尤慘惟張氏宗族得全冀南兵備道王肇生表其堡曰夫

人城

韓秉仁妻郭氏家貧仰食女工奉孀姑竟成廢疾不能仰視
姑與母一時同病氏更迭省侍不以貧疾憚煩旣而姑病
篤氏專奉姑跪伏頻更牀褥不令穢溺及體未幾母卒氏
奔哭盡哀卽返以姑病易衣而入姑竟不知其失母越旬
日姑亦卒殮殯合禮邑人皆稱其孝

韓俊妻郭氏進士韓肫仁母也封恭人通詩書識大義芳年
守志肫仁登第報至家人驚喜氏督諸婦灌園不言不起
神色自若肫仁任大理寺退食必問平反出守北海亦然
有不合輒不食以故肫仁居官所在有聲奉 旨建坊旌
表

譚福妻李氏夫亡年二十四立志守節

楊世錦妻張氏夫卒守節不嫁操守貞潔賦性明達人咸敬
憚不平疑事皆就質焉

張鑑妻王氏夫死不嫁其女適庠生崔志寧亦能守節有母
氏風焉

韓永實妻李氏二十七歲守節後子君恩貴封孺人

官生李希夔妻張氏守節不易終始如一

庠生劉喬蘭妻柳氏堅白自矢守節終身

庠生丁世珍妻王氏夫亡守節奉詔旌表

霍鍾妻張氏十七于歸十九孀居遺腹生子撫孤成立督學
扁旌

劉用力妻常氏生子未彌月而夫亡誓死不嫁孝事翁姑慈
撫孤幼八十壽終

王九棘妻劉氏夫亡守節撫孤縣令扁旌

庠生竇加猷妻霍氏夫亡守節訓二孤瑄璋俱入庠道縣扁
旌

庠生衛思濟妻張氏濟亡孝姑撫子守節四十餘年

霍汝廉妻田氏遺腹生子守節保孤道憲表揚

庠生何通海妻李氏年十九夫亡無子女翁姑欲令改嫁氏
以死自矢家貧寄食母家壽登七十有奇

韓任仁妻劉氏翁病癱不能動履氏奉侍維謹夫客死于賈
止有一女氏事翁撫姪苦節四十餘年

王誥妻竇氏夫歿氏年二十孀居四十九載撫三子皆成立
以壽終

王蘊古妻郭氏于歸未五載古走楚不返遺腹甫二月幸生

男奉姑食貧紡績資生撫孤成立年至八十九歲

王卿妻張氏夫卒年二十一男佐方週歲氏朝夕紡績恩勤

育子苦節堅守

庠生劉東吳妻常氏夫亡守節甘貧孝姑撫子成立

王體民妻黃氏夫卒年二十七歲遺子三週氏紡績維勤言

笑不苟八十四歲無疾而逝

衛宇樸妻李氏樸亡氏年二十節操堅貞撫孤成立縣令扁

獎

李本培妻張氏夫故年十九苦節撫子

李春盛妻張氏夫亡苦節終身學憲扁旌

張綸妻尚氏綸被流寇傷氏年十七無子誓死靡他嗣孫紹

業教養入泮

秦增榮妻趙氏夫卒氏年二十五守節完貞教子裕國入泮

鄭紹周妻楊氏十七歲夫亡引刀自刎誓不他適孝養老姑

嗣姪承宗教之入泮享年八十有餘

郭璧鎮趙完璧妻李氏夫死自縊按張司馬志氏闕其姓趙

亦失名邱令脩志以趙完璧妻當之而事蹟不合是終沒

其人也故既錄完璧之妻仍存闕文以俟詳考

國朝趙光重妻張氏光重早失怙恃與兄光燦素敦友愛氏

與光燦妻李氏妯娌同居亦無間言縣令旌曰敦和起化

姜寇破寨投井死

趙福溥妻牛氏姜寇陷邑砦氏被執不屈投井死

庠生孫之振妻楊氏陽城人會稽令楊鵬翼女之振歿氏年

二十矢節不二撫孤讀書入泮艱苦歷四十年

竇仲方妻劉氏年十八仲方歿氏卽絕食五日扃戶紉衣縊死其先祖姑韓氏年二十而寡撫子起光姑呂氏年十九而寡撫子仲方蓋一門三節而氏尤烈當事屢旌之

竇瑄妻霍氏年十七夫亡無子事孀姑霍克盡孝敬守節三十一年先姑歿縣令旌其門

盧氏趙氏竇瑀妾也瑀教授汾州卒于官時婦霍已早歿盧年二十九有孤女一尙在襁褓趙生子世英才二歲多病盧視趙子猶已生趙育盧女如已出初瑀無子以弟琇子世傑爲嗣年甫十餘歲盧趙撫之倍加珍卹後二子能讀父書皆二氏有以成之也自夫之喪二氏從瑀弟琇千里扶匱南歸哀號慘怛以終喪制居釐數十年育二子一女紡績勞瘁艱苦備嘗盧年六十四而終趙年五十四而卒各守節三十餘載大學士田文端從典哀其志爲墓表冉太史覲祖作雙節傳以述其事

恩生張道濟妻李氏年二十二夫亡無子撫幼姪爲嗣保抱扶持卒底于成守節五十年卒

張體德妻趙氏年二十二夫亡守志撫子璵娶婦生子璵夫婦胥歿復撫雛孫二十餘年得見曾孫而歿

舉人趙整繼妻王氏年二十二夫卒嗣子育溥舉鄉科官常熟令卒繼媳陳氏年二十八嗣子殤更嗣孫姑婦共矢冰操王年七十有七陳年六十有六卒

趙熹妻李氏年二十一熹病氏誓從死及病革氏卽引繩自經府縣咸旌其墓

李光輝妻王氏明末流寇肆虐氏隨夫避居周村光輝歿氏

年二十九歲將夫藁葬于外撫四歲遺孤延棟播遷流離
備歷危苦數年歸里日夜紡績教子讀書入泮食餼以明
經貢

霍名會妻張氏夫亡姑老止遺二孤氏茹荼辟纊誓死守節
養老無幼歷盡冰霜年七十三卒

侯坤妻王氏夫亡年二十九立志守節孀居二十六年五十
五歲卒

張敏行妻田氏夫亡氏二十有七矢志撫孤終身不二食貧
勵節三十餘年

張敏慎妻王氏二十八歲孀居矢志靡他撫孤守節四十餘
年

張業妻李氏業任貴谿令殉難江右氏無所出茹苦食貧三
十餘年卒

張世鐸妻霍氏年二十一夫亡遺二孤一二歲一甫三月貧
不能存姑憐其幼欲嫁之氏堅志以守後二孤俱亡又撫
孫夢鯉等成立苦節五十五年壽七十六歲終

張世模妻劉氏年二十四而寡上事翁姑下撫幼子四十二
年歿

生員張碧妻王氏年十九夫亡無子女誓不再嫁守節五十
年

生員霍周英妻栗氏英遊學中州病死氏聞訃驚慟累日不
食家人慮其自盡日夜隄防稍踈遂自縊鄉人立碑通衢
車有時妻王氏時亡遺孤尚幼守志撫育孤既娶亦亡氏抱
幼孫勤苦倍昔氏父年老家貧氏爲人春澣絰績撫孫兼

養其父里稱節孝

郭燦妻劉氏夫亡年二十有六無子止遺一女相依爲命有勸嫁者氏啼泣明志苦節四十年終

李周昌側室常氏昌亡嗣一孫亦亡氏伶仃孤苦烟火不繼依女誕生年八十一卒

李廷儒妻呂氏夫故遺孤僅二齡茹苦撫孤紡績自給守節五十餘年

官生張誕妻馬氏子敬五妻韓氏誕故馬年二十九無子嗣敬五爲後敬娶韓氏未數年亦卒遺子奕夔方在襁褓三世一綫煢煢欲絕馬與韓同心撫孤幸有滅生二子奕夔復少亡馬韓堅守苦節不渝

李席珍妻高氏珍貧業醫疾故氏年二十三歲子甥無養依外家以生矢志堅貞愈苦愈勵壽六十八歲卒

張傳燭繼室許氏夫亡遺側室子四歲氏年二十八姑老子幼不二年孤復夭慟宗祀無繼嗣族子爲後苦節而終竇復伸繼妻張氏伸任宜章令卒于官張年二十一子通方一歲張扶柩歸葬苦節四十七年而卒

竇造妻韓氏夫歿子幼氏年二十九織紡勤苦訓孤成立守節三十三年卒

竇峻德妻劉氏夫亡年二十九遺孤元馨才五歲氏日勤紡績教兒誦讀于旁元馨少長卽補博士弟子員未幾劉歿守志二十二年

席三聘妻趙氏夫故氏年二十八歲遺腹未產旣育子守志不嫁撫孤成立八十三歲卒

寶既從妻商氏夫亡年二十八歲苦志守節三十餘年歿
張世錫妻韓氏二十九而夫亡奉翁姑以孝撫孤子于成堅
守節操

楊文昇妻杜氏自二十五歲孀居守節老而始歿

李永周妻董氏夫歿遺子幼小拮据奉舅口體必豐後舅歿
子幼家貧行傭自給者三十餘年

杜居正妻張氏二十七歲夫亡守節終身老而彌堅

張毓蘭妻李氏夫亡年二十九撫遺孤有成食貧力苦至老
不易縣令扁旌

蓋爲鏗妻張氏年十九而夫故生子僅三日以親老子幼不
忍身殉立志守節翁姑又嗣一子與三日之孤相倚氏撫
二子不分異同見嗣子入泮而歿

張翹妻王氏翹貿易于外歿于江右遺孤四齡氏聞訃卽欲
身殉家人勸以姑老子幼因不死子旣成立姑年九十二
歲氏年七十五歲

侯復言妻馮氏年十九夫故撫孤旣成孤亦卒遺媳郭氏同
姑守節撫育幼孫人稱雙節

王逢瀛繼室張氏夫亡年十八遺前妻子方四齡家停五柩
未葬忍不卽死旣殯停柩子亦稍長乃封庫鑄笥紉衣內
外自經死里人爲詞詠之

賈紫鉞妻胡氏夫故姑老子幼家計蕭條氏食貧守志養老
撫孤守節二十九年

高靖妻趙氏年二十五而寡遺孤方七歲氏茹苦力作教養
其子七十三歲卒

王縉妻馬氏夫亡年二十八歲守節四十餘年七十三歲卒
生員田植妻霍氏二十二而寡孝事翁姑撫孤延耀成立守
節三十六年卒

張扶彥妻裴氏夫亡翁老子幼家且貧困氏竭力奉養翁卒
殯葬盡禮撫孤有成

衛邦衡妻李氏二十八歲夫亡子方數週氏依文紅爲生守
節全貞給扁表揚

吉斗妻樊氏斗死無子族人利其再嫁逼凌百出氏立志不
移撫螟蛉爲子守節五十五年八十一歲卒

張聯妻馬氏聯亡遺子長九齡次甫數月家貧勵操常脫簪
珥以佐其子夢鯉束脩守節三十三年歿

李維國妻梁氏生員李瑄母也夫故氏年二十有六遺孤三
週貧無養勤織課讀事舅姑克盡其孝撫子成立縣令邱
給扁表揚

商文彥繼妻王氏彥故遺孤三月乃前妻李氏出氏年方二
十母欲奪其節誓死不從力勤紡績事姑舅甘旨親供撫
前孤不啻已出淒風苦雨四十餘年

商碧雲妻楊氏夫亡遺子甫四歲女一週氏念撫孤事大忍
死矢貞又痛一子孤立嗣姪爲已子督之力學青年入泮
學憲給扁旌表

韓璇妻牛氏璇亡氏年二十二歲遺子四歲璇屬纊時指孤
爲托氏嚙指自誓家貧無怨始終一操撫孤成立享年七
十八歲

韓調妻侯氏年二十六夫亡遺孤日勞僅七歲疊喪翁姑更

羅兵燹家徒壁立矢志彌篤撫孤成立苦節五十六年卒
李如龍妻吳氏龍客死江南氏年二十七無子矢志守節翁
姑欲奪其志氏不從挫以難事堅執益至翁姑感其節孝
爲立嗣以成其志氏撫成之守節三十八年縣令旌表
謝承璋妻竇氏璋少亡遺孤三月氏毀容自誓安貧履苦撫
孤成立鄉人重之

竇佑妻霍氏佑故氏年二十八歲屢以身殉隣人救免守節
撫孤備嘗艱苦享壽七十三歲

韓家妻王氏家亡氏年二十有七遺孤統宗方五歲時姪緒
宗亦僅五歲新失父母氏矢志靡他撫育子姪不分異同
事姑必勤必謹雖備極艱難先人遺業未嘗少損教訓子
姪皆底於成

韓萬應妻趙氏應亡氏年方十九誓以身殉勺水不入口姑
委曲開慰曰爾成爾志不顧爾姑乎氏勉從姑命嗣姪履
新爲子奉姑教子兼盡其道卒成苦節

王命召妻康氏召亡氏年二十有七家貧子幼乳乳無告鵲
衣枵腹萬死一生撫孤有成

孫選妻李氏選卒氏年二十三歲家貧事姑克盡婦道苦節
四十餘載壽登七十卒

原任湖廣岳州府通判王政新副室蘭氏現任翰林院檢討
王承堯祖妣政亡氏年二十有六遺孤昌方七歲矢志靡
他親授其子句讀及昌生承堯延師訓教不事姑息卒成
大名苦節三十九年學憲旌表

楊鶴洲妻王氏洲故氏年二十四歲冰操貞潔六十五載間

里敬憐

王世俊妻常氏年十九而夫亡苦節五十八年節孝兩全鄉里獎異

馬文瑞妻韓氏瑞故氏年二十有二一子一女不幸亦亡矢志堅貞苦節三十九年獲壽六十一歲

貢生李日亨繼室翟氏廩生李敏蛟曾祖母也適李一載而夫歿氏年十九撫前子成立享壽八十一歲縣令旌其門劉用俊妻張氏俊亡氏年二十八歲堅貞撫孤卒底成立守節六十年獲壽八十八

張瑜妻劉氏堅志守節三十餘年撫孤成立

李維世妻竇氏庠生李掄升祖母年二十而寡子方週歲氏勤績訓子獲壽八十

生員季慕嚴妻賈氏廩生季在辰母也夫亡年二十三歲孝事翁姑飲水茹荼備歷艱辛守節三十三年

張門二節張道滄妻柳氏滄故無子繼姪德梁爲嗣梁亦歿梁妻韓氏方二十有四遺子傳灼甫三歲姑媳同心撫孤四十年冰操如一里稱雙節

庠生張志貞妻郭氏貞亡氏堅志守節釵荆裙布不履戶外苦節三十餘年

王榼嵐妻楊氏嵐歿氏年二十有七遺孤思帖方四歲孤苦伶仃食貧守志撫子成立

王諒妻韓氏諒故氏年二十一子二歲冰霜自勵淡泊是甘備履艱苦教子成立

王杲妻韓氏杲亡氏方十九矢志不二孝事翁姑訓養遺子

紡績度日四十餘年時叔子失怙兄子失恃俱在襁褓氏撫育之皆克有成人感其節且多其功

孫萬齡側室張氏年二十有二夫卒堅志守節五十餘年

劉元宗妻縑氏宗亡遺子方三月氏年二十二歲茹荼飲藥事姑舅克盡婦道鄉里稱頌

楊公羨妻李氏羨亡氏年二十有五遺孤五歲堅志守貞誓不他適不意孤亦亡嗣姪爲子艱苦備嘗撫嗣成立享壽八十四歲人多欽服

譚廷擢妻馮氏夫亡親老子幼氏奉養姑舅甘旨無缺撫育孤兒髫年食餼人皆感其節孝

商翠雲妻劉氏夫亡氏年二十二歲孝養翁姑撫育子女皆底成立

侯選州同商瑞雲側室王氏生員商勇義生母夫亡氏年二十三歲遺子數月矢志守節撫孤力學四十餘年如一日張璜妻尙氏璜亡氏年二十有六遺孤方七歲有惡族合謀逼勒改志吞霸業產氏日夜號泣將欲自盡又念孤子無依逃居翼城縣撫子成立始歸故土苦節四十一年享壽六十七歲

張洪妻李氏夫亡無子以兄子茂功爲嗣撫訓入泮守節三十餘年茂功妻張氏茂功蚤亡亦無子擇姪承繼後姪瑞祥亦入泮一門雙節懿行可風

韓珂妻王氏珂死河南氏年二十一子基遠甫週歲氏事上撫下竭盡心力教子入泮孫性善登進士里人以爲苦節之報

郭挺基妻馬氏基亡氏年二十五遺孤週歲斷髮自誓堅志撫孤教子訓女咸底於成苦節三十二年

蘇眉妻韓氏眉溺死滁州氏年二十四歲遺孤觀海未週齡氏聞計死而復甦欲以身殉因念孤兒在抱恐死撫育卒成苦節鄉人憐而敬之

韓治本妻張氏本亡守志不移撫孤成立縣令扁其門

楊日強妻董氏年十六歸夫家五載日強客河陽病卒氏以遺腹潔志守貞及生女翁姑令改適氏毀容斷髮誓死無二朝紡夕織以事雙親艱苦備嘗鄉人賢之繼姪克武為後苦節五十六年年七十七以壽終

田明生員崔志寧妻張氏張鑑女

三十九卷終

澤州府志卷之四十

寓賢

晉周處字子隱陽羨人少負力馳騁人患之以比蛟虎既而改行見二陸為吳左丞入晉擢御史羗人齊萬年反命率師往討道澤軍行不擾人懷其惠與羗力戰死謚孝侯子圮靖札扶柩權葬周村著有默語及風土記

唐李靖三原人武德間突厥寇太原靖為總管將兵禦之駐師松嶺山令嚴無所侵掠民感德建祠嶺上至今祀之崔信明青州益都人博聞彊記下筆成章大業中令堯城竇建德招之不屈去隱太行山貞觀中應詔舉終秦川令

岑參南陽人幼讀書王屋山之青蘿齋有思舊齋詩秦畧邠陽人神龍中任淄川令陞高華尉卒葬陵川

徐彥伯兗州瑕邱人名洪以字顯七歲能爲文結廬太行山下薛元超安撫河北表其賢對策高第調蒲州司兵叅軍時司戶常暲善判司士李亘工書而彥伯屬辭時稱河東三絕後移蒲州刺史以近畿上南郊賦一篇辭致典綽歷太子賓客開元二年卒彥伯秉筆累朝後來翕然慕倣張彥珩字九如洛陽人遭變奉父與箕僑寓高平之辰堰村後占籍于此地鄉會登第官布政致仕謙冲自處與邑人聯婚媾遂成土著

薛僅字冲用漢御史大夫廣漢後自沛居河七世祖辨僅拔萃起家開元二十年將巡潞藩擇才能俾宿儲供以左拾遺爲屯留令在任七年乃居於高平山別業屯留民懷之徐季鴿爲撰屯留令薛公善政碑

申環金成郡人咸通間徙陵川縣北之蒲水村養性閒居無縻爵志卒葬村西陽山下有題其墓者曰可惜荆山玉沉埋曠野間

張誨其先世居清河祖嘗爲和川令因家焉誨復徙居高平自號拙菴以文學名世專經術富篇韻所交多一時鴻儒居鄉不苟人皆稱之

宋李常侍福王之後家隴西成紀縣五代時爲澤州守遂占籍高平善治生勤于農桑與傭奴力作不少懈退休卽讀書鼓琴以修其家學事親處兄弟教子皆盡其道敦尚行誼遠近慕之五府連辟不就年九十三卒葬董寨村

金元好問遺山太原人七歲能詩隨叔父陵川令泰於官受學郝天挺六年業成下太行趙禮部閑閑見其詩謂可繼

澤州府志 卷之四十一
杜甫京師稱爲元才子後過澤州有高平道中望陵川詩
云書郎零落頭今白腸斷荷衣出拜時尋請修金史方闢
館會有沮之者不果乃構野史亭采摭遺事汗牛充棟輯
金源君臣言行錄書未就而卒郝文忠經志其墓稱爲蘇
軾黃庭堅後一人初以興定進士歷南陽內鄉令終左司
員外入翰林知制誥金亡不仕
王謙并州人少沉靜有志操是非喜怒不形於色後隨母氏
至高平愛其山水因家焉受學翰林學士王晦元經釋典
九流七畧皆所旁通以子貴封朝列大夫卜築西山直躬
化俗有太邱遺風

徐貴字仲平雲中人卜隱陵川

元王勵平陽進士性狷介工詩善書避亂隱太極觀行客來
謁者輒與爲聯咏無倦色時目爲通隱

田輔渭南人至正間官四川行省叅政尋歸隱明初辟官不
就僑居陽城河北里子孫並以儒術顯

魏增通許人中興判官至正末避兵鳳臺里數年天下定始
去留田供廟祀里人鐫石以紀其義

明趙民望浙江人登元末進士第明洪武初自西歸道陽城
遂僑寓數載博洽淹雅邑壇廟碑碣文多出其手教諭郭
輝其門下士也每奉其言以式多士

張恂陝西涇陽人進士因闖亂潛避高平遨遊山谷以嘯咏
自適

桂文芳燕山人元時族多權貴明洪武初授沁州學正力學
勤訓士人宗之後占籍千沁

舒聲江南人寓高平米山以潞安籍登鄉舉

宋肅城武人進士避闖亂徙居高平辰堰村不樂仕進翛然有出塵之想

國朝姚恭海豐進士順治初仕冀南道會姜瓖叛其將張斗光陷澤迫恭降不從死之子孫遂家焉


韓在咸陽人前中書文行並高闖亂僑寓陽城數年四子俱以功名顯在淡然無驕貴色

補陶唐雄陶方回續牙伯陽東不訛秦不宇靈甫路史云舜

耕于歷山漁於濩澤小大悅之秀士以從七人不辟而至周旋歷濩之間爲之七友迨既禪七人者始逃之注雄陶續牙人表作雒陶續身又作續耳

明孔思訥聖裔第五十四代洪武間任澤州學正遷平陽府

教授道出陽城以疾卒子克誠占籍西城里仕至鳳翔知府後請有家譜免其子孫徭役衍聖公劄付今刻石家廟陳有守字達甫休寧人山人工詩王仲房曰達甫弱冠從親官長平一見常評事倫歸而詩名遂起見明列朝詩記有秋日過大雲寺一首



孟嘉晉書公傳
山蘇西姓里山汪鳳騰賦

技術

漢子輿儀長孺皆西河人馬援上馬式表曰昔有騏驥一日千里伯樂見之昭然不惑近世有西河子輿亦明相法子輿傳西河儀長孺長孺傳茂陵丁君都君都傳成紀楊子阿臣援嘗師事子阿受相馬骨法考之於行事輒有驗效長孺又見尚友錄

晉王叔和高平人為太醫令博通經史洞識修養之道精診切纂岐伯華陀等書撰脈經辨晰最詳張仲景作傷寒論文字錯簡未易序次求得叔和彙撰始成全書見唐甘伯宗名醫傳考古籍邑之王寺村今藥碾猶存

王顯并州人景明四年公孫崇表頊蒙付并州民王顯進所獻古銅權稽之古範考以今制鐘律準度與權參合昔造

猶新始創若舊異世同符如合規矩

北魏顧愷河東人好相人世祖賢之拜爲上大夫

荆浩唐末沁水人善畫世稱荆關董巨爲畫家正宗其山水節要曰凡畫山水意在筆先丈山尺樹寸馬豆人此其法也遠人無目遠樹無枝遠山無皴高與雲齊遠水無波隱隱似有此其式也山腰雲塞石壁泉塞樓臺樹塞道路人塞石分三面路分兩岐樹看頂額水看岸基此其訣也凡畫山水尖峻者峰平夷者嶺峭壁者崖有穴者岫圓形者巒懸石者巖兩山夾水者澗夾路者壑水注川者溪泉通川者谷路下平土山者坡似土而高者阪若能辨別乎此則知山水之彷彿也觀者先看氣象後辨清濁定衆峰之揖拱列羣岫之威儀多則亂少則漫不多不少要分遠近

遠山不得連近山遠水不得連近水山要迴抱水要潨迴茂林古寺樓觀可安斷岸頽堤小橋宜置有路處人行無路處林木岸絕處古渡山絕處荒村水澗處征帆林密處店舍懸崖古木根露而藤纏臨流怪石嵌空而水痕凡作林木遠則疎平近則森密有葉者枝柔無葉者枝硬松皮似鱗栢皮纏身生於土者修長而勁直長於石者拳曲而伶仃古木節多而半死寒林慘淡以蕭森凡畫山水須按四時春景則霧鎖烟橫樹林隱隱山色堆青遠山拖藍夏景則林木蔽天綠蕪平陂倚雲瀑布近水幽亭秋景則水天一色霞鷺齊飛雁橫烟塞蘆渚沙汀冬景則卽地爲雪水淺沙平凍雲匝地酒旗孤村漁舟倚岸樵者負薪風雨則不分天地難辨東西行人傘笠漁父蓑衣有風無雨枝

葉斜披有雨無風枝葉下垂雨霽則雲收天碧薄靄依稀
山光淺翠網晒斜暉曉景則千山欲曙輕霧霏霏朦朧殘
月氣象熹微暮景則山啣落日犬吠踈籬僧投遠寺帆卸
江濱行人歸急半掩柴扉或烟斜霧橫或遠岫雲歸或秋
江古渡或荒塚斷碑或洞庭春色或瀟湘霧迷如此之類
謂之畫題筆法布置更在臨時山形不得重犯樹頭不得
整齊樹藉山以爲骨山藉樹以爲衣樹不可繁要見山之
秀麗山不可亂要顯樹之光輝若能留意於此顧心會於
精微

裴元證河東人通儒術該曉圖識

宋馮文智并州人世以方技爲業太平興國中詣都自陳召
試補醫學加樂源縣主簿端拱初授少府監主簿逾年轉

醫官加少府監丞嘗隸并代部署淳化五年府州折御卿
疾文智診療獲愈御卿表薦之賜緋加光祿寺丞咸平二
年明德后不豫文智侍醫既愈加尙藥奉御賜金紫六年
直翰林醫官院東封轉醫官副使祀汾陰又加檢校主客
員外郎大中祥符五年卒

都嚮進士陵川人博學通醫徽宗時官宣議郎掌太醫院事
遠邇求診應手愈能以其術鳴

元劉致字時中河東人官翰林待制風情高簡蚤負聲譽能
篆著復古糾繆編傳世行草宗晉人而不純熟

王翼陽城人穎悟強記旁通律曆尤工詩因染疾棄進士業
精求醫術療人多奇驗著素問注疑難傷寒歌括若干卷
算術一卷詩五百篇

李肯堂高平人巧思強記善楷書及篆籀之學有西溪法帖傳世

明陳魯高平人少學易入五臺見老翁授開心符魯跪吞之遂明卜筮凡陰陽九宮兵法風雨無不立應

王友古高平人博物洽聞尤精天文及九章法且布算而知人之隱嘗集渾天歌器銅鳥漏刻候風諸巧製并圖之以爲準

程應寵州人少聰穎善岐黃術歷代醫書無不瀏覽能切脈刻期斷生死輒中有奇疾人不知何症者注藥立起且不擇人而療卽窶丐弗棄也手錄醫案曾官太醫院吏目

李玘高平人少以醫著後善圖緯且能煉形服氣晚年彙釋老而一之

國朝三銅道人不知何許人諸生成周佐母病喉百藥罔效一道人過門索蔬具見之曰喉有祟吾爲手療否且殆矣擊所持棕扇柄出紅丸七令吞之又彈頂後吐數肉蛾蠕蠕動旋納之袖中語周佐謝我銅三斤足矣取以付再出失道人所在殆非世人也遂著三銅道人傳傳諸人周佐才而有義聲高平畢振姬與之友

蘇寰字生生州人博覽喜吟藁蓄禁方會召不赴去而遯跡終身其筮易行已意不規規先儒成說詩有達情究心六書著訂正韵法直圖俱未行

補宋蕭照濩澤人靖康中流入太行為盜一日掠得李唐檢其行囊止粉奩畫筆叩知其姓氏照雅聞唐名卽棄賊隨唐南渡紹興中補迪功郎待詔畫院賜金帶照本末見圖

方外

古廣成子與軒轅黃帝授道於王屋有授道壇三級瑤臺是
矣又有清風臺明月臺皆與帝棲游之所今虛皇殿法籙
堂肖像存焉其授受之言載於仙經

西王母命元女授軒轅陰符乃破蚩尤世說王母洞卽與瑤
池相連常有仙燈出沒雲霄間人莫可得而測

周王子喬或云王喬卽靈王太子晉先爲葉縣令後養道於
華蓋山號華蓋君有神術一日天降玉棺於堂上喬曰上
帝召我耶乃沐浴卧其中尸解而去

浮邱公養道於玉陽山王子晉自緱山來王屋公與盤桓山
谷間因息駕於靈都萬壽宮今有憩鶴臺存有碑紀其事
漢趙叔期學道於王屋山聞有卜者在市往見焉卜者曰欲

入天門調三關存朱衣正崑崙期因叩請要道授以胎中
記一卷拜受之後成道飛昇

稷邱君太行山下道士武帝時以道術受賞髮白再黑齒落
更出帝東巡泰山君迺冠章甫衣黃衣擁琴迎拜道左止
帝勿上上必傷足指及數里右足指果折帝諱之故但為
稷邱君立祠

費長房修真高平縣之南山有提壺賣藥翁日行市中入壺
以憇長房見而異之禮為師翁曰孺子可教並引壺中絕
非人境遂予竹杖及縮地法數千里頃刻可至後不知所
終

後漢王真上黨人真年且百歲視之面日光澤似未五十者
自云周流五岳名山悉能行胎息胎食之方嗽舌下泉咽

之不絕房室

漢武內傳曰王真字叔經上黨人習閉氣而吞之各曰胎息習嗽舌下泉而咽之各曰胎

食真行之斷穀二百餘日肉色光美力並數人抱朴子曰胎息者能不以鼻口喘喻如在胎之中

郝孟節上黨人能含棗核不食可至五年十年又能結氣不
息身不動搖狀若死人可至百日半年亦有室家為人質
謹不妄言似士君子曹操使領諸方士焉

左慈字元放廬江人少有神道嘗從曹操出近郊士大夫從
者百許人慈乃為齋酒一升脯一斤百官莫不醉飽操怪
之使尋其故行視諸罏悉亾其酒脯矣注罏酒肆也操懷不喜

因坐上欲收殺之慈乃卻入壁中霍然不知所在後人逢
慈於陽城山頭因逐之遂走入羊群竟莫知所取

毛伯達劉道泰謝稚堅張兆期皆後漢人學道王屋山共合
神丹毛服之而死劉服之又死謝張不敢服捐山而去後

見毛劉在山上二人悲愕就請道與之茯苓持行方服之皆數百歲遊行五嶽但陸仙公

陶隱仙真誥

曹魏郗儉陽城人能行導引號三百歲武帝召問修鍊法太子暨陳思王輩咸調笑不之信因令辟穀百日而作止自如帝遂重之命為方士領袖

晉王烈入太行山聞雷聲山石忽破裂數百丈中一孔有石髓流出似青泥烈取食如飴餘半以與嵇康皆疑而為石又於石洞中見一卷素書視之不識也默識數字以語康康知之偕往輒不復見烈乃歎曰叔夜趣非常而輒不遇命也烈後仙去

唐司馬承禎洛州温人事潘師正傳辟穀道引術無不通辭去徧游名山睿宗召之引入掖廷問其術對曰為道日損損之又損以至於無為夫心目所見每損之尚不能已况攻異端而增智慮哉帝曰治身則爾治國若何對曰國猶身也故游心于淡合氣于漠與物自然而無私焉而天下治帝嗟味曰廣成子之言也錫寶琴霞紋帔還之元宗時再被召詔于王屋山置壇室以居 開元中文靖天師與承禎各就枕忽聞小兒誦經聲泠泠如金玉天師窺之承禎額上有小日如錢光照一席逼而聽之乃承禎腦中聲也年八十九蟬蛻去弟子葬其衣冠謚貞一先生

張果隱中條山不知其年貌如六七十許人世傳跨白驢常往來王屋山間休則疊如紙置巾笥乘則以水啜復成驢武后召之佯死妬女廟前開元中徵至問神仙事語秘不傳擬降玉真公主果笑不答屢乞還山賜號通元先生給

傳歸此再召已歿矣祠棲霞觀

李通敏高平人晏六世祖棄科舉學辟穀去妻子隱於西山不入城市年逾百歲無疾終後有遇於王屋山者儀貌如生因名山暨井爲遊仙

樂氏二女先陵川人始娠感神光而生後繼母呂遇之酷冬月單衣見脛責採茹號於野泣血漬土產苦苗赤葉斑如持奉母虐乃愈甚移家壺關紫團山使拾麥遺穗無所得呼天訴相傳黃龍忽從空下御之以升道宋崇寧間王師拒夏乏食復聞二女顯靈飯軍賜號冲惠冲淑真人

睿宗第九女昌隆公主修真玉陽山改封玉真道號萬華真人後白日飛昇事在天寶間御書碑乃萬華靈壇祥應記普滿不知何許人太曆中遊澤潞狀若顛不拘戒行言事無

不驗嘗題潞州僧舍云泚水連涇水雙珠血滿川青牛將赤虎還見太平年人初莫喻及朱泚亂人以意解乃泚因涇州兵亂兄弟造逆乙丑丙寅寇平之兆也

北周慧遠澤州人甫六歲投曇始禪師得度武帝召對契合授法座尋退隱藏陰寺注涇繫經成擲筆云若疏合禪理筆當駐空已而果然其疏遂行入隋爲掌教釋經法師

東林蓮社高賢傳法師慧遠姓賈氏雁門樓煩人沙門釋道安建刹于太行山一面盡敬以爲真吾師也遂與母弟慧持投簪受業後南適居廬山東林寺於一峯製湮繫疏因各擲筆峯又僧曇翼餘杭人入廬山依遠公初餘杭山沙門法志常誦法華經有雉巢於菴側翔集坐隅若聽受狀七年志曰汝能聽經必生人道明日雉殞夜夢童子拜

曰今生前山王氏後其家設齋志方踵門兒曰我師來也
 志撫曰我雉兒也解衣視掖下有雉毳三後出家以掖有
 毳因名以翼據此則慧遠晉人青蓮寺或即道安太行之
 刹瓶錫所及因有擲筆之名李莊靖擲筆臺詩亦用雉子
 事今志以為後周時僧似別為一人未知何據有辨載叢譚
 後周王琮為王屋令常念黃庭經六千遍未了深義罷官絕
 穀咽氣入洞中有嵌室石牀案上古經一軸琮再拜曰臣
 竊入洞天萬劫良會今睹元經願許塵目一披忽一人曰
 吾東極真人王太虛黃庭經吾所注授於子復與核桃大
 如數斗磨而服之愈疾延年子未可此更二十年期琮獲
 核與經而歸

平上人修真寶岩寺端居石室猛虎自伏後坐化遺骨甚香

其徒建塔崇奉寺在太行山顛俗稱金燈寺是也

後唐大愚為僧五音洞調演聲律能達旨要年九十餘一日
 別其徒曰吾將歸矣端坐而逝洞中嘗聞五音聲後人因
 以為名嘗作上心王狀奏六賊表蓋教乘喻言也錄進昭
 宗并韻母三十字詔賜田百頃祠部牒三十八道紫衣十
 道有愚公塔心王表碑在金峯

洪密陽城千峯寺僧俗姓劉早皈石霜契宗旨明宗為太尉
 密預識之登極後命建禪院賜衣鉢蠲田租以勅書慰問
 詳司空圖記

後晉煙蘿子王屋里人天福時佃陽臺道家田後得烟霞養
 道之訣一日于宅井傍得靈異人參舉家食之遂拔宅上
 昇今洗參井仙猫洞其遺跡也

宋二張仙公一名崇真澤州人一名道温京兆人同居州西
上町社修真觀尋偕遊海島遇劉長生得其術復歸結茆
於此相繼坐蛻瘞同穴後數十年人猶有見者

賀蘭棲真奉仙觀道士章帝聞其道術召至京師爲詩以獻
上亦製詩以答之一日問曰先生有點金術人言信乎對
曰陛下聖德睿明富有四海臣願以堯舜之道點化天下
方士僞術不足道也上竒其言賜號宗真太師乃獨觀之
田賦祥符三年卒年百一十有三時天大雪經三日頂猶
熱人於王屋山頭見其肩挑隻履云

宋許吉過王屋山見丞相龐籍道服從三四童而行吉詢童
曰此丞相龐公平童曰然吉曰何故遊此曰公作王屋山
道君治此山也

青瑣記

金姬志真高平人號洞明子皇統中遊五岳歸語所親曰人
生一夢耳捨宅作觀名清夢服紫衣爲道士見觀碑

通真子姓秦名志陵川人棄應舉學道隱王屋少室間後遇
披雲老人於上黨授道籙遂立局平陽元都觀校補三洞
書訖倏風雷大作遂立化著林泉集二十卷

元馬仙姑永平人幼慕棲真結屋高平縣西通義村日以鍊
形爲事旁產香草飛鳥不期而集一日正襟逝人每道其
星冠霞帔步虛往來因立祠祀焉今董峯菴有石榔郎委
蛻處

鄭埜嚴沁水人通天文曆數地理學隱歷山遇異人授左慈
術臥冰雪不僵縣令遣召之先召者至問世道不答強試
其術乃索一瓶側身入擊碎之則了無所見已遁矣明洪

澤州府志 卷之四十一
武初識者遇於襄鄧山中鬚髮如故就問之疾行如飛去
珍講王陵川縣禮義鎮人張姓禮崇寺僧洞曉禪機後枕右
股而化

明法亮姓崔氏澤州人出家靈巖寺刻修戒行嘗行腳至鍾
山造藏經歸禁足三年晝夜檢誦不輟作石塔藏之

祖湯陽城龍巖寺僧日誦經巖東小石龕辛亥六月六日方
誦法華忽一兔徐入龕內蹲經案前誦已三揮不去自己
至申湯曰吾送汝歸路兔從出門踴躍而去白所知爲作
銘識之云白兔聽經處

巖間書生上黨記太行山有箐射熊者見諸生讀書巖間及
往覓則失其處人以爲神仙

補漢呂恭字文敬少好服食將一奴一婢於太行山中採藥

忽見三人在谷中問恭曰子好長生乎乃勤苦艱險如是
耶恭曰實好長生而不遇良方故採服此藥冀有微益耳
一人曰我姓呂字文起次一人曰我姓孫字文陽次一人
曰我姓王字文上皆太清太和府仙人也若能隨我採藥
語公不死之方恭即拜曰得遇仙人若見採服是更生之
幸也即隨仙人去二日乃授恭秘方一首因遣恭去曰公
來二日人間已二百年矣歸家但有數世孫呂習作道士
推求而得耳因以神方授習而去習已八十服之即還少
壯至二百歲乃入山中子孫不復老死

金孫景元字仲遠沁水人爲靈虛觀道士以戒自持性高古
博通經論學者從而受業所在雲集名動京師貞祐之變
晦迹嵩洛駕幸汴梁召爲上清儲祥宮開講大師趙秉文

以詩敦諭之然屈節應命非本志也三年不告而去崇禎
壬申請陽城臺村岱岳廟為岱岳觀其地高曠
東北次西南曰南臺皆俯視之與其徒為林下計年八十
四道氣所養舉動健美出入古今手不釋卷逸情遐想飄
飄然與造物者遊人莫能窺其際也詳見鶴鳴老人李俊
民碑記

四十卷終

